



**Pium consilium super Papae Sfondrati dicti Gregorii XIII  
monitorialibus ut vocant bullis, & excommunicationis, atque  
interdicti in Galliae regem, ecclesiam, & regnum minis, e  
Francorum majorum nostrorum exemplis in rebus iisdem  
repetitum**

<https://hdl.handle.net/1874/13829>

C. 2431.

PIUM  
CONSILIVM  
SUPER PAPÆ SFON-  
DRATI DICTI GREGORII  
XIII MONITORIALIBUS UT  
vocant Bullis, & Excommunicationis, atque  
interdicti in Galliæ Regem, Ecclesiam, & re-  
gnum minis, è Francorum maiorum no-  
strorum exemplis in rebus iis-  
dem repetitum;

A T U S S A N O B E R C H E T O  
*Lingonensi Gallico in Latinum ser-  
monem conversum.*



*Ex dono Buseki*

Psal. 109.

*Maledicent ipsi, & tu, Iehova, benedices:  
Insurgent, & pudore afficiuntur.*

FRANCOFURTI  
Ex officina Typographica Mar-  
tini Lechleri,

M D X C I.



3



# HENRICO IIII CHRI- STIANISSIMO GALLORVM ET NAVARRORVM REGI, Tus. Berchetus S. D.

**Q**ui rei veritate ac justitia,  
& firmis utriusque propu-  
ntandæ fundamentis nitun-  
gur, HENRICE Christia-  
nissime, illi nec lucem, nec  
forum, nec judicem, nec disputationem refu-  
giunt: sed in caussæ suæ defensione recta via,  
ratione nimirum, jure & modestia progre-  
diuntur, ut præter victoriam, quam meri-  
to sperant, moderationis etiam laudem con-  
sequantur. Contrà, quibus iniusta caussa  
est, nec verisimilis ulla illius quo jure qua-  
que iniuria defendendæ facultas, ii pro ar-  
gumentis & exemplis optimis, quibus defi-  
ciuntur, contumelias, vim & violentiam  
non iniuste tantum, sed protervè etiam se-  
penumero adhibent, injustitia simul & pe-  
tulantia insigues. Ita nimirum, exempli  
caussa, in scholis (ut à minimis ad maxima  
sensim progrediar) usuvenire videmus, ubi,

qui vel ingenii exercendi ostentādique, vel  
veritatis illustrandae gratia disputant, nec  
habent unde quod volunt efficiant, ad cla-  
mores, ad rixas, ad pugnos & pugnam ve-  
niunt: fit q̄, ut, qui insana vociferatione, pe-  
tulantiq̄ contentionē vicerint, judice vul-  
go, quodeam miratur & probat, eruditiores  
habeantur. In foro idem dicendum: Ut  
enim eruditus & justæ caussæ vindex pa-  
tronus graviter & modestè caussam agit:  
sic ineptus rabula & veritate & ratione de-  
stitutus, injuriis complet forum, ridiculis  
tergiversationibus caussam eludit, clientem  
frustratur, furiosis clamoribus auditorum  
aures obtundit, judicum etiam animos ene-  
cat: qui tamen coronæ plerumque imperitæ  
opinione, benè dicendi palmam refert. In  
templo etiam, qui Spartā quam nacti sunt,  
dignè ornare, & susceptam probandæ atque  
illustrandæ veritatis provinciam, muneris  
sui functioni auditorumq; expectationi cō-  
venienter, tueri non possunt, quia nulla ve-  
ritate nituntur, pro frugibus obtrudunt fa-  
melico populo siliquas, pro luce tenebras of-  
fundunt, pectus præ dolore aut furore po-  
tius tundunt, pulpitum feriunt, vociferan-  
tur,

tur, in veritatis assertores contumelias despumant, fulmina contorquent, eosque ad fasces & secures, ad ignes & saevissimos quosque cruciatus damnant. At veri piis Ecclesiast.e, et si vitia & errores paulo acrius reprehendant, modestiæ tamen fines nō excedunt, veritatem, quam profitentur & tenent, docere contenti. Siquid autem occurrit, quod in questionem jure vocari posse, in campum lubenter descendunt, disputationis eruditæ & modestæ certamen nec declinant nec detrectant: sed pedem amicè conferunt, loca locis, argumenta argumentis, exempla exemplis, tempora temporibus, personas personis opponunt: unde controversiâ utring diligerter excussa & disceptatâ, veritas elucessit & confirmatur, quâ postea ad Dei gloriam & publicam salutem stetur. Ne teô magnanime Rex, tam multis magnisq; rebus iam intentum & omnino affixum pluribus morer, in tua perduellîng; causa hoc ipsum perspici potest. Illi enim, ut abiis dendi initium faciam, & in temox desinâ, injustissimam regni alienationem, conflata iam dudum omnium ordinum conjuratione, perfide moluntur: ac ne, quod palam (bo-

norum quidem omnium judicio) nefarium  
& impium est, id nulla caussa freti aggredi-  
videantur, religionis nomen conjurationi  
suæ obtendunt: speciosum sanè prætextum,  
quo plerique delusi & pæne dicam fascinati,  
sceleratā hanc cum perduellibus istis ever-  
tendi regni societatem ineuntes, vivi vi-  
dentesq; pereunt. Hæc illorū caussa est. Quo  
tandem modo eam defendunt? armis, in-  
cendiis, rapinis, cædibus, venenis, merce-  
mariis, homicidiis, sacrilegiis, dum nec sa-  
cris rebus (quarum vindices videri volunt)  
nec profanis, nec sexui, nec ætati, nec perso-  
nis, nec dignitati, nec tuæ etiam, quam re-  
vereri & colere imprimis debuerunt, maje-  
statiparcunt, non tuo tantum regno (cujus  
maximam partem occupatam tenent) inhi-  
antes, sed tue etiam insidiantes saluti. Sat-  
tem si in sua caussa propugnanda paulo mo-  
deratiùs & humanius, ut patriæ religionis  
que studiosi aliquantulum viderezunt, se ge-  
rerent. At eâne est recta & legitimare reli-  
gionis propugnandæ, & hereseos, cujus tuā  
Majestatem falso insimulant, sanandæ &  
extirpandæ via? Ad has etiam tam multas  
injurias accedunt Papæ Romani Bullæ, &

contor-

contorta in te tuosq; omnes fulmina, quibus  
 teg; vulgo rerum imperito odiosum & ex-  
 crandum reddere, tuosq; tibi addictissimos  
 cives à tuae, si possint, salutis & dignitatis  
 propugnatione avocare tentant. At, ô Chri-  
 stianiss. & potestiss. Rex, & tua caussa iustissi-  
 ma est, & sancta legitimaq; illius defende-  
 dæ ratio. Regni enim successio in nullam jam  
 controversiam dubitationeq; vocatur. At de  
 religione, inquiunt, agitur: Verum religio  
 non armis, sed argumentis dijudicanda est:  
 non perduellione, sed sacra scriptura vindici-  
 canda: non impio bello, sed pio concilio illu-  
 stranda & comprobanda est. Rationi autem,  
 scripturæ sacræ, concilio iam pridem eru-  
 diendum offers, iisq; libenter cessurum &  
 regie & sanctè asseris: ut gravissimis scri-  
 ptis sape testificatus es, & præcipue Decla-  
 rationibus aliquot (fidelissimis tui candi-  
 ris, ingenii, consilii & propositi testibus)  
 quas ideo nō ita pridem Latinas feci, ut non  
 Gallis tantum, sed aliis etiam omnibus, ad  
 quas eæ pervenirent, caussæ tuae veritas &  
 æquitas patet fieret. Præterea cum vir qui-  
 dam pius & eruditus, idemq; tui observan-  
 tissimus edito lingua vernacula libro erudi-

tè caussam tuam confirmasset, & omnia, quæ  
contrà objiciuntur, verè ac perspicuè refu-  
tasset: illū ego eadem ratione motus, in La-  
tinum etiam sermonem converti, unde cæ-  
teræ nationes abundè discerent, quām justa  
tua caussa esset, & quām injusta horum bel-  
lorum occasio, ut re tota penitus comperta,  
ad justissimam tui defensionem unà tecum  
fusciendam excitarentur. Cùm enim cō-  
jurati isti nec rei veritate, nec justitia, nec  
pietate, nec consiliis, nec equissimis à te pro-  
positis conditionibus à nefario suo cōsilio ab-  
strahi possint, sed in justis armis regnum tuū  
magis ac magis usurpare, & ad Hispanum  
transferre pergant, atque in eare modis, ar-  
tibus, machinisq; omnibus enitantur: AE-  
quum est profecto atque adeò necesse, pien-  
tissime Rex patriæq; amantissime, ut, si &  
tua, & tucrum, totiusq; regni saluti consul-  
tum velis, justam caussam justis rationibus  
necessariisq; armis propugnes, regnum tuum  
è luporum istorum fauibus eripias, bonos  
tam indigna & atrocia tecum passos recrees,  
eos patriæ, iisq; patriam restituas: atq; pie-  
tatem & justitiam (quò tua consilia & ar-  
ma omnino spectant) conjuratorum perfi-  
dia &

dia & pertinacia afflictas ac profligatas eri-  
gas & stabilias, pacemq; solidam, quantum  
in te erit, constituas. Ast restat unus non  
tibi quidem, qui meliora & sapientis,  
sed tuis tum Gallis, tum externis etiam ali-  
quot, veteris historiae & cognitionis rerum  
non satis peritis, à Sfondraton nuper injectus  
scrupulus, unde fortasse aliqua cauſſe tua  
minus conſtanter ab illis propugnanda o-  
casio nasci poſſit. Verum huic quoq; malo ab  
eodem superioris libri auctore, praſens hoc  
piosimul & erudit libello remedium adfer-  
tur, quo bullarum iſtarum vanitas oſten-  
ditur, infirmiorū animi aduersus hos ina-  
nes metus confirmantur, atque ad cauſſam  
tuam alacriter fortiterq; defendēdam tum  
optimis, tum veriſimis exemplis edocēti ex-  
citantur. Libri hujus probè intellecti utili-  
tas & neceſſitas, tum piorum tuq; aman-  
tissimorum virorum, qui de eo Latinè ver-  
tendo mecum egerunt, consilium & aucto-  
ritas: denique (quod dicere primò debui)  
ſumma mea erga tuam Majestatem obſer-  
vantia, illique obsequendi & patriæ pro mea  
parte consulendi voluntas hic me adduxe-  
runt, ut eum etiam in Latinum sermonem

converterem: unde Germania quidem tota, Anglia, Scotia, Helvetiorum gens in fide, in sancta hac societate, in proposito suscep-  
toque nostri defendendi consilio perma-  
neant: magna vero Italia pars, & Hispania tota hujus regis & regni, immo Chri-  
sti & religionis verae hostes, aut sapere discat,  
aut quod nobis exitium machinantur, sibi  
ipsis certo impendere sciant. Tu vero, rex  
Christianissime, optima conscientia, caussa  
& equitate, honorum omnium precibus, fortis-  
simorum populorum tum Gallorum tum ex-  
ternorum presidiis, sed Dei imprimis, cuius  
& caussa (non tua tantum) & nomen &  
cultus hic aguntur, bonitate & misericordia,  
justitiaque nixus, ridiculis istis Bullis, &  
infestis hostium armis contemptis, fortiter,  
ut facis, in hanc caussam incumbe: nec prius  
a justissima tui, regnique defensione pie &  
necessario a te suscepta desiste, quam hac to-  
ta conjuratione, cajuratique omnibus fundi-  
tus extinctis, Deo suus honos, Ecclesie  
sua dignitas, Galliae sua libertas per te tuo-  
rum votorum compotem factum restitua-  
tur & constet. Quod Deus Opt. Max. quo  
tu praecepisti uno & niteris & confidis, faxit,

ac vi-

A D H E N R I C . I I I .      II

ac vitam tibi tuisque omnibus longissimam  
& felicissimam largiatur. Vale ô Rex Chri-  
stianissime, atque hunc (quem mihi unum  
vendico) vertendi alieni operis laborem à  
me tua gratia susceptum, tuaque etiam Ma-  
jestati dicatum, summisque oblatum pro  
tuo singulari candore, & verè regia huma-  
nitate, serena fronte accipe. Sedani è Mu-  
seo nostro 2 Augusti 1591.





Tuss. Berchetus pio & candi-  
do Lectori S.

**V**I RANTUR hodie multi quoniam malo genio, quoque fato nostro bella haec civilia aut natata sint, aut alantur tandem, et magis in dies augeantur, itaque propagentur et confirmantur, ut nullis quaecunque opponantur, nec opibus, nec viribus, nec rationibus, nec machinis labefactari, percelli, interire que omnino possint. Non abs re quidem id mirantur, et dolent etiam, ob rei, quam tam multa secum mala invehat, et pietati iustitiaque interitum minetur, diuturnitatem et magnitudinem. Verum si admiratores illi, et animorum nostrorum pravitatem, et corruptelam morum, et vite labem, ac gravissima, quibus ea tota scatet ac sordet, vulnera sibi ob oculos ponant, et quod proximum est, in tot ac tantis, quibus laboramus, morbis nullam ferè sanitatis speciem et spem reliquam esse considerent, non amplius mirabuntur: sed dolebunt nihilominus, quod de morbis nostris curandis nullo modo nec cogitemus, nec laboremus. Vitia haec sunt, ut uno verbo dicam, et sclera, bellorum et calamitatum fons et caput: quibus nisi extirpatis, nullus misericordiarum finis sperandus videtur. Non persequar

omnia,

omnia, quia & infinita sunt & alibi ab aliis explicata satis, sed majori quidem illorum, qui sapienter ea differuerunt, & nos ad meliora erudierunt, laude, quam nostra, qui nec ullis preceptis moniti sapere, nec ullis malis affecti resipiscere possumus, utilitate. Et quid pluribus commemo randis tempus teram, cum si avaritiam & ambitionem teterrimas animorum pestes, unā bellorum caussam esse dixero, complexus omnia fuisse videar? Hic unus malus genius est, qui nos tandem vexat: hoc ipsum est illud factum, quod & privatis rebus detrimentum, & publicis extium ad fert. Infestus ille est morbus, qui pietati & justitiae, qui Galliae nostrae, qui Ecclesia universa extremam, si quā possit, perniciem machinatur. Quis enim jam tanta aut cæcitate, aut stupore, aut perversitate est, qui non videat, non sentiat & fateatur impiæ istius & perfidae coniurationis caussam unicam esse ambitionem, & hujus comitem avaritiam? excipio conjuratos ipsos, qui speciosum religionis (cujus se vindices profitentur) nomen nobis obtendunt, & ea se unā permoveri ad capessendum hoc bellum dicunt, ut ea in antiquam scilicet dignitatem suam restituatur. At eos ipsos potius testor, si modo conscientiâ convicti, quod sentiunt, aperie eloquivelint, annon religione evertani potius quam stabiliant: annon Ecclesiam expugnant potius quam propugnent: annon majorem usurandi regni, quam vindicandæ pietatis curam gerant: annon majorem Hispani, quam Christi rationem ha-

beant: ànon deniq<sup>ue</sup>, magis de privatare augen-  
da, quam de publica aut ornanda aut amplifi-  
canda laborent? De iis etiam ipsis, si modo quid  
sapiunt, quero, an ea, quam in eunt, vera & legi-  
tima sit restituenda, si collapsa est, religionis via  
& ratio? Certè priscos pietatis tum fundan-  
dæ & adificandæ autores, Deum, Prophetas,  
Christum, Apostolos, & alios pios Doctores:  
tum ejusdem confirmanda adjutores, ut Impera-  
tores, Reges, Principes, piisque Republicas, &  
populos si consulunt & audiunt, longè aliam viā  
inibunt, longè aliam rationem sequentur. Sed  
(ut non minus vere quam festivè dicitur) f.  
melicus venter autibus caret: vœsana illa &  
habendi & dominandi famæ nihil audit, donec  
plene satiata fuerit, si plenè tamen unquam sa-  
tiari potest: quæ contra quò plura absorbuit, è  
plura appetere, & gazas gazis, regna quere regnis  
cumulare & solet & gaudet. Sed mittamus  
jam conjuratorum sordes ac perfidiam: & ad  
nos ipsos, qui puriores videri volumus & fi-  
deliores haberi, jam jam veniamus. Ingenuefa-  
teamur necesse est nos hujus culpa, vel gravissi-  
mi potius sceleris consciens & socios esse, qui na-  
scens hujus impie conjurationis monstrum non  
oppreximus, & jam natum, ne adolesceret, non  
extinximus: immo illi cum nascenti (ea fuit  
nostra secordia) præstò fuimus, tum qua nostra  
aut perversitas, aut inertia, aut perfidia fuit;  
natum alimus, & èo usque eveximus, ut  
jam nec opprimi, nec extingui posse videatur:

Alii

Alii enim de rei exitu dubii, medii & securi desident: alii pecunia corrupti in propriam perniciem ruunt: alii honoribus inhabantes patriam produnt, & libertatem servitute, Hispanum crudelissimum superbissimumque tyrannum, Gallo humanissimo & moderatissimo rege commutant: pietatis, libertatis, fidei, in patriam & suos, sequi adeo ipsos amoris & officii, natura denique totius obliti, neque solum, sed hostes potius, vexatores, & afflictiores infestissimi. Hac igitur tanta malorum gravitatis & diuturnitatis causa breviter explicata esto. Neque enim mihi declamatio ad hac dilatanda instituta est, sed prefatio, quæ brevitate contenta, contradictionem me esse jubet, quam & rei natura, & meæ consuetudinis atque instituti ratio ferant. Hujuscetamen diuturnitatis causam alteram si postulas, hanc verè subjiciam: Nempe Hispanum regem, atque Romanum Pontificem, illius, de qua diximus, ambitionis & avaritiae ministros & instrumenta præcipua, vel potius artifices & architectos summos: quorum ille suis nummis, hic suis Bullis, uterque seditione, dolis, scelere, atque libidine, & ira quidvis permiscet, captat, corrumpit, rapit, perdit, donec & omnes & omnia sua tyrannidi subjicerit, & ita quidem affixerit ac prostraverit, ut nulla unquam ratione ne exurgere quidem, nedium consistere possimus. Mirum tamen istud & perquam deplorandum, quod nos in tanta & injuria dignitate, & mali gravitate, pristinæ virtutis

& libertatis immemores, Marranis istis & mercenariis Marranorum satellitibus & mancipiis Sabaudis, Lotharingis, & Guiis nostras opes, vires, & animos tam frigide & lente opponamus. Turpissimum hoc quoque & pene ridiculum, quod nescio quos Caprarios & Sfondratos Bullis, hoc est meritis nugis ( quibus ne pueri quidem hodie moventur ) armatos sic reformidemus: quos potius Majorum nostrorum exemplo ridere, persequi & multare decuit. Sed Hispanū fraudibus, insidiis, tyrānide, & nummis, quam gladiis, virtute & viribus validiorem ac formidabiliore jam omittamus: redeamus ad Romanos pontifices rerum omnium Dominos, qui nec Christi nomine, nec religionis causa moti, sed unā tantum avaritia & ambitione, atque eorum à quibus spernuntur, & de ea, quam sibi immerito arrogant, dignitate deturbantur, ulciscendorum cupiditate abrepti, has nobis turbas faciunt, has tragœdias excitant, has bellorum civilium faces accendunt, ut soli sine controversia dominentur, & nos suis artibus, si consequi id possint, ad Barbariem & ignorantiam redactos, suis Bullis & excommunicationibus Panico metu terreāt, & ita suis pedibus subjiciant, ut ne hiscere quidem audeamus. Notum est omnibus, quomodo Germanos Imperatores quondam habuerint, donec pristinae virtutis memores se tandem collegerunt, & pontificiis istis Bullis forti animo restiterunt. Quid de Gallis nostris dicam? sed tū res ex Annalibus nostris satis cognita, tum proposita mihi

mihi brevitas decòri me monent, atque ad multa, quæ ex hoc libello & aliis nuper editis peti debent, prætermittenda hortantur: ut quod præsentis instituti magis proprium esse, & ad libri argumentum pertinere videtur, id maximè attingam. Non igitur repetam Bonifacios, Benedictos, Julios, Gregorios, & ceteros ejusdem furoris ambitionis & tyrannidis Pontifices: sed de Sexto tantummodo agam. Deum immortalem! quo in regem nostrum & Henricum III, quem suis cōsiliis trucidandum curavit, furore est debacchatus? quo animi impetu corruptus in utrūque sāviit? At Dei, qui ejus tela retudit, bonitate inanes fuerunt illius conatus, & bruta omnino fulmina. Verum enim vero dum animo suo morum gerit, dum Hispani libidini servit, dum Ecclesie Romanae dignitatem & sacrae sedis autoritatem tuetur, pius esse pontifex, & verus Petri successor predicatur: Immortalitate etiam & Divorum consortio dignus putatur. At Urbanus illius successor ingenio longè dissimili prædictus, & ad pacem quam ad bellū propensior, quia minus à natura ad furiosa Sixti cōsilia exequēda comparatus & aptus esse videbatur, cùm paucos tantum dies in sede Pontificia moratus esset, à cōjuratis, quorum causam nec probabat nec promovere curabat, è medio sublatus est. S nondatus in Papatum illi succedit, qui ne in Urbani vicem succederet, & ne Hispani & Hispanæ factionis expectationem falleret, atrocissima & gravissima quæque in Galliæ regem regnumque

ipsum machinari, & quidquid auctoritatis ab potentia sui decessores sibi usurparunt, ad utriusque perniciem & eversionem conferre decrevit: In Gallia, Nobilitas, & reliqui fideles Galli secesserant regem suum optimè Dei beneficio animatos esse ostendunt: unde conjurati & familia regiae interitum, & Galici regni ad Hispanum ab alienationem, quam jamdudum cogitant & moluntur, se posse unquam assequi desperant: Nullum vero praesentius efficaciusq; remedium esse uspiam putarunt, quam si Papa veterem illum & rubiginosum gladium, quo majores ipsius instructi cum Germania principibus & Galis bellum gererunt, expromeret: atq; sua tonitrua & fulmina maximo cum sonitu & fragore ubique audienda ad terrendos hominū animos, & aliquem religionis scrupulum iis injiciendum, contorqueret: quo perculsi & perturbati, singularem suam, omnia que a Deo mandantur officia regi ac regno prestandi voluntatem (quam hactenus perpetuam & constantem habuerunt) immutarent, planèque abjicerent. Siquidem praeclarum illud Hispani & Gallie conjuratorum consilium sequutus, à novissimis Martiis Calendis duas Monitorias Bullas stylo Papali a se compositas Rhemos per Marcilium Landriatum Referendarium suum hoc maxime consilio & animo misit, ut eas per totam postea Galliam dispergeret, qua veneno suo magis ac magis imbuta, coniurationem vehementius confirmaret. Ex iis altera ad Nobilitatem & reliquum

popu-


*populum, Altera ad Ecclesiasticos & ad Cardinales maxime, qui stant cum rege, mittitur.*  
*Quaris, lector, ad quem finem? Dicam hic paucis, quod fusi postea auctor proponet ac refutabit. Papa unica religionis specie, & haereseos (quam impudentissime conjurati per calumniam & maliciam confingunt, suaque in regem perfidiae falsissime praetexunt) criminis ductus, nulla omnino nec regii juris, quod nullo pacto convelli potest, nec divini mandati, quod nominatim de obedientiaregibus & principibus exhibenda sanctum est, ratione habita, tum hos tum illos admonet, immo & imperat, ut a rege si non jam defecerint, quam primum deficiant, atque ad alium recipiendum colendumque se comparent. Quem (inquietus) regem nobis constituere in animo habet?*  
*Hispanum, inquam, cui totus hic desudatur labor, ad cuius sitim non prorsus quidem sedandam (unus enim Hispano regi non sufficit orbis) sed nonnihil restinguendam hæc tota conjuratio conflata est: hec arma, hi exercitus, hæc faces spectant. Vide quam verè Sfondratus CHRISTUM spiret, PETRUM referat, utriusque modestiam sapiat, & imitetur: qui non contentus hæc nefariè monuisse, militariter etiam vel tyrannice potius comminatur, nisi cerio & a se prescripto tempore imperanti sibi pareatur, eos omnes execraturum, atque ad tartara ipsa detrusurum, Ecclesiasticis sacerdotiis sua erepturum, denique*

rerum omnium sacrarum communione & usu  
 iis omnibus interdicturum. Sani quidem homi-  
 nes Sfondratum ut insanum & furiosum me-  
 ritò ridebunt, quia ita præterfas & ius omne au-  
 deat: At ceteri, iisque ab nimium multi, qui,  
 quam inania hæc Paparum fulmina sint, quam  
 parvi ea veteres Galli fecerint, quamque vana  
 sit tanta ista, quam nobis ostentant, potestas &  
 auctoritas non satis intelligunt: ut ne animo con-  
 sternati & regi, & regno, & sibi ipsis desint, has  
 brutas vanasque minas libri hujus auctor eru-  
 dito sane & pio scripto eludit, atque tum gravif-  
 simis rationibus è sacra maxime scriptura peti-  
 tis, tum Regum exemplis, tum Senatuū & Aca-  
 demiarum Decretis ex Gallica historia deprom-  
 ptis, nefarios istos Sfondrati ceterorumque ejus-  
 modi conatus accuratissimè retundit: ac docet,  
 quantum hæc Papa mandata cum Dei, cuius se-  
 vicarium mentitur, pugnant, quam impuden-  
 ter etiam & falso conjurati, omni vero praetextu  
 destituti, regem & hereticum, & Ecclesie ho-  
 stem incusent. Hanc autem responsionem au-  
 tor Gallis primò ac propriè destinavit, in eo  
 rumque potissimum gratiam & usum Gallicè  
 conscripsit, & ita quidem clare & perspicue, ut  
 ab ignaris etiam facile intelligi possit: At ob rei,  
 que in eo tractatur gravitatem, & eam qua inde  
 ad omnes manare potest, utilitatem, dignissi-  
 mum opus esse judicavi, quod Latina lingua be-  
 neficio ad externos etiam transferretur. Nam  
 bellorum quidem civilium, quibus Gallia fla-  
     grat,

grat, rumores ubique terrarum disseminati sunt.  
 sed dubium non est, quin multi speciosas istas  
 (quales à Catilinariis obtenduntur) conjura-  
 tionis faciende, statusque nostri perturbandi  
 caussas ignorent: quibus persane gratum futu-  
 rum esse puto, si eas verè, ut hic edifferuntur, &  
 plane intelligent, & certius de iis sermonem inter-  
 se conferant, atq; miseriis nostris vehementius cō-  
 moti si non opibus & viribus, certè precibus nos  
 juvent. At hoc me ad hunc vertendi laborem  
 multò magis impulit, quod principū & Rerum-  
 publ. omnium christianarum caussa cum nostra  
 simul agatur. Gallia enim à conjuratis bello im-  
 pio & miserando prima appetitur. Illic Papaci-  
 ves adversus regem concitat, alios etiam à suis  
 consiliis non valde alienos & ad rebellionem cō-  
 firmandam satis propensos fulminibus territat,  
 quò facta publici status mutatione, regnū Galli-  
 cum in Hispani regis ditionem & patefactam re-  
 digat. Quod quidem si (ut jamdudum machi-  
 natur) hoc modo asequatur, viam ad cetera im-  
 peria sibi eadem ratione subjicienda patefactam  
 & per facilem esse putat. Operæ vero est pretium  
 ea ut & principes & Republicas certiores fieri, ut  
 sibi suisq; rationibus diligenter consulant, & ex  
 nostris calamitatibus, quod sibi ex usu futurum  
 sit, periculum (ut ille monet) faciant. Cumq; Deo  
 suppliciū, ulciscendi sui caussa, de nobis sumpturo  
 visum ita decretumq; fuerit, ut funesta hac fax  
 in mediis regni nostri visceribus primum accen-  
 datur: est principum omnium, si bene secum agi

velint, munus, ad hoc crestinguendum, quo Gallicum regnum misere deflagrat, incendiū, prius quam ejus scintillas in sua ipsorum tecta immitti videant, nobis succurrere, praesentem, opem ferre. Neminē certe tanta ingenii tarditate ac stupore, tanta etiam judicii debilitate esse puto, qui nesciat, quanta sit Hispanorum ambitio, ac dominandi libido: qui que aperte non videat eam esse unam illorum mentē, eoque tantum illorum cogitationes & consilia spectare, ut Catholici reges ubiq<sup>z</sup> terrarum evadant. Germania, Anglia, & alia satis multæ editiones id jā expertæ fuerunt. Illi autem, quò facilius optata consequantur, Panpas ad nutum, arbitriumq<sup>z</sup> suum fingunt, paratosq<sup>z</sup> habent, necnon eorū Bullas & fulmina (efficacissimas ad superstitionem & imperitū vulgus contra Principes religionis nomine concitandum machinas) ut olim, sic & nunc totis viribus adhibent. Quod consilium si ex eorū animi sententia in huc regno successerit, hoc profecto exemplum plures in eandem postea calamitate trahet, eritq<sup>z</sup> nō mediocre p̄tificia potestatis argumentū. Bullæ, quas Papa Sfondratus ad nos dedit, uncupantur Monitoria. Et verè quide Monitoria sunt: quibus nimirum Principes omnes admonetur ut toto pectore de suis rebus cogitent, atq<sup>z</sup> furiosi ista execrandorum perduellum, qui omni studio & consta ad regnorum & Principatum eversionem perniciem, incumbunt, consilia serio & sedulo animadvertant, quò a comparatis per eos insidiis, certissimāq<sup>z</sup> ruina præcavere sibi possint,

possint. Ego verò præpotentem illum Deum imperiorum auctorem ac propugnatorem omnibus precibus obsecro, ut hoc regnum ceterosq; principatus ac Republicas salvas & incolumes conservet, ac pro summa, qua valet potentia Paparum & conjuratorum furores coercent, ut antiqua illa & salutari Christianæ Ecclesie tranquillitate restituta, Pietas & Justitia, quæ ab his bellis oppressa & extincta omnino jacent, ad ejus nominis gloriam felicissimè ubiq; locoruñ denuo excitentur & vigeant. Atq; hac pro libri quidem mole, quæ non valde magna est, & prefationis etiam (cuius, ut ille sapienter præcipit, evitanda est immodica longitudo, ne in caput excrevisse videatur) ratione, nimis fortasse multa: sed pro argumenti quod præsens calamitas suppeditat ubertate & copia, nimis certè pauca dicta sunt. Verum & decori & mea quoque imbecillitatis ratio habenda fuit, & nimia illa, qua sum antea in eodem ferè arguento usus, reprimenda luxuries. Hoc autem, candide lector, qualecumque est, aequo animo accipies, & si qua hic aut minus proprie & eleganter dicta, aut non satis continuè & venustè contexta (qualia esse multa fateor) te offendent, ea vel commode transferendi difficultati, vel argumenti generi, vel mea potius imbecillitati tribues: atque huic in tuam gratiam suscepto labore, meoq; in publicam utilitatem studio gratulaberis. E Museo nostro 4 Augusti 1591. Sedani.



  
**DE DUPLICI DIPLO-**  
**MATE PONTIFICO, QUOD**  
**BULLAM VOCANT, ORNATIS-**  
**simi cuiusdam viri carmen.**

**T**U qui bullato duplici cœf fulmine Francos  
 Insanus terres, nec te cœlestia terrent  
 Fulmina, que exitiū præsens tibi, Papa, minātur,  
 Ecquid agis? Furiæ te agitant. Te perdite perdis,  
 Et proprio iugulas gladio, dum fana profanas,  
 Sacrasque tuum ad nutum vis claudier ædes  
 Cœlorum, ut portas. Petri est hoc clavibus uti  
 (Si placet id superis.) unde hæc tua tata potestas  
 Devotis divum & regum interdicere sacra?  
 At quis cordatus te fulmineo ore boantem  
 Sfondratū iam ferre queat? quid tu nisi Bulla es,  
 Verè homo peccati? cum Bullis teque tuisque,  
 Atq; tuo (quis iā timeat?) cū fulmine, terras (tet.  
 Quo quatis, Altitonās detrusū ad Tartara mit.  
 Pro duplici ergo tuo Diploma hoc accipe simplex:  
 At duplo & maior te mox tua pœna sequetur.  
     Raro antecedentem scelestum  
     Deseruit pœna pede clando. Horat.

**IN BULLAM GREGORII  
SFONDRA TI.**

**V**IT Pelago insurgit mox tempestate coorta  
 Bulla recens, tumidis & levis extat aquis:  
     Flucti-

Fluētibus illudit, plenoque audentior orbe  
 Enatat, & variis diffilit illa modis.  
 Mox ruit & præceps propenso ad littora fluctu,  
 Confracta in spumas naufragia tota fluit.  
 E spumis rursum tenucis vanescit in auras,  
 Et quādēcum orta est, deficit ipsa die.  
 Hac tua sic nostris nuper Sfondrate superstata,  
 Ingruit, insultat Bulla proterva malis.  
 Huc illuc pavidum in vulgus diffusa pererrat  
 More suo, atque animos concutit illa leves.  
 Protinus at sacro correpta furore senatus,  
 Devota est diris impia Bulla suis.  
 Scissa minutatim, pedibus calcata, repente  
 Omnibus hæc Bulla est fabula facta locis.  
 Fabula quinetiam in ventos peritura recepit,  
 Sic bullas idem casus & ortus habet.  
 Et tu hæc Dive vocas tua fulmina? tu hisce mo-  
     His cogi Francos intua vota iubes? (peri  
 Scilicet hæc fortes metuent ludibria Franci,  
 Subscribent monitis in sua dannatauis.  
 Gallia quaetoties hæc plumbea tela retudit,  
 Victrix devictas mox dabit ipsa manus.  
 Ergo age Sfondrata cum Bulla, Bulla Gregori  
     Cumque hac Bullarum pagina tota crepet.  
 Sint procul à Francis Bulle lenitasq; timorque,  
 Sit tua bullatis Bulla timenda tuis.


**PIUM CONSILIUM**  
**SUPER PAPÆ SFONDRA TI**  
**DICTI GREGORII DECIMI QUARTI**  
*Monitorialibus, ut vocant, Bullis, & Excommuni-  
 cationis atque interdicti in Gallia regem, Ec-  
 clesiam, & regnum minis, è Francorum maio-  
 rum nostrorum exemplis in rebus  
 iisdem repetitum.*



UANQUAM &
tempus
& hostium actiones, ipso-
rum consilia ita patefe-
cerunt atque illustra-
runt, ut nullum iam arti-
ficiū religiomisque pr̄textus obſtet,
quo minus apertē omnes videant illos
eō tantūm ſpectare, ut hoc regnum ad
Hispanos transferant, nosque univer-
ſos ad miserrimam ſervitutem redi-
gant: ſperandūmq; ſit, novum iſtum
Pontificiarum Bullarum conatum ni-
hil maius quām antea effecturum: Ego
tamen veris ac fidelibus Gallis operæ
me pretium facturū putavi, ſi eos hac
tantilla historiarum collectione non-
nihil

nihil iuvarem, maiorumq; nostrorum exempla iis ante oculos proponerem, ut super illis, qui de diro illo Papæ programmate habentur, sermonibus & controversiis, eorum, qui à iusta caussa stant, fidem confirmem, & eos qui ab ea defecerunt, officij sui admoneam. Nostri huiusc regni status à mille & ducentis annis ad hæc usque tempora cum suavissima & singulari libertate conseruatus est: neque id tamen sine gravissimis offensionibus & iniuriis, quibus alioqui firmissima quæq; & florētissima mundi imperia obnoxia sunt. Hic verò nihil consultius cogitari, fieri q; utilius potest, quam si attentè despiciamus, quid patres nostri præstiterint, ut ab omnibus casibus & periculis, & iis maximè, quæ à Roma fatali & infesta Galliæ hoste emanarēt, & unde nobis per priscos illos Romanos primum servitutis iugum impositum es-  
set, se sartos tectosq; tuerentur: ut id, quo nihil carius & antiquius habere conuenit, eadem prudentia & consilio, iisdemq; artibus & rationibus, qui-

bus nobis hactenus illud conservarūt,  
retincamus. Verūm, nō omnibus hi-  
storias, ex quibus perspicere hoc licet,  
videre contigit. Per multi interim pro-  
cul dubio, (quidquid hostes sermoni-  
bus suis eructent) summo & sui in regē  
obsequij, &, cùm suæ libertatis, tum  
Regiæ dignitatis ac splendoris propu-  
gnandi desiderio tenentur: qui tamen  
id ipsum multo alacrius proculdubio  
præstarent, si scrupuli quidam, qui, quū  
de Roma, de Papa & Religione agitur,  
eos adhuc malè habent, illis ex animo  
evellerentur. Alij, qui Urbes ab hosti-  
bus occupatas incolunt, ad se se coniu-  
ratorum perfidia distractos, rursus in  
pristinam concordiam, consensionēq;  
reducendos diligētius multo incum-  
berent, si prætextus iste, quo fascinati  
tandiu obtorpescunt, & quo eorū au-  
res ab ipsis seditionum facibus, & regni  
proditoribus assiduè complentur, ex  
illorum animis eximeretur. In hoc er-  
go potissimum elaborare, & ad publi-  
cam hanc caussam, ad quam defendē-  
dam optimi quique, patriæq; amantes  
viri,

viri, summo studio conspirarunt, pro virili parte aliquid etiam conferre volui. Res equidem tanti refert, ut nulla alia unquam antea magis. Agitur enim hoc ab aduersariis, ut summa & à regis auctoritate planè diversa, in hoc regno constituatur dominatio. Agitur hoc etiam, ut status mutatio fiat, quæ certè omnes regni partes secum trahat necesse est. Mortalis hominis mandatum, Dei mandato planè opponitur: unde nobis magnopere metuendū, nequid hīc offendamus, quod extremam regno perniciem adferat, nisi mature nobis præcaveamus. Id sanè ad nostros omnium animos excitandos, & ad curam de libertate saluteq; nostra seriò habendam plurimum valere debet. Quam quidem ad rem ut adjumenti aliquid hominibus nostris adferā, ego eorum, quæ in hoc aliquando regno in ejusmodi casibus cōtigerunt, historias lectoribus ante oculos fideliter cōstituam, atq; edifferam quo se modo majores nostri gesserint, quum Papæ sua fulmina hoc consilio immiserunt,

ut nostris regibus, eorumq; potestati  
subjectis sacrorum communione in-  
terdicerent. Quoniā verò nobis hinc  
constabit, priscos illos germanosque  
Gallos ejusmodi consiliis nefariisque  
molationibus fortissimè semper resti-  
tisse, atq; Papam ipsum, ipsiusq; Bullas  
Romam amandasce, cùm tantā illius,  
quam in se usurpare conabatur, tyran-  
nidem ferre nō possent: Secundo hu-  
jus libelli capite rationes, quæ eos ad  
id impulerunt, & quid nobis quoq; in  
iis observandum sit, pertractabo. De-  
niq; omnia ad eam rem, quæ hodie in  
controversia & contentione versatur,  
acommodabo & referam, docēboque,  
ad id, quod Deus iubet, præstandum,  
atq; ad regni decus & dignitatem unā  
cum libertate nostra conservandam,  
nullū usquam præsentius præstantius  
que remedium dari posse, quam si  
codem planè, quo illi, & ani-  
mo & fide simus.

## PRIMA PARS;

*Historiarum quarundam, in quibus de Paparum Bullis & excommunicationibus agitur, Epitome.*

**R**E V I T A T I S , quam mihi in hoc scripto proposui , ratio non fert, ut quidquid in veterum monumentis de Paparum adversus reges nostros regnumque nostrum contentionibus extat, id colligam : hoc mihi jam satis esse videtur, si ea de re tria, aut ad summum quatuor maximè insignia è multis exempla proponam. Quotiescunque enim hæc quæstio in controversiam vocari cœpit, toties & eodē prorsus modo disceptata fuit. Cum igitur Papæ principem ubique locum & auctoritatem tenere, atque principum & principatum, imperiorūmq; universè & cum summo jure in rebus humaniæ æquè ac divinis dominos esse in animum suum induxissent: tardius aliquanto in Gallicis regibus , quàm in Germanis Imperatoribus & aliis Monarchis conatus viresq; suas expröpse-

runt. Nam ab initio regum nostrorum  
opere atque opera in rem suam usi sunt, at-  
que Pipinum, deinde Carolum ma-  
gnum, eorumque successores ad Princi-  
patum suum constituentem in Italiam  
accesserunt. Tunc vero summum in  
principes nostros honorem, summis-  
sionem & obsequium tum oratione, tu-  
vultu gestuque; toto praese ferebant. At-  
enim postquam illis ita usi vel potius  
abusus fuissent, & omnibus aliis princi-  
pibus atque ipsis adeo Germaniae Im-  
peratoribus formidolosos se reddi-  
dissent, tunc eos, quibus suam omnem  
illam amplitudinem debebant, non  
modo non curarunt, sed ne memine-  
runt quidem: quin potius militis, qui  
a rustico benignè acceptus lautèque  
tractatus, in illius ædibus & fortunis  
dominari tentat, more & exemplo se-  
se omnino gesserunt. Primus autem,  
quem hic commemorabo, illorum cona-  
tus adversus Philippum Augustum ex-  
titit: talisque; prorsus fuit, qualis in Chro-  
nicis extat, & ex Innocentii III, qui in  
hac tragœdia Papa erat, decretalibus  
colli-

colligitur. Richardo Angliæ rege defuncto Joānes, Santerrus dictus, regnū occupavit, quod Arcturus Britānię dux jure hereditario suū esse contendebat, quod ex majore natu ortus esset. Er quidē contētio eō progressa est, ut ipso Arcturus eorū, quæ Angliæ reges feu di nomine ab imperio Gallico citra mā te tenebant, possessionem vicissim occupare aggressus sit. Quod quidē Santerrus ille animadvertisens, iurique suo diffidens, cum crudeliter interficiendum curavit. Arcturi autē propinqui Britanniæq; proceres cædis auctorem ad supplicium à Philippo Augusto deponoscerunt, cuius & Joannes Santerrus & Arcturus beneficiarij, cujusque jurisdictioni, eorum feudorum, quæ in Regno Francico possidebant, nomine obnoxii etant; præsertim cùm ea cædes in ipsius regis imperio patrata esset. Rex caussæ cognitionem iudicijq; iis recusare nec potuit, nec debuit: itaque jure agi cœptum in Patriciorū Franciæ curia adversus Joannem, dieſque illi dicta est, ad quam se ipse in ju-

dicio sisteret. Quod cum recusasset, auditis testibus, causâ tandem dirempta & ad extremū perducta, regio procuratore palam postulâte, reus ob desertos vadimonii dies damnatus, & suis prædiis ac ditione omni, cuius patronum & vindicem regē habebat, multatus est, iis omnibus fisco adiudicatis. Hoc decretum factū anno 1202. Rex ex eo decreto ducatus Aquitaniæ & Nortmanniæ, aliaq; ipsius Santerri clientelaria prædia in suam ditionem ac potestatem rededit: qua in re Deum sibi adversus multos, qui contrà nitentur, valde propitium habuit. Hic, Joannes suis rebus ita se exutum, ac omni & jure & viribus, quibus tale Patriorum decretum convelleret, destitutum videns, ad Papam, cuius fulmina & excommunicationes potentissimis quibusque Monarchis terrori tunc erant, confugiendum sibi putavit. Papa Innocentius III accuratè, ut debuit, quām iusta illa caussa esset, nécne, quantamq; nomini suo infamię notam inureret, si & parricidam illum rece-

recepitaret, & legibus eriperet, expendere nihil quidquam pensi habuit: sed occasionem oblatam arripere, & in re suam convertere maluit. Joannes siquidem eum venerabatur, illius se clientem profitebatur, ex foedere tum suum illi regnum mancipabat, subditosque suos tributarios facturum, tum Angliam illi beneficiariam & feudatariam habiturum se pollicebatur. Magna verò hæc erat potestatis Pontificis amplificatio, qua ad Angliam & Hiberniam usque, Romani olim Imperii fines, ea protenderetur. Papa etiam vehementer lætabatur, datam hinc sibi occasionem esse, per quam & regem & regnum illius adoriretur. Sic enim, cum primum regi ediceret, ut quod in suam ditionem transtulerat, id Joanni redderet: atq; ad id sanciendum, excommunicationis, quæ tantam vim adversus Imperatores ipsos jam haberant, minas adderet, illum præmetu & sua in illam sedem observantia, imperio suo pariturum, indeque præclarum felicet regum Galliae & regni to-

tius sub Paparum potestate & auctoritate cōstituti, argumentum fore sperabat. Ergo Pontificia illa sanctitas Joannis caussam tuendam suscipit, suoſque ad regem legatos cum his mandatis mittit, ut arma quamprimum ponat, & quidquid ex decreti auctoritate usurpaverat, Joanni restituat: excōmunicationem, totiusque regni interdictionem comminatus, niſi morem imperanti ſibi gereret. At prudens & cor datus rex ejusmodi comminationibus nihil territus, magnam sapientiſſimorum virorum, quoſ conſuleret, multitudinem cōvocavit. Res ab iis tota ex cutienda ac definiēda in medium adducitur, atq; hinc quidem, quid, quantumq; officii Papæ deberetur, illinc vēto quanti momenti decretum illud eſſet, quanta cauſæ æquitas, quæ denique regis auctoritas, mature dispicitur. Ea re diligenter cōſiderata & perpenfa, conjunctis animis & ſententiis, da tur tandem hoc regi cōſilium, ut ſpre tis omnibus Papæ mandatis & minis illi minimè obtemperet, atque ad fu turum

turum concilium provocet. dictū, factum. Papa verò ægerrimè omniū ferens se adeò sperni , principemq; tantæ audaciæ usquam reperiri, qui jugū suum, & sacræ sedi obsequium recusare auderet, furore pro suo more abruptus, literas , quæ etiam nunc extant, ad Galliæ Clerum misit, speciosis quidem nominibus valde insignes, sed quæ verè ad eum contra Regem concitandum , populumq; seditionibus illius operâ & artibus distrahit, atque à sua in regem fide & officio avertendum spectarent. Quid plura? omnium finitimorum principum , & Othonis Imperatoris maxime factiōnem ad se trahit, quacunque ratione sibi conciliat, & Galliæ regnum à se proscriptum ad prædam iis proponit. Illorum omnium copiis pōst paulo in unum coactis , regnum Gallicū in maximo sanè discrimine versabatur. Nihilominus tamen rex magno semper fortique animo fuit, omnesque & Papæ & factiosorum furores, causæ suæ bonitate fretus, contempnit. Similiter

etiam Clerus, nobilitas, universusque  
populus, quidquid Papa in ipsis regni  
visceribus moliretur, à sua in regem fi-  
delitate & obsequione minimum qui-  
dem avocati unquam fuerunt. Non  
est tamen quod quisquam hinc suspi-  
cetur regem non summa obedientia  
tum Episcopos tum reliquos sacrorum  
antistites prosecutum fuisse, ut in Yf-  
samberga prima sua conjuge, quam re-  
pudiaverat, satis id docuit: nam & ad-  
monitionibus erga se adhibitis paruit,  
& Ecclesiasticas censuras pertimuit.  
Verum simulatq; auctoritas illius peti-  
cœpit, compertumq; est Papæ cogita-  
tiones & consilia eò pertinere, ut po-  
testatem suam & imperia ad nostram  
usque Galliam, quemadmodum alibi  
fecerat, nō sine & regiæ amplitudinis,  
& regni dignitatis, & Ecclesiæ liberta-  
tis detimento proferret: Tunc ve-  
rò rex cum summo totius populi con-  
sensu, nefariis Papæ consiliis suam au-  
ctoritatē potentiamq; opposuit. Jam  
ad secundam alterius Philippi histo-  
riam veniamus.

PHILIPPUS cognominatus Pulcher, Philippo Augusto aliquot post annis successit. Eo regnante, Romę quidam Papa fuit, eorum omniū, qui in ea sede unquam fuerunt, versutissimus, ambitiosissimus, statuum ac publicae quietis perturbator infestissimus, atq; etiam furiosissimus. Ego autē de eo ita loquor, illius tēporis scriptores, & eos maximē, qui Paparum vitas posteritati prodiderūt, sequutus. Bonifacius VIII ille ipse fuit. Ille verò dolore dirūpebatur, quod potestatis & auctoritatis tantū, quantum appetebat, in Gallia non obtineret, atq; hoc unum cis Alpes regnum Paparū ambitioni & tyrannidi resisteret. Ad id consequendum, contentionisq; faciendum initium, ex suis intimis, quo maximē uno confidebat ac nitebatur, quendā, eumq; arrogantem ac inquietū, & ad res novas spirantem adhibuit. Atque ut turbulentum istum cum majori dignitate & auctoritate in Gallia cōstitueret, Tolosanū Archiepiscopatū in duo membra secuit, novūq; Episcopatū, quo illum ornaret,

Apameç, Gallię Narbonēsis urbe, crevit. Id factum regi nō admodū placuit. dissimulatū tamen fuit. Novus ille Episcopus, ut viā ad ea quæ à Domino suo mandata habebat, perficienda sibi muniret, multa in vulgus de rege spargere ac disseminare cœpit, eāq; probroſa & contumeliosa, per quæ odium illi conflaret, & de eo, qui meritò illi deferebatur, honore nō nihil delibaret: aper-  
tè palamq; dictans, se nō in regis, sed in Papæ imperio & potestate esse, ut cæteris Ecclesiasticis viris ad idem audiendū exemplo esset. Historici ajunt ejusmodi sermones de industria ab Episcopo illo jactatos fuisse, ut populus adversus regem concitaretur. Ea ve-  
rò tempora tunc difficillima erant: Nam ob maxima & diurna, quæ rex adversus Anglos sustinuerat, & adhuc sustinebat bella, populus gravissimo novorum tributorum onere premebatur, cogebatūrq; rex alia atque alia illi subinde imponere: neq; solum, sed Ecclesiasticorum etiam fidem atq; opem implorare, & abiis pecunias, belli sub-

li subsidia, flagitare. Cæterum, cum rex videret Apamensem illum Episcopum in se magis ac magis indignâ intolerandâque licentia insultare, novaq; subinde moliri, quibus regni statum in Pontificis sui gratiam labefactaret: postquam diutissimè tātam insolentiam pertulit, iusto tandem dolore & rei indignitate permotus, comprehendendi hominem & in vincula conjici iussit. Papa eo acto irritatus, multis magnasq; occasiones sibi ad ea que animo agitabat efficiunda opportunissimè datas esse tunc putavit. Primū, populum Gallicum ob ingentia tributorum, quibus vexabatur, onera ad factiones & discidia facile inclinaturū. Et revera magnis seditionibus & Lutetiae & aliis aliquot in locis coortis, regii ministri aliquot trucidati tum furunt. Idq; pro certo habebatur (Historiæ sic produnt, atque ita in trium Ordinum cœtu propositum fuit) Papam ipsum suis consiliis & artibus hos motus concitasse, earumque cædium caput & auctore fuisse. Quod ad Cle-

rum attinet, existimabat Papa eū tanta  
sibi imponi tributa passurum nunquā,  
proindéq; cum facile èò adducturum,  
ut à regis caussa regnique defensione  
descisceret: non intelligens videlicet,  
aut potius intelligere nolens, id in  
Gallia non esse novum nec inauditi-  
tum, præcipue in Abbatiarū proven-  
tu, partem illius quandam in sumptus  
belli necessarios cōferri, ut monachus

*Lib. 5. c. 34* Aymonius in sua de rebus Gallorum  
gestis historia testatur. Attamen, ut  
hanc qualemcunq; Cleri offenditionem  
augeret ac promoveret, ad hanc con-  
tentionem aggreditur & incubit, de  
Cleri ab oneribus publicis immunita-  
te decretū facit, atq; regem, ut ab ejus-  
modi pecuniis exigēdis abstineat, ad-  
monet. De Apamensi autem Episco-  
po, facinus indignum clamitat, quasi  
rex, cuius iussu factiosus ille in carcere  
asservaretur, Ecclesiæ hostis & afflictor  
esset. Nec his contentus, aliud præter-  
ea artificium comminiscitur, quo sæpe  
Pontifices adversus reges nostros usi  
sunt, ut pia salutariaq; eorum consilia  
impe-

impedirent, & eos apud suos in negle-  
ctæ aut violatæ religionis suspicionem  
adducerent. Etenim regi præcipit, ut  
transmarinam in Saracenos expeditio-  
nē suscipiat: quanquā is alioqui de Sa-  
racenis reprimendis nō valde labora-  
ret, qui Venetiarum & Genuæ respu-  
blicas, (pacis tempore duo præcipua ac  
firmissima Christianorum ab oriente  
propugnacula) bello gravissimo inter-  
se commisisset, eōq; necessitatis addu-  
xisset, ut Saracenos Ecclesiæ hostes suę  
ditionis fines propagare sinerent. Quę  
quidem omnia non aliò sanè pertine-  
bāt, quām ut modis omnibus extremā  
& regi & regno ipsi perniciem compa-  
raret. Regem enim extra regni fines  
amandare, eique, ne pecunias ad bellū  
gerendum necessarias de suis exige-  
ret, interdicere, nihil profecto aliud  
erat, quām regnum omni ad sui defen-  
sionē ope ac subsidio spoliare, & facilli-  
mam Anglis aliisque hostibus ad illud  
invadendum atq; diripiendum, viam  
aperire. Rex itaque non ignorans,  
quantæ curæ & cōmendationi sibi esse

deberet regni à Deo suæ fiduci concredi conservatio : sciens præterea quid sui sibi deberent, quæ sua etiam esset auctoritas: statuit eorum, quæ à Papa præscriberentur & præciperentur, nihil planè sibi faciendum esse. Ibi tum Papa furere , & per Archidiaconum Narbonensem Bullis & mandatis instructum regi imperare, ut Apamensem Episcopum vinculis solutum dimittat, nihilq; tributi de Clero exigat: nominatim hoc illi edicere, summam in hoc regno, etiam in rebus temporibus, auctoritatē penes se esse: his nisi rex pareat, hancq; dignitatem & jus sibi sponte sua concedat, diro se & exferrabili anathemate illum cōfigere, regni jus illi abrogare, illudque facte sedis possessioni jure caduci adscribere: eos omnes, qui Papæ sumnum jus in Gallicum regnum esse negaverint, hereticos censere. Historici aliquot ipsa excommunicationis verba referunt, hæc scilicet, ut rex pronuntiaretur hereticus, schismaticus & Ecclesiæ hostis: ideoque, ipse unà cum uxore & libe-

liberis à sacrarum rerum piorumque virorum communione & concilio abdicatus: quæ excommunicationis formula vulgaris erat, & in Imperatores aliosq; nonnullos sè penumero usurpari solita. Immo verò Bonifacius furorem furore, ac scelus scelere cumulans, hoc etiā addit. Nā ut sua fulmina formidabiliora & horribiliora redde-ret, cæterosq; principes libidinis suę ministros & actores, pro Paparum consuetudine, haberet, emisit quosdam, qui Anglos adversus regem sollicitarent, atq; regnum Alberto Romanorū regi eo consilio tradidit, ut bello eum peteret. Interim Cardinalis Monachus in medio regno versabatur, Ecclesiasticorum coitiones factitans, ut ipsos primū, deinde per eos populum concitaret: & quidem nonnullos jam sibi ad eam rem cōciliaverat. Gravis sanè casus regno à Papalibus istis fulminibus impendebat, si horrendū illorum fragorem par eventus fuisset consequutus. Verū, quid rex hīc agit? quo animo est? Adversus effræna-

tos Papæ istius furores celeberrimum  
omnium ordinum conventum Lute-  
tiæ agit, ut, quid in re tanta sibi ager-  
dū esset, cognosceret. In eo autē inania  
illa Bonifacii tonitrua ludibrio & con-  
temptui habita, & hæc, quæ sequuntur,  
capita sancta sunt: A Papa ad conciliū  
provocari: Illi interim nō parendum:  
Papam ipsum de omnium sententia,  
hæreſeos, simoniæ, homicidii, & aliorū  
atrocissimorum flagitiorum criminib-  
us, quæ ipſi diluenda & expianda es-  
ſent, manifestò teneri: Auctoritatis re-  
giæ esse, eum coercere: aurum, argen-  
tum, merces Romam non amplius  
importandas: Episcopis ab illo in jus  
vocatis Romam non eundum. Quo-  
niā verò Papa summam potestatem  
ſibi arrogaverat, ac omnia in rebus &  
ſacris & profanis ſibi licere persuasum  
effe nobis volebat: ob idque ſe posse  
& regibus & Principibus imperare: at-  
que regnum adeò Gallicum potestati  
ſuæ ſubjicere: quia etiam ſatis no-  
tum & exploratum omnibus erat, do-  
gma, quæ in regno in vulgus per E-  
piscop-

piscopum Apamensem & Cardinalem Monachum sparsisset, ea ipsa esse: valdeque metuendum videbatur, ne quis in hominum cum aliorum, tum Ecclesiasticorum maximè animis scrupulus inde adhuc resideret: omnes, qui in cœtu illo tunc aderant, cujusvis ordinis homines apud regem professi sunt, quid ea de re tota sentirent, & in iis Ecclesiastici ipsi potissimum: rege postulante, ut omnes ingenuè suam sententiam & aperte proferrent. Ibi demum cuncti nullo modo Papæ se obnoxios, nec cuiquam ulli præterquam regi subjectos esse libere agnoverunt. Tunc rex jurejando confirmavit se vicissim cum suas vires omnes, tum vitam maximè ipsam pro regni libertate & jure conservando profusurum. idque (ut Chronicon ait) pro consueto more, hoc est, in eadem caussa se effecturum omnia, quæ sui decessores aduersus Papas ante effecissent. Ipsa quoque nobilitas & cæteri denique omnes eodem se animo fore testificati sunt. Atque is

Parisiensium comitiorum exitus fuit: quorum quidem ea fuit vis & efficacitas, ut monachus ille Cardinalis è regno mox profugeret. Papæ autem ministri aliquot, qui Trecas usque pervenerant, & comprehensi & ignominiosè accepti fuerunt. Afferuntque Chronographi nostri eum, qui Legatus nominabatur (pro eo honore quo Gallia Dominum ejus prosequebatur) ita honorificè habitum fuisse, ut inde phreneticus evaserit. His aliud præterea &

*Nicolaus Gillius.*

*Platina.* longè gravius accessit. Nam rex Pontifici probare volens, se illius Bullas nihil prorsus facere, caque potentia, quæ longius latiusq; & efficacius, quam illius, pateret, instructum esse: ducentos egregiè armatos equites Sarraë Columnensis Itali, & Vasconis nobilis Guilielmi Nogareti Samfelicii ductu atque auspiciis, in Italiam usque misit. Illi verò duces unà cum suis tam præclarè feliciterque rem gesserunt, ut Papam Agnaniæ deprehensum Româ captivum deportarint, ubi præ stomacho & ægritudine supremum diem obiit. At

que

que hæc historię hujus summa est. Verum in ea fuere insignia quædam observatuque dignissima, quæ ab historiis etiam commemorantur. In hac enim regis & Papæ contentionе ultero citroque literæ missæ sunt, quarum alteræ tam insolentem ac protervam in isto Papa audaciam, impudentiam & arrogantiam arguunt, præseq; ferunt, ut id ulli vix homini credibile videtur, nisi literarum ipsarum exemplum in nostris Chronicis tum Gallicè tum Latinè eo consilio consignatum extaret, ut id omni posteritati testatū certò esset. Alteræ verò satis docēt, quām exiguam Papæ rationē prisci Galli haberent, si quando eò furoris veniret, ut aliquam in hoc regnum auctoritatem sibi assumere, & minas etiam adhibere auderet. Hæ igitur sunt Pontificis literæ.

BONIFACIUS Episcopus servus  
servorum Dei, Philippo Francorum  
Regi, Deum time, & mandata ejus ob-  
serva. Scire te volumus, quod in spiri-  
tualibus & temporalibus nobis subes:

D

## 50 DE INTERDICTO

” beneficiorum & præbendarū ad te col-  
” latio nulla spectat: & si aliquorū vacan-  
” tem custodiam habeas, usufructū co-  
” rum successoribus reserves: & si quæ  
” contulisti, collationem haberi irritam  
” decernimus, & quatinus processerit,  
” revocamus: Aliud credentes fatuos  
” reputamus. Datum Laterani quarto  
” nonas Decembris, Pontificatus nostri  
anno sexto. Regis autem responsio  
hæc fuit.

” PHILIPPUS, De gratia Francorū  
” rex, Bonifacio se gerenti pro summo  
” Pontifice, salutem modicam, sive nul-  
” lam. Sciat tua maxima fatuitas in tem-  
” poralibus nos alicui non subesse: ali-  
” quarum Ecclesiarum & præbendarum  
” vacantem collationē ad nos jure regio-  
” pertinere, & percipere fructus earum,  
” contra omnes possessores utiliter nos  
” tueri: seçus autem credentes, fatuos  
” reputamus atque dementes. Datum  
” &c. Atque literarum ultro citroque  
” missarum exemplum ejuscemodi fuit.  
Narratur item aliud superbiæ & furo-  
ris, acerrimique in Galliæ regem o-  
” dii in

dii in hoc Pontifice argumentum. Inter istas tam acerbas & pertinaces ini-  
micitias atque concertationes, secu-  
(Iubileum vocant) Romæ indicta fuit,  
quò infinitæ hominum multitudinis  
ex locis omnibus concursus factus est.

Primo Jubilæi die, BONIFACIUS  
cultu Pontificio decoratus se univer-  
so illi populo spectandum dedit. Se-  
cundo autem die, habitu & splendo-  
re Imperatorio in medium processit,  
nudo ense, qui ante illum gestabatur,  
insignis & conspicuus: summâque vo-  
ce, utrumque Imperium, nempe cœ-  
leste & terrenum seu temporale, suum  
esse pronunciavit. Illud scilicet Evan-  
gelium hominibus ad Jubilæum pro-  
fectis prædicavit: Alberti Austriaci  
Rodolphi filii, quam postulabat, elec-  
tionem antea in Germania factam;  
ratam habere noluit; utpote nulla sua  
voluntate factam: quum præsertim  
utriusque gladii potestatem sibi jam  
vendicaret. Atq; illū Principem sup-  
plicem ad se venientem, & multa cum

*Cuspinia-*  
*nus in vi-*  
*ta Alberti:*  
*Paralipo-*  
*Ursper-*  
*gensis.*

indignitate se prensantem, diu suspensus & incertum tenuit: Tamen tandem electionem illius sua assensione atq; approbatione confirmavit, sed ea lege, ut ille se Romanorum pariter & Gallorum Imperatorem profiteretur. Quantum ad hæresim, cuius fuit in trium ordinum cōventu insimulatus, Docti quidam & Catholici viri dicunt illum in hoc crimen & invidiam vocatum fuisse, quod contrā Evangelii doctrinam & Apostolorum exemplum, summam istam regibus & principibus imperandi potestatem sibi arrogaret. In illius morte quædam valde insignia & notanda extiterunt: quo fit, ut ea Chronicī nostri scriptores minimè sibi prætermittenda esse censuerint. Cūm enim perversis suis moribus civiū Romanorum malevolentiam sibi conflasset, omnesq; præ odio sibi infenos & infestos esse animadverteret, Anagniā (Hernicorum in Latio urbē) patriam suam se recepit, tutissimum sibi apud propinquos & cives suos asylum fore arbitratus: sed spe sua falsus, ab iisq; ipsis & pro-

& proditus, & regiis equitibus traditus fuit. Hoc ille nimirū ob prava sua, quibus cives adversus regem suum concitare tentaverat, consilia, pretium tulit. Inde Romam captivus cum summo probro atque dedecore pertractus est. qui cùm in sua illa Santangeli arce *Historia* inclusus esset, alvi profluvio corre- *Floretina*. ptus, in phrenesin, ut fertur, tam dirā vehementemq; incidit, ut manus proprias corroserit & devoraverit: atque in ipso mortis illius articulo, fulgura *Nicolau* tonitruaq; plane horribilia in eadē ar- *Gilius*. ce exaudita etiam fuisse dicantur. En miserabilis quidē, sed justissimus profectò illius exitus, qui totum orbem fastu suo & tyrannide indignè calcaret, qui se arrogantissimè supra reges & Imperatores ipsos efferrerat, atque insolentius iactitaret manus sibi satis esse longas & amplas, quibus summam ubiq; gentium dominationē apprehenderet: qui denique, pro animi libidine dextram diris fulminibus contrareges armatam se habere dictitaret. Platina Pontificum historicus, narrata illius

” morte hæc addit. Moritur autem hoc  
 ” modo Bonifacius ille, qui Imperatori-  
 ” bus, regibus, principibus, nationibus,  
 ” populis terrorem potius quam religio-  
 ” nem injicere conabatur, qui que dare  
 ” regna & auferre, pellere homines ac  
 ” reducere pro arbitrio animi conaba-  
 ” tur : aurum undique conquisitum,  
 ” plus quam dici potest, sitiens. hæc ille.

*Historia comitis Monfortii Haillamus & alii.* Atque hic nonnulli alii historici pie  
 sanè & valde appositi & Papas & alios  
 sacrorum antistites admonent, ut sa-  
 pientius vitae suæ cursum instituant ac  
 moderentur, & se intra muneris sui  
 fines modestè contineant. Quas qui-  
 dem admonitiones si boni illi viri au-  
 dissent, non tot tantisque malis jam  
 res humanæ concuterentur & afflicta-  
 rentur. Papa iste omnibus scelerum &  
 flagitorum notis ita insignis fuit, & ad  
 omnem posteritatem nobilitatus, ut  
 in sempiternam illius memoriam Epi-  
 ” taphium hoc scriptum fuerit. Intra-  
 ” vit ut vulpes: regnavit ut leo: mortuus  
 ” est ut canis. Rex, ut quidam histori-  
 cus Anglus scriptis prodidit, à succe-  
 sore

sore ossa illius petiit, quæ tanquam hæretici combureret. Talis fuit Paparum, qui se contra reges nostros commoverunt, & eos suis fulminibus pepererunt, status & conditio. Regis constantia & virtus, Gallorum quoque studium & fidelitas in hac tota re, quæ ad Bonifacium attinet, tam magnæ illustresque fuerunt, ut cæteri, qui sequuti sunt, Pontifices omnem quidquam amplius è Gallia extorquendi spem abjicerent: quin potius operæ se premium facturos existimarent, si ad Gallorum caussam, & rationes sc̄e accommodarent, & iis quam maximè gratificarentur. Porro successor illius, ex sua Cardinaliumque suorum sententia, excommunicationis à Bonifacio decretæ absolutionem ad regem ultrò misit, qui non modò non eam rogaverat, sed à Papa excommunicari ne pili quidē fecerat. Historici enim *Nicolaus publicis monumentis cōsignatum reli-* *Gillius.* querūt, in absolutionis Bulla id nominatim additum fuisse, regē de ea impenetranda ne verbū quidē fecisse. Papætiā

## 56 DE INTERDICTO

in suis decretis agnoverunt, & confessi  
sua sponte sunt Gallicum regnum Pon-  
tificiae sedi nullo modo subjectum ob-  
noxiumq; esse: professiq; aperte sunt,  
minime se obstarevelle, quo minus pe-  
cunię & tributa de Ecclesiasticis exige-  
rentur, per quae regno magnitudine ac  
difficultate rerum affecto afflitoque  
succurreretur. Atque haec Philippo  
Pulchro regnante contigerunt. Jam ad  
Caroli vi regnum veniamus.

Qui ejus temporis historias legerūt,  
miserum & calamitosum, in quē Chri-  
stianus orbis effrenata Paparum ambi-  
tione redactus erat, statim noverunt.  
Etenim toto 40 annorum spatio, & eo  
amplius, duo, tres & aliquādo quatuor  
Antipapæ eodē tempore fuerunt, qui  
crudeli & exitioso bello sese peterent,  
sua quisque factione instructus. inter-  
multa, quae inde acciderunt mala, hoc  
maxime unum erat, quod cùm plures  
essent, unusquisq; rei parandæ inhia-  
bat, tantum commodi sibi comparare  
studens, quantum si unus duntaxat  
Pontificatum quiete obtinuisse. Ad-  
de quod

de quod ad fovendum retinendumq;  
suum tam numerosum comitatum, si-  
mul & eos qui à suis partibus starent,  
ingentes sumptus faciebant. Quibus  
cùm haud pares essent, cogebātur sin-  
guli, ubi auctoritate valerent, maximā  
pecuniæ vim exigere, & sacerdotia in  
eos qui se ad suam dignitatem tuendā  
aggregassent, non sine maxima vitæ  
perturbatione, rerumque confusione  
conferre. Itaq; regnante primùm Ca-  
rolo sexto, gravissimè ea de re apud re-  
gem querelæ habitæ sunt, qui edictis  
eo nomine à se editis, Papæ & Cardi-  
nalium quæstores è suo regno ejicie-  
bat: item, ne sacerdotia ab extraneis  
amplius tenerentur, sanciebat: omnes  
sacerdotiorum, quæ à dictis extraneis  
possidebantur, fructus sibi subjiciebat,  
ac de iis pro suo arbitrio & auctoritate  
constituit; & ut breviter dicam, se à Pa-  
pæ obsequio prorsum segregavit, atq;  
suo decreto, illius, delegatorūq; ipsius  
ambitionē & avaritiam repressit. Be-  
neditus xiiii Pontificatum iniens, se  
ad hunc modum frænari, ac potentia-

suæ fines ad regnum usq; Gallicum nō proferri ægrè admodum tulit. Quamobrem severitatem sibi adhibendam, suaq; fulmina & excommunicationes sibi contorquendas statuit , per quas sui metum incuteret , & obedientiam etiam ab invitis extorqueret: non satis secum reputans , & ut videtur planè oblitus , quām malè talia decessorum suorum tela à nostris excepta Gallis antea fuissent. Ea Bulla tum regis, tum regii sanguinis Principum , tum eorum etiam omnium, qui cum rege faciebant, excommunicationem complectebatur. Gallia omnis ea indignitate vehementissimè accensa est, sed Parisiensis potissimum Academia, cuius præcipua mēbra scholæ Theologicæ erant. Ea cum rege de tanta contumelia cōquesta est, additis ad eā ulciscendā, multis, iisq; præclaris admonitionibus. quibus rex permotus, celeberrimum in senatu Parisiensi in eam rem conventum egit. Atq; ex gravissimis Academiæ suæ cohortationibus, de senatus universi sententia edictum fecit,

fecit, quo alia omnia superiora adversus Paparū ambitionem, avaritiam, & usurpationes cōfirmabat, cùm ad Ecclesiæ Gallicanæ jura, immunitates, & privilegia tutanda, tū ad personæ regis, regniq; totius auctoritatē dignitatēq; conservandam: Benedicti illius fulminationum, quibus conciliū opponebatur, nulla prorsus ratione habita. Atq; ii omnes, qui hujus regni constitutio-  
nes Paparū Bullis postponerent, læsæ Majestatis crimine palā damnati sunt. Decretum etiam, Papis non licere in posterum ullum Galliæ tributum im-  
ponere, nisi regis voluntate, quantum quidē ipsi pro necessitatis ratione, cō-  
cedere placeret. Quoniam verò Papa in nonnullos, quos sibi adversarios esse intelligebat, excōmunicationis telum vibraverat, rex liberos solutosq; decla-  
ravit. Hoc edictum in maxima claris-  
simorum virorum frequentia gravissi-  
mè sanctissiméq; compositū fuit, atq;  
in publicis senatus tabulis adhuc asser-  
vatur. Hæc autē acta sunt anno Chri-  
sti 1406. Postea Martinus V. Papa, 1406

## 60 DE INTERDICTO

iratus pennas sibi adeò incisas esse, infenso & infesto erga nos animo hanc concertationem vetustis illis excommunicationis & interdicti artibus renovare tentavit: sed in eare nihilo sanè plus, quam cæteri, promovit. In his autem Paparum controversiis multa intervenerunt perquam sanè memorabilia, quæ silentio præterire nō pos-

*Tractat.c.* sumus. Theodoricus Nihemius histo-

6.17. riographus suæ historiæ inseruit Academiæ Parisiensis super ea re Epistolam, petitionis supplicis instar exaratā, cuius hæc summa est & scopus. Papæ literas Bullæ nomine conscriptas, quia contumeliosæ, seditiosæ, imposturis, dolis, & fraudibus refertæ sunt, regiamque Majestatem lœdunt, dilacerandas & in frusta secandas esse: quinetiam, si rei gravitas ita postulet, ad graviorē & probrofiorē ultionem (quæ cæteris exemplo & terrori sit) progredendum. Et quidem id re postea cōprobatum constat. Nam in publicis tabulis scriptum hoc reperitur, factum fuisse in hanc sententiam senatus consul-

tum,

rum, ut qui has bullas attulerant, ex Luperæ carceribus per lictores extraicti, & ad Palatii gradus plaustro sterco-rario vecti, ad undecimam horam dimisso senatu, coram sacrorum Antistitibus & Clero se sisterent; illicq; hono-raria poena multarentur, tædā gestates, lineis vestibus, ac mitris chartaceis, cum imaginibus horribili specie depic-tis, & Papæ ipsius insignibus inverso & præpostero modo effectis, per ludibrium induiti: atq; hoc habitu cultuq; insignes, extremis plaustris alligaren-tur, & à carnificibus ad omnia Lutetiæ compita per summū dedecus & ignominiam pertraherentur. Id quod articulatim & singillatim effectū fuit. Boni isti viri Papæ ministri Bulligeri, Hispani fuisse dicuntur. Sed hōs jam cum suis Bullis missos faciamus. In regio au-tem adversus Benedictum X I I I edito longa est apposita narratio, pias & graves admonitiones ac postulationes a multis Antistitibus & Parisiensi Aca-demia factas continens. quæ quidem admonitiones ut tunc plurimum va-

Iuerunt, sic nunc etiam plurimū a  
pud nos valere debēt, quō perniciosis  
Paparum consiliis & molitionibus for-  
ti constantiq; animo intercedamus ac  
renitamur. Eæ autē huc maximè spe-  
ctabant, ut regē docerent, nisi immen-  
sa Paparum avaritia, & iniquissimæ ve-  
xationes diligenter & serio repreme-  
rentur, Ecclesiæ perniciem & interitū  
impendēre : regum hoc esse officii &  
auctoritatis, ad Ecclesiæ propugnatio-  
nem ac tutelam, etiam contra Papas  
ipsoꝝ, quum eam divexant & oppri-  
munt, toto animo & studio omni incū-  
bere. Edifferunt præterea, quot casus,  
quantaq; vulnera publici status digni-  
tatem maneant, si regnum tyrannicæ  
Paparum oppressioni subjiciatur. hōc  
se fundamento verè niti, se se à Papa  
sejungere, nō esse ab Ecclesia se sejungere:  
sed, quod à D. Paulo 2 Thessal.  
3. præcipitur, id ipsum præstare, cùm  
ait, Seducite vos ab omni fratre, qui in-  
ordinate se gerit. Ecclesiam à Christo  
redemptam, & in libertatem vindica-  
tam fuisse: itaque nullo modo rationi  
esse

esse consentancum, eam unius , à quo ita diripiatur & vexetur, servituti ac libidini dedi. Atque ad id confirmandum 5 cap. Epistolæ ad Galatas profertunt, In libertate, qua Christus nos liberavit , nobis esse perstandum , &c. Immo quum de Papa loquuntur , tyrannidis nomen usurpant. Docent quantopere indignum sit & intolerandum, eum, quem ex Evangelii doctrina servum & ministrum esse decuit, dominum se ad diripiendam Ecclesiā profiteri. Quin addunt, si Paparū vivendi ratio cum ea Prophetarum & Apostolorum conferatur , eos nihil minus quam bonos pastores reperiri: vel potius, malorum pastorum notas (quibus à Prophetis & Apostolis describuntur, & à bonis pastoribus discernuntur) in iis & multas & certas appetissimè animadverti. Postulant ut constitutiones de se ab iis separandis antea factæ, firmè inviolatèq; servētur. Qui verò Paparū caussam propugnabant, persuadere populo conabantur, si rex edicto sanciret ne Papæ obtem-

peraretur, id esse bellum cum Ecclesia gerere, & ab ea deficere: Deo autem potius quam hominibus pendū esse. Quasi verò Regia edicta, Dei mādatis repugnarēt. Academia Parisiensis, & cæteri, qui ad caussam regis defendendam se cum illa conjunxerant, respondent nulli id impedimento regi esse debere: hæc vana esse verba, & inanciā adulatorum, qui volunt Papas omnibus legibus solutos, omnisque emendationis expertes ac securos cum omni impunitate ac licentia vivere, garrulitatem: proferentes etiam ejus rei probandæ ergò, quandam Pelagii II sententiā, quæ in decretalibus extat, cum nō esse persequitorem, qui peccatum aut jam admissum punit, aut ne admittatur, impedit. Quinetiam aliud & longè majus addunt, potestatem, qua Ecclesia Romana exultat & triūphat, meram esse Cōstantini donationem, de qua etiam hodie à Constantinopolitana & Alexandrina Ecclesia & aliis contenditur, eaque, quantumvis reclament, falsa esse demonstratur.

In

In summa, quicunq; sua potestate abutuntur, eā abdicandos esse. Et de iis quidem, de quibus Academia & Galliæ antistites apud regem contra Papā dissenserant, hactenus: Eaq; ipsa fuerunt edicti regii in Paparum molitiones & vexationes fundamenta.

P O S T R E M O, quartam historiam eorū quæ Ludovici xii tempore anno ante hunc vixduim centesimo hac de re contigerunt, superioribus etiam addam. Si ullus alius princeps à Paparum furoribus tutus esse debuit, hunc certè ex omnibus præcipuè unum esse decuit, cùm ob suas præclaras virtutes, tum quòd Julium II multis magnisq; à se affectum beneficiis, quibus vix unquā par gratia haberí poterat, sibi plurimum devinxisset, multis illi restitutis urbibus, quæ à Bentivolis & Venetis occupatæ, & ex ipsius ditione usurpatæ fuissent. Atenim ambitionis quidā æstus, qui superiorū Paparū animos corripuerat planéq; corruperat, & serie quadam fatali ad successores transibat, in Julium istum invasit, omnemq;

illi mentem & rationem ita eripuit, ut  
ingrato supra modum fidemq; animo,  
inauditaq; perfidia suas omnes vires in  
eum converterit, illum si potuisset, to-  
tumq; ipsius regnū oppressurus. Nem-  
pe stomachabatur, gravissimēq; fere-  
bat res nostras in Italia prosperè succe-  
dere, nosque, à quibus suorum dece-  
sorum iniquæ usurpationes, immoder-  
ateq; actiones repressæ fuissent, nimiu-  
sibi vicinos atq; imminētes habere. Ex  
finitimiis igitur ferè omnibus civitati-  
bus factionē sibi conciliat, atq; Hispa-  
niam, Angliam, Germaniam, & Hel-  
vetios contra regem Galliamq; ad ar-  
ma concitat. Cumq; suorum furorum  
ac fulminationum ministros ita com-  
parasset, Bullam adversus regem pro-  
mulgat, eum excommunicat, jus illi  
regni abrogat, prædæq; objicit. Guic-  
*Lib. II.* ciardinus ait regem istâ Bulla expressè  
nominatum, atq; hæreseos & schisma-  
tis reum, pœnisq; obnoxium: Regnū  
denique ipsum proscriptum, & primis  
occupantibus expositum fuisse. Idem  
quoq; in Navarre regē Henrici 4 regis,  
qui hodie regnat, proavū est ausus: idq;

non aliā ob causam, quam quod à regis caussa staret; cui ob id regnū suum ereptum, & ab Hispano ex bellæ istius Bullæ auctoritate creptū fuit. Qui de iis temporibus scribunt, hoc etiā addunt, (atq; sic à Patribus nostris accepimus) Julium istū libellos aliquot per Italianam disseminasse, quibus populi contra nationē nostrā sollicitarentur: neq; id solum, sed dedisse etiā ei peccatorū veniam, qui Gallū aliquē interficeret: adeò ut horribilis nostrorū cedes per universam Italiā factā fuerit. Rex Ludovicus ita furiosè petitus, ad consuetum apud majores suos remedium se se cōvertit, ordinum conventum agit & consulit, atq; ex optimorum & graviss. virorum cōfilio celebre episcoporū & aliorum regni sui Ecclesiastitorum concilium Turonibus cōvocat. Ibi quid sibi agendum esset, ab eo consiliū petit. Nō fuit illuc decretum, ut rex Papę fasces summitteret, morēmq; gereret: sed contrā hæc sunt præcipua illius cōcilii capita, ut hodie publicis monimētis cōsignata extat: Auctoritatē summāq; potestate

unius regis in hoc regno esse: Ecclesiasticos, universumq; populum nulli alii præterquam illi, jurejurando obsequioque obstrictos esse: Regem nulla prorsus in re Papæ obnoxium esse, bonaq; fide & recta cōscientia se ab illo abstrahere; atq; adeò bellū cum illo ad suam dignitatem auctoritatemq; retinendā gerere posse. Hæc in concilio illo Turonensi adversus Papæ Bullas decreta sunt: iis planè congruenter, quæ in superioribus æstatibus eadem de re constituta semper fuissent. Stupendū profectò atq; horrendum est, ea quæ de hujus Papæ vœsania à clarissimis, qui tunc temporis vivebant, viris (ut à Budæo, Philippo Decio, & aliis permultis) scripta fuerunt, legere, & quot quātisq; detrimentis & cladibus Gallicum regnum furiosus iste Julius affecerit & afflixerit, ex illis cognoscere. Illius sàne consilia & actiones bonos valde offendunt, ideóq; multis in locis concilium habitum fuit, ut jure in illum ageretur, sed concilium illud ubiq; locorū armis dissolvebat, ut justis, ac suo furo-

lib. 5. de  
Affe.

furori debit is, quas vitare non poterat, pœnis se se eriperet. Ille copiis instructus, Româ egrediens, adversus regem progressurus, lorica armatus, licet natu jam grâdis, infinita hominû multitudine illic spectandi gratia circumstante, summa voce contendens, cùm sancti Petri claves, ait, nihil nobis profint, gladium jam distringamus: & continuo projectis in Tyberim clavibus, nudum ensem manu arreptu toti populo militariter ostentabat. Jam mihi lector considera, quo spiritu ducti & afflati Pôtifices illi fuerint, qui sua fulmina in reges nostros cōtorserunt. Sed nihil suis illis furoribus cōsequuti sunt: Dei nimirum beneficio, qui tanta fortitudine & prudentia tum Reges nostros, tum eorum populos majores nostros roboravit, ut summa animi firmitate, & constantia contra illorum minas & fulminationes parati & armati de jure suo nihil illis remiserint. Possem & alia exempla proponere: sed quatuor hisce contentus addere plura supersedebo, cùm in eadem re eodem

*Arnaldus  
Ferronus.*

prorsus modo adversus eosdē semper  
majores nostri usi fuerint. Atq; hoc cō-  
filio sanctaq; cōstantia regni nostri sta-  
tus cōtra furiosos istos conservatus est,  
quē pculdubio in miserrimā seruitutē  
redegissent, & sexcēties etiā pessunde-  
dissent, ut in aliis idē effecerūt, nisi for-  
tissimè illorū conatib. obviā itū fuisset.

Hujus constantiæ exempla effe-  
runt, ut alia quædā Imperia Paparum  
excōmunicationibus fortissimè etiam  
restiterint; unde & optimè sibi suisque  
rationibus consultū senserunt. Veneti,  
quod statū Ferrariēsem in fidē ac tute-  
lā suam recepissent, à Clemēte v sacris  
interdicti, Ecclesiæ hostes indicti, & ho-  
stiū libidini ac p̄dæ expositi, otioso ni-  
hilominus & securō animo fuerūt. Flo-  
rētini eorumq; fœderati sæpenumero  
à Papis petiti, armata illis manu obviā  
ierunt, à quibus alioqui oppressi absor-  
ptiq; omnino fuissent. Deinde aliquot  
pōst annis Germani, qui superioribus  
sæculis illorū cupiditati nimio plusquā  
expediret, nec sine suo magno malo  
indulserāt: itēmq; alia quædā nationes  
è pro-

è pſundo quaſi ſomno, quo ſopitæ diu  
fuerāt, excitatæ ſeſe tandem collegerūt,  
& ad Paparū conatus retundendos mi-  
rabilis omnium ordinū consensu & stu-  
dio conſpirarunt. Sed hæc & alia ejus-  
modi, quæ in historiis paſſim occurrūt,  
exempla, aliis diligētiuſ exquirenda, &  
uberi⁹ ac fuſius tractāda jam relinqua⁹,  
his unis, quæ domēſtīca nobis & fami-  
liaria ſunt, cōtentus: cùm nullæ uſquā  
extare nationes videātur, quæ majorē  
in regendis cōſervandisq; ſuis imperiis  
religionē, prudentiam ac fortitudinē,  
q̄ majores noſtri adhibuerint: & quæ  
melius quā illi, quid nobis hoc gravifſ.  
Reip. tēpore preſtandū ſit, docere poſ-  
ſint. Ut igitur paucis rē complector, ex  
ſupradictis pſpicuū eſt Papas hiſce ex-  
cōmunicationum telis nō nunc demū  
reges noſtres vexaffe, funefſis bellis pe-  
tiſſe, factiones in eos cōcitatiffe, & mo-  
dis artibusq; omnibus, per quas hujus  
regni ſtat⁹ cōvelleretur, religionis no-  
mine tentaffe. Ad hęc reges noſtres &  
hereticos & ſchismatici. & Ecclesiæ ho-  
ſtes de induſtria, ut iſpis odiū cōſtarēt,

appellare consueisse. Præterea omniū harum rerum cauſſas, præter invidiam & indignationem, nullas alias fuisse, ex eo duntaxat natas, quod nō possent & leges & reges in hoc regno cū summo imperio aut constituere, aut de medio tollere: ac res tum divinas tum humanae pro animi libidine dispensare, ut alii in locis citra controversiam factabant. At vicissim majores nostros ea semper animi magnitudine fuisse, ut eorum minis territi nunquam fuerint, sed contrā strenuissimè ac fortissimè iis seq; suāsq; vires objecerint, ad suam auctoritatem regniq; totius dignitatē ac libertatem tuendam. Neque vel temere ea, quæ Papæ de suis Principibus deblaterarent, credidisse, vel ob istas fallacissimè confictas & impactas hæreſeos & excommunicationis calumnias, eos amare & colere destitisse: sed potius eorum dignitatem adversus Papas modis omnibus, & armis adeò ipsis, quandocunque id à se peterent, suāque opera ad cauſſam ita justam propugnandam uti vellent, se tutatur.

ros corā iis professos fuisse: haud metuentes adversante hīc & repugnante cōscientia quidquam admittere , cūm nec auctoritate nec ratione ulla eō unquam adduci potuerint, ut agnoscerent & faterentur se ullorum aliorum quām regum suorum potestati subiectos esse. Similiter reges summā semper animi fortitudinem præ se tulisse, non vultu tantū & verbis significando, sed re quoq; ipsa declarando, se de auctoritate, quam à Deo haberent, nihil omnino nec quidquā nec ulli cuiquam, cujuscunq; fortis aut dignitatis esset, velle unquam concedere. Hæc autem posthac nobis accuratius & singillatim explicanda, atq; rationum omnium, quę illos pro suis legibus & regibus adversus Papas vindicandis movere potuerunt, pōdera diligēter examinanda erunt, ut quid & quatenus illorum exempla nos juuare possint, planiūs & pleniūs intelligere possimus.

*Compendiaria causarum, quæ Galloſ majoris nostros aduersus Paparum excommuni cationes concitarint, & quæ in eorum constantia nobis observanda sint, disquisitio.*

**E**T si nihil aliud quam simplicē eorum, quæ à Majoribus nostris aduersus Papas facta sunt, narrationem, unāmq; illorū in proposito susceptoq; cōſilio constantiā, animiq; firmitatem haberemus, cùm præſertim tā multa, tam certa, tamq; cōſtantia exēpla fint: attamen id unū ad incitāda eorum cōſilia&actiones nobis satis esse deberet. Sed ubi de exemplis agitur, illa demū verè certōq; sequimur, quorū rationes cognosci possunt. Ad intelligēdas autē majorum nostrorū rationes valde quidē illud optabile fuisset, ut p̄tæter eorū decreta, graves quoq; illorū sermones sapientesq; admonitiones jam extarēt, in celeberrimis illis & solēnibus comitiis adhiberi solitæ, quæ regū nostrorū, quoties à Papa indignè acciperentur, imperio & auctoritate siebant. Veruntamen

tamen satis adhuc inde nobis constabit, nos posse citra ullum scrupulū ac dubitationē, illorum exempla imitari. Illud enim primò magnū est, certò nos scire, quum ita se Papis opponebant, nulla id contēptā religionis aut minùs sinceri in eā amoris culpā factum, cùm omniū religiosissimos & pientissimos fuisse inter omnes constet: unde reges nostri hoc elogio dignati ornatīq; sunt, ut Christianissimi cognominarentur. Nisi verò p̄spectū hoc planēq; cognitū habuissent, quidquid adversus Papas dicerēt & facerēt, id sese salvā omnino ac integra cōscientia dicere & facere, ab eo quidē certè linguas, manus, animosq; ipsos abstinuissent, cùm cæteri multi, tū ii potissimum, qui multis magnisq; virtutū ornamentis & existimatione pietatis maximè floruerūt, antea cōmemorati reges: quorū unus per excellentiā Augustus, alter carissimus, & (ut alter Titus ille Imperator) populi deliciæ, aliis item populi parens diti sunt. Præterea quod ea de re factum est, non præcipiū quadam iracundia,

aut solo regum, quibus aliquando pecare contingit, quum nullo adhibito consilio aliquid suscipiunt, motu factum est: sed hæc omnia contra Papas decreta, lentè & legitimè facta sunt, sumpto nimirum ad rem maturo judicio deliberandam & concoquendam spatio, atque habitis solennibus & celeberrimis senatus, trium ordinum, & aliquando conciliarum conventibus. Credendumque profetò, in tanto tam clarorum sanctorūq; virorum conventu omnia prudenter ac religiosè consultata, constitutaque fuisse. Quare si sapientum virorū sententiæ, si clarissimorum Theologorū & Jurisconsultorum responsa, si placita senatus, si comitiorum decisiones, & conciliarum decreta legis vim interdum obtinent: eadem certè dignitas & auctoritas hisce cōtra Papas decretis debetur, cùm in iis hæc simul omnina concurrerint, observataque fuerint. Atq; hoc persuasum omnino habere debemus, nec rationes, nec fundamenta illis ad ea cōstituenda ac suscipien-

cipienda defuisse. Ut etiam explicatu non admodum difficile nobis erit, cujusmodi rationes illę fuerint, si eas paullò diligentius exquirere velimus. Ex Caroli VI decreto videre est priscos illos patres sacras scripturas usurpasse, ex iisq; præcipua caussæ tuendæ fundamenta deproprieisse: nec nō in veterum doctorum scriptis, Ecclesiæque historiis legendis diligenter versatos fuisse. In illis omnibus, in quibus hæ patrum adversus Papas controversiæ maximè viguerunt, æstatibus, clarissimi floruerunt Theologi, ut imprimis S. Bernardus, maximi item Jurisconsulti eruditissimis & luculentissimis scriptis insignes: in quibus etiamnum extant querelæ adversus Papas, illis, quæ in hujus regni comitiis fierent, omnino similes: ubi etiam quæ in ipsis comitiis de Paparum potestate, de eorum excommunicationibus, molitionibus, & improbitate ac perversitate habebantur cōtroversiæ, manifestò cernuntur: additis etiam ibidem illis ipsis, quibus decreta sua confirmabant, rationibus.

Et quanquam libri illi nō extarēt, unicæ Parisiensis Academiæ in Caroli VI edicto admonitiones ad hujus rei fidē cùm habēdam, tum faciendā satis esse, atq; firmissimas, & quæ nulla omnino vi labefactari cōvelliq; possint, rationes nobis abūdè suggerere possunt. Quintam his ego subjiciam nostra memoria, Henrici II. tempore, edictum adversus parvas, quas vulgò dicūt, Datas, Paparumq; abusus factū fuisse: ad quod libellus quidam cōmentarii vice cōtinuò accessit, in quo solenniū adversus Papas actuū rationes & argumenta, renovata atq; in memoriā revocata fuerunt. Quem quidē librum bonorū sapientumq; virorū judicio cōprobatum fuisse, ex regis privilegio illi affixo patet: ut illinc omnibus cōstaret, nō esse rem in hoc regno & novā & inauditā, cum Papis cōtendere, & cur id fieret, demōstrare. Quę cum ita sint, hoc meritò nec inviti fateri debemus, majores nostros in hac regū adversus Papas cōcertatione sapientissimè sanctissimumq; se gefisse, eorumq; decreta nobis etiā num

num esse debere sacrosancta, & pie in-  
violatęq; servanda Ecclesiæ & regni li-  
bertatis axiomata: nec rectius quidquā  
& consultius à nobis hīc fieri posse,  
quam si ea diligenter cū animis nostris  
cōsideremus ac perpendamus, ut quid  
cōsilii in hac tanta deliberatione dubi-  
tationēque capiendum nobis sit, ex iis  
hauriamus.

PRIMUM inde intelligimus Ma-  
iores nostros ab eo longissimè abfuisse  
ut crederent, quod Paparum adulato-  
res dictitat, ut novos scilicet Deos no-  
bis fingat, Papas errare nō posse. Nam  
si hoc credidissent, iis nunquam repu-  
gnasset, nunquā de illorū injuriis expo-  
stulassent, nunquā eos accusassent, in  
judiciumq; adduxissent, nūquam etiā  
ab iniquis eorum sententiis ad cōcilia  
provocasset. Atqui ea omnia, ut ex su-  
perioribus historiis liquet, faciūt, nec  
quidquā verentur eos hæreseos, Simo-  
niæ, ambitionis, tyrannidis, furoris &  
cædis insimulare: nā ea omnia crimi-  
na in actis illis & regum edictis cōme-  
morātur. Nempe majoribus nostris id

perspectum & compertum satis superque erat, Papas homines esse: quin integrimos quosq; & innocentissimos homines, et si à scelere liberati sint, aliqua tamen erroris humani culpa teneri. Non ignorabant D. Petrum ipsum clarissimum Ecclesiæ lumen, turpissimè lapsum fuisse, alios item præstantissimos Dei servos non leviter aliquando peccasse: Denique optimis & perfectissimis quibusq; delictum suum ultrò agnoscendum, prædicandum, confitendum esse. Verum ut tam liberè de Papis loquerentur, hoc faciebat, quod totam eorum vitam intus & in cute exploratam haberent: & scirent quali fuissent ingenio moribusq; præditi, qui cunque à seculis aliquot Romanæ sedi præfuissent, quid item probatissimi & spectatissimiviri de iis scripsissent: quid hoc etiam regnum de iis antea expertum esset, & quotidie adhuc experiretur. Per multorum ex iis impietatem, blasphemias & hæreses, quas Parisieni Academiæ necesse aliquando fuit, & lingua, & manu oppugnare, probè nove-

noverant: nec eorundē avaritiam, Simoniam, fraudes, denique hominum cædes, & bellorum clades per quas ad Papatū grassarentur, ignorabant. Sciebant & quales essent Bonifacii, Benedicti, & Julii per quos funestis bellis vexarentur. Quantamcunq; igitur istius sedis rationem Majores nostri habent, videbant nihilominus in Papas, ut & in reliquos homines, cadere ut peccare possint, nec in facto tantūm & moribus, sed in doctrina etiam. Summæ enim, quam sibi arrogant, nobisq; persuadere conātur, potestatis caput, partem quandam doctrinæ esse. in qua pii illi patres Papas ipsos & falli & alios etiam fallere recte censuerunt, nec ei unquam se subjicere voluerunt.

Cùm igitur Majores nostri persuasum hoc planè haberent, Papas errare posse, non imprudentes religionis, & rerum omnium ignari incautiq; fuerunt, ut quicquid Româ emanaret, id delectu omni ac discrimine remoto, acciperent: quicquid etiam sibi à Papis imperaretur, id ipsum sine ulla du-

bitatione perficerent : tanquā ea, quæ simplici & rerum imperito vulgo injicitur, opinione imbuti essent, qua putatur, aliter quām Papæ præcipiunt ac præscribunt, agere, id esse Deo ipsi repugnare, & piaculum quoddam admittere. Si patres nostri in ea opinione fuissent, nunquam illis certè hoc in mentem venisset, ut Paparum auctoritatem defugerent. At eam illic adhibuere prudentiam, quæ toties tantoque opere in sacris scripturis cōmen-

*1 Joan. 4.* datur : nempe ut probentur Spiritus,  
*1 Thess. 5* quod bonum est retineatur, à malo ab-  
*Ephes. 5.* stineatur : eam autem probandi ratio-  
 nem ex sacris scripturis petunt. Quod  
 ne dubitare possimus, Parisiensis A-  
 cademiæ admonitio, in qua toties scri-  
 pturæ sacræ testimonia citantur, ma-  
 gno ad id nobis argumento erit. Illud  
 quidem certè perspicuum est Ecclesiæ  
 fundamenta Romæ ab initio præclaro-  
 jacta fuisse, Romanorumque fidem &  
 pietatem in toto terrarum orbe con-  
 stanti fama atq; omnium sermone tum  
 privatim tum publicè celebratam ful-  
*Roman. 1. sc.*, ut D. Paulus suo id testimonio cō-

probat. Illic etiam Episcopi satis longa  
annorum serie & docti & pii floruerūt.  
Unde factum est, ut illius Ecclesiae præ-  
ceteris omnibus maxima & dignitas &  
existimatio esset, ac sententia & cōsilia  
quæ ab ea prodirent, prēcipuum apud o-  
mnes locum haberent: quanquam inté-  
rim reliquis Ecclesiis pro suo jure lice-  
ret, quæ minimè in illa probaret, eare-  
prehendere ac respuere: ut ex Irénæi  
adversus Victorē Episcopū de Orien-  
talium Ecclesiarū excōmunicatione,  
& aliorū etiam exēplis liquidò constat:  
Verū enim vero probi illi Episcopi pau-  
cos admodū aut potius nullos sui simi-  
les successores Romæ habuerunt: ex  
quo potissimum tempore & otium & opes  
auctæ sunt: Ea enim avaritiā, ambitio-  
nem, & alias corruptelas secū invexe-  
rūt. Majores nostros id minimè fugie-  
bat, Papasq; non eodē jam Spiritu, quo  
primos, regi. Ideoq; ut prudētes corda-  
tiq; viri, quando cunq; mādata aliquot  
a Papis afferebantur, & rerum & vi-  
torum delectum prudenter habebant,  
nec unquam, ut eorum libidini per-

omnia obsequerentur, adduci poterant. In quo quidem præclarissimum fuit in vindicanda religione & libertate imitandi exemplum nobis reliquerunt, nisi planè falli velimus.

Quoniā verò Papæ & minas & vim ad terrendum ulciscendumq; adhibebant, quandocunq; id fieret, ad concilia confugere solebant. Id quod salva conscientiæ fide se facere, jure ipso reique veritate freti confidebant: quippe qui certò scirent, ut cæteros, sic & Papas ipsos cēsuris & correctionibus Ecclesiasticis æquè obnoxios esse: Contrà quām ipsorum adulatores, cliētesque mercenarii sentire videntur, dum contendunt nulli prorsus homini liceare in eorum mores factāq; inquirere. At patres nostri didicerant, ubi quid peccatum est, ibi reprehēsioni locum esse. Meminerantq; D. Petrum ipsum à D. Paulo reprehensum fuisse, hancq; esse libertatem vere Christianam, ut citra fastidium & arrogantiam summi quique viri infimorum etiam admonitionibus & animadversionib<sup>9</sup> sese submittant.

mittant. reprehensionē verò repudiare, odiosissimam esse & pænè Diabolicalm hominis sua ipsius culpa exitium sibi arcessentis arrogātiā. Patres igitur nostri libertate verè Gallica Papis intercedebant, & patronam illam religionis, ac vindicem libertatis provocatiōnem ad reprimēdos illorum conatus in remedium adhibebāt: hinc satis probantes se Paparum auctoritati non tantum tribuere, quantum isti ab illis non ita pridem nati & alti Jesuitæ, dum Papas supra concilia esse, persuadere nobis conātur. Prisci illi patres suos Jesuitis lōgē saniores & sanctiores Theologos habebant, Gersonem, Occamū, & alios Parisiensis Academiæ doctores, qui contrā semper senserunt & statuerunt. Tenebāt illud memoria, quid Ecclesiastici doctores ea de re animo tenuissent: quid sancta concilia constituerent & factitassent, & ea maximè, quæ postrema fuerunt, Constantiense & Basiliense. Sibi etiā ante oculos ponabant modestiam illam à Paparum nostrorum arrogātia valde abhorren-

tem, D. Petri summisionem, quum se Ecclesię Hierosolymitanę sistere non recusavit, sui ad Gentiles aditus rationem redditurus. Uti etiam D. Paulus ac Barnabas primo Hierosolymorum concilio interfuerunt, suæ profectio-  
nis caussas edocendi: etiam si tamen A-  
postoli, & longè maioribus quam Ro-  
mani Pontifices prærogativis instrudi-  
essent. Nostri ergo Maiores quum à  
Paparum decretis ad concilia appelle-  
abant, sapientiores multò melioresq;  
Theologi erant iis, qui Papis nostris,  
quales hodie cognitos habemus, sum-  
mam & omni exceptione maiorem,  
nulla norma, nullaq; mēsura circum-  
scriptam auctoritatem attribuūt, idq;  
cum tanta licentia & impunitate, ut  
eam summa vitæ perturbatio, horri-  
bilisque rerum omnium, nisi mature  
occurratur, & prouideatur, confusio  
inde sequutura videatur. Interim nos  
suo exemplo docent, provocationis  
auxilium in Ecclesia aduersus omnem  
cujuslibet, ipsorum etiam Paparū vim  
& violentiam locum habere debere.

In eiusmodi autem provocationis ad concilium intercessione hæc erat Patrum nostrorum mens, hic animus, ut, quicquid Papæ suis Bullis & fulminibus tentarent, veluti Regum quos illi hæreticos, schismaticos & Ecclesiæ hostes pronunciabant, condemnationem, itemque excommunicationes & interdictiones tantisper different, dum concilium haberetur, illis interim, quasi nunquam indictæ fuissent, irritis & nullo numero habitis. Papæ hīc fremebant, æstuq; furoris abrepti, sua fulmina eò vehementius & amentius quam antea ciaculabantur, omniique ope & opera, atque armis adeò ipsis cōtendebant, ut concilij convocationem impeditarent: ut Iulius contra Ludovicum 12. Verum Patres nostri constanter in sententia perstabant, non ignorantes quod sit provocationis beneficium & vis: nec metuebāt nequid sibi Paparum tonitrua, & bullæ nocerent.

Prisci ille patres nos ex his docent,  
quis sit Iudex habendus in concilio,

quum cō provocatū est, & quid in Ecclēsia cōtroversiis fieri debeat, quum in concilio ex disceptantur. Papa Judicis munus, summumq; decernendi jus & auctoritatē in eo sibi arrogat. Sed patrum nostrorum longē alia fuit opinio. Nam provocando ad cōciliū sic statuebant, Papas illic caussæ disceptioni interfuturos tanquam reos, non autem ut Judices præfuturos: atq; latas à se præcipiti amentia sententias, à quibus jure provocatum fuerat, rescindi & infirmari passuros. Deinde accusaturi Papas, hoc animo & consilio eos accusabant, ut judicio de objectis criminibus se purgaturi adessent: veluti cùm Bonifacius de hæresi, Simonia & homicidio postulabatur. Patres igitur nostri summam potestatem & auctoritatem conciliis tribuebant, ac censebant, quæcunq; controversię adversus quoscunque & principes Christianos maximè intervenirent, eas illic non autem in Romano consistorio dirimendas esse.

Hoc etiam in his patrum institutis  
obser-

observandum videtur, eos nimirum, contra Paparum vexationes eorumq; excommunicationes cùm vix possent concilia citò convocari; aut Papæ suis artibus, ne convocarentur, impedirent, querelis & supplicationibus apud reges suos & magistratus adhibitis, sibi suisq; rebus providisse: quippe qui scirent atq; proponerent regū auctoritatis esse & muneris, eorum, quos in sua potestate habent, curam defensionemq; adversus iniqua Paparum imperia & decreta suscipere. Ita sanè Caroli vi temporibus factum fuit. Nam is audita Antistitium & Academiæ Parisiensis querimonia & postulatione, rem in cōcilium & judicium adduxit: Clerum, quem Papa tyrannicis vexationibus oppressum tenuerat, servitute liberavit, atq; excommunicationum fulmina adversus quosdam contortas, bruta irritaque de communi sententia pronunciavit. Nec verò id aggrediebantur, cives quidem, ut ad principem suum adversus Papam confugerent: Rex verò & senatus, ut iis de rebus sta-

tuerent (quantum vis ipsi Papæ illius procuratores, qui sibi fecerant in eo consilio audientiam, intercederent): non hoc inquam suscipiebant, quin planè cognitum haberent id sibi rectè ac iustè licere. Viri Academiæ primarij firmissimis argumētis in sua illa admonitione id Regi confirmarunt. At nobis procul dubio habēdūm est Regi penitus persuafum fuisse, se à Deo in regiæ dignitatis culmen ideo elevatum, ut omnem ordinis perturbationem, rerumq; motum in Ecclesia inhiberet, & eorum, qui suæ sortis immemores & alienæ dignitatis cōtemptores in suis se finibus non continebant, infolescerent, aliosque vexarent, audaciam ambitionemque reprimere, idque decessorum suorum optimorum principum, qui sine dubio illi ad imitandum proponebantur, auctoritate & exemplo. Et quidem Rex ipse in eo decreto palam profitetur, agnoscere se suarum esse partium, eos, quos suæ potestati & imperio subjetos haberet, ab omni vexatione (Pam

pam innuens) eripere, ejusque rei cul-  
pam sibi coram Deo præstandam esse.  
Atque ex Theodosii, Honorii, Con-  
stantini, Caroli magni, & aliorum, qui  
eo se modo habuerat similitudine, hu-  
jus sui officii exemplum capit. Quod  
cæteris etiam æstatibus documento sit,  
si quid forte illorum, qui summam to-  
tius Ecclesiæ administrationem sibi as-  
sumunt, ambitione & avaritia fieret,  
quod civibus damnū regnoq; ipsi frau-  
dem ac detrimentum adferret, ut po-  
pulus quidem ad regem velut sacram  
quandam anchoram, sæviente tempe-  
state se reciperet: Rex verò pro sum-  
ma sua auctoritate, & officii quoq; sui  
ratione, illam à suorū cervicibus aver-  
teret, videretq; ne quid regnum detri-  
menti caperet.

Reges penitus persuasi eam provin-  
ciam ad se pertinere, eam quoque ges-  
serunt & ornarunt, non gladio tantum  
& armis, quum res ita tulit, usque adeò  
sanè ut Alpes ipsos transcenderint, Pa-  
pas comprehensuri & culturi: sed etiam,  
& præcipue quidem solenni regni sui

Antistitum & Theologorum cōvocatione, concilia provincialia Gallicā gentis, ex regum auctoritate, priusquā à Papis vexarentur, semper habita fuerant, ut optimus ordo in regni Ecclesiis constitutus integer conservaretur, & necessitatibus difficultatibusq; rerum quæ intervenirent, consuleretur: At ex quo Papæ illis infesti esse, regniq; tranquillitatem interpellare cœperūt, tunc ea propugnaculo & præsidio illis adversus Papas fuerunt, ad concilii usque Turonensis, quod ab ætate nostra proprius abest, tempora.

Quod ad primatum, summumque imperium & potestatem attinet, quam Papæ ubiq; locorum sibi sumunt, nullis nec circumscripti, nec circumscribendi finibus & rationibus, ut velint & sua etiam opinione possint regibus principibusq; imperare, & de Imperiis pro animi libidine statuere, operæ est pretium audire, quid majores nostri in frequentibus illis Theologorum & Jurisconsultorum confessibus senserint. Necdum de hoc regno speciatim loquor,

quor, in quo Papæ hanc nunquam auctoritatem obtinuerunt: sed generaliter, an ita habendum sit de illa quam sibi arrogat dignitate, & quæ ipsis fuit, semper, & adhuc est in suis bullis mandatorum, sententiarum, damnationū, & excommunicationum, quas Româ quocunque emittunt, fundamentum. Nunquam verò patres nostri hoc ita habere illis assensī sunt. Nam si de temporali potestate agitur, qua sibi fas esse putant, omnibus humanis imperiis cum summo jure imperare, principesque, reges & Imperatores omnes sibi subjicere, illud quidem erat, quod suis literis & Bullis ad reges nostros missis continebatur: ut in literis Bonifacii nobis suprà cōstitit. Verùm illud quoque ipsum est, de quo præcipuè cōtentio adversus eos suscepta erat, atq; adeo id ipsum, quod in Bonifacio, qui se impudentius quam cæteri & arrogantiū de sua illa in omnes & omnia auctoritate jactabat, hæreseos crimen esse dicebatur. Nostri patres probè hoc tenebant, Ecclesiam non esse Imperiū hu-

## 94 DE INTERDICTO

manum, humanis aliis imperiis simile, sed omnino spirituale: atq; inter Mundī regna, & animarum gubernationē, inter principes ac dominos, qui orbis regnorū potiuntur, & eos qui spirituale regnum obtinent, cācellos quasi quodam, manifestumq; discrimen nominatim interjectum esse. Quānquam alioqui, quū res quo decet ordine modoq; reguntur ac temperantur, mirifica est hujus cum illo consensus & convenientia: sed non eo paēto tamen ut inordinata debeat esse & indistincta u-triusq; potestas & administratio. Patres nostri in his disputationibus aper-tè probarunt se in sacris scripturis longè melius versatos esse, quām Papas qui pro libris sceptra armaque tractarent. Legerant in Evāgelio quōd Christus de seipso (quantum quidē ad hanc distinctionem attinet) & verbo & ex-

*Ephes. 1. 5  
5. Eccl. 1. Pet.  
5. Mat. 28  
Joan. 17.* emplo docuerat. Ille unus verè est Ecclesiæ caput, summusq; omnium Episcopus & pastor. Apostoli hisce cum duntaxat, nec ullū præterea quenquā alium nominibus ornant. Pater omne illi

illi in cœlo terraque potestatem dedit. Si in ullo alio terrena potestas cum spirituali Ecclesiæ moderatione cōjungi debuit, in illo id potissimum fieri decuit. At, quandiu hîc vitam degit, diligenter sibi cavit ne quidquam admitteret, quo vel minimam suscipienda rerum humanarum administratio-  
nis suspicionem hominum animis af-  
ferre videretur. Illius adversarii quid ea de re sentiret, tentare voluerunt:  
sed ut eam, quam modò posuimus, di-  
stinctionem confirmaret, respondit,  
reddendum esse Cæsari, quod esset  
Cæsar, & Deo, quod Dei. Hinc de-  
clarans nō eò se è cœlo in terras venisse  
ut ex imperiis humanis vel minimum  
usurparet, & ex Imperatorum authori-  
tate quidquā detraheret. Quin & co-  
ram Pilato rogatus de eo quod ipsi per  
calumniam malitiamq; impositum fu-  
erat, respondit regnum suūm non esse  
ex hoc Mundo. Idem patres nostri  
qui id in Evangelio legerant, sic ra-  
tiochinabantur ac verè concludebant,  
Jesum Christū Episcoporū principem,

Matt. 22.

Joan. 18.

aliis, quos Ecclesiæ suæ curatione & administratione ornaret, sui exemplum proponere voluisse: cùmq; gubernationem hanc civilē ne minimum quidem attingere voluisset, ut ex ea quidquam interverteret, ad seq; transferret, absurdum & ab omni ratione alienum fore, si alii id cogitarent & suscipienterent. Ita enim eos admonebat, sicut me misit pater, ita & ego mitto vos. Idem alias quoq; admonitiones legerant, quibus apud suos Apostolos usus fuerat, ut perniciosæ isti ambitioni occurreret, quam in mentes hominum irrepturam, & in media sua Ecclesia brevi grassaturam certò prævidebat, quum diceret: Reges gentium dominantur eis: Vos autem non ita estote. Meminerant præterea D. Petrum & alios Apostolos talem vitæ statum ad mortem usq; obtinuisse, atq; Domini Ecclesias ædificare, easque Euangeliæ prædicatione regere, solum & simplissimum illorum mutus fuisse: ita ut ne minimum quidem affectatæ terræ administrationis indicium & vestigium

gium in iis unquam apparuerit. Nec eos præteribat quam studiosè Apostoli ipsi, Ecclesiarum seniores & pastores, (quibus generaliter omnibus dignitate longè superiores erant) hortarētur, ut sub summo illo, quem nominant, pastore, nempe Iesu Christo, greges *i Pet. 5.* suæ fidei cōcreditos diligenter pasce- *2 Timot. 2.* rent: ab omni dominatione abstine- rent, & rerum humanarum cura nullo modo se implicarent. Hæc omnia pa- tres illi in sacris scripturis videbant: ad quæ præterea adjungebant, qualis fu-isset perpetuus totius veteris Ecclesiæ usus: quomodo etiam cum alii omnes, tum Romani Episcopi, Imperatores & alios Monarchs pro suis summis principibus semper habuissent, & eo, quo modestos & summissos clientes decet, nomine, observantia & honore appellassent: habebant etiam in suo- rum regum historiis, post comparatā sibi in Italia inde à Carolo Magno do- minationem, ea quæ de Paparum erga principes officiis, summisionibus, & obsequiis nominatim & luculēter scri-

pta essent, & quæ hodie etiamnum in  
illis extant. Habebant deinde in ma-  
nibus clarissimorū doctorum, nec ve-  
terum duntaxat, sed æqualium etiam  
suorum libros, querelatum de misero  
per Paparum ambitionem Ecclesiæ  
statu plenos: Itemq; accusationum &  
testificationum adversus tam insolent-  
tem & antea inauditam affectatæ, & u-  
surpari iam cœptæ in Imperatores &  
principes dominationis libidinē. Nec  
desiderabant tam multas, tamq; cru-  
ditas præstantissimorum juriscōsulta-  
rum aduersus hanc rerum confusio-  
nem disputationes: præclaras etiam  
*lib. de con-* simul & severas & graves D. Bernar-  
*sider. 2, 4.* di ad Eugenium Papam contra effræ-  
natam eiusmodi superbiam admoni-  
tiones, in hanc maximè sententiam:  
Papas, si D. Petri exēplum imitari vel-  
lent, nō ita se pro imperatorib⁹ gestu-  
ros, sed sarculum potius & pedū ad ex-  
colendū Ecclesiæ agrum, & illius gre-  
gem gubernandū gestatueros, non au-  
tem regum insigne, sceptrum & Dia-  
dema. Nusquam hoc reperiri proba-  
rique

riq; posse eos tantam potestatem ullo iure habere : cùm eam nec à D. Petro adepti essent, quoniam D. Petrus dare iis non poterat quod nunquam ipse habuisset : nec à Christo etiam ipso, cùm iis ne Principum more dominarentur, prohibuisset. D. Petrum hac regia magnificentia nunquam sibi gloriam & dignitatem quæsiisse, sed unica eorum , quæ sibi Christus tan-topere commendasset , meditatione, cùm dixit, Pasce oves meas. Ecclesiam Romanam posse quidem cæterarū Ecclesiarum matrem dici, at non Dominam : Ipsumque Eugenium , unum ex Episcopis , nō reliquorum vero Dominum. Patres, inquam, nostri hæc omnia non solùm ex Divi Bernardis scriptis didicerant, sed ex ipsius etiā ore exceperant. Ad hæc intelligebat, probra quæ alii præter hunc doctores scriberent adversus istos Romanenses Episcopos , qui se verbo tenus servos servorum dicebant , cùm superbiissimum reipsa in omnes dominatum usurparent : quos nihil pudebat

se se adorandoſ præbere, cùm id D. Petrus à Cornelio tentatum respuiſſet. Hæc ergo omnia, ut etiam miseria & confuſiones, itemq; bella & cædes ex Paparum ambitione enatæ bonos illos patres, quibus ante oculos hæc omnia tum in Imperio tum in Italia verſabātur, plurimū commovebant: Eoſ deim quoque gravissimè afficiebāt tam multæ quāplurimis ac fortissimis Imperatoribus, qui pro religione Christiana tuenda ac propaganda tam strenuè feliciterq; aduersus infideles trāſmarinos dimicaverant, illatæ ab iis indignatæ & contumeliæ, eæq; tantæ, ut modò illum imperio privatēt, hunc modò pedibus suis calcarent, filios et jam in patres aliquando ſollicitarent: interim dum Satrapæ iſti de Imperii rationibus pro arbitrio ſtatuant, & ſuis excommunicationibus horribiles ci- vium erga reges ſuos ſeditiones, & turbas ubiq; gentium conflant. Hæc cer- nuntur in Ivonis Carnutensis Episcopi literis ad Papas scriptis, quibus eos li- berè admonebat, rebelliones & diſci-

dia, illorum consiliis & artibus in Germania excitata, omnium Gallorum animos adversus illos inflammare. Patres igitur nostri cùm tam multa suis oculis atq; animis subjicerent, nunquā eò adduci potuerūt, ut superba ista terrenæ potestatis nomina in Papis probarent, ferendaq; putarēt, sed ea semper uno ore condemnarunt: Regibus, Nobilitate, & Clero, universoq; populo pia conspiratione ad hoc cōsentientibus, ut viribus suis omnibus impiderent, ne istæ regnorum & Imperiorum pestes, nec ista etiam monstruosissima de summa Paparum potestate doctrina (quam Philippus Augustus, errorem regnis perniciosissimū appellabat) in regnum hōc sese insinuaret, & radices ageret. Eōq; factū est, ut ille ipse Philippus Augustus Innocentii Papæ imperia & minas omnino sperneret: ut Philippus alter tā durè & asperè tū Bonifaciū, tum illius ministros acciperet, quasi rem marte aperto hostiliterq;agens: ut etiam recenti hominum memoria, cùm Ludouicus 12. in Turonē-

*Matthæus  
Paris in  
sua histo-  
ria.*

si concilio, ab illis omnibus, qui eò cō-  
venerant, quæsiisset, an se pro suo prin-  
cipe haberent, omnes, & Ecclesiastici  
imprimis (maxima Julii excommuni-  
cationum contemptione) uno animo  
atq; una voce agnoscere se & profiteri  
illum suum & summum & solum prin-  
cipem esse responderet. Eiusmodi au-  
tem actis & sexcentis aliis, quæ in no-  
stris historiis, edictis regiis, & curiæ cō-  
mentariis cōsignata extant, patres no-  
stri satis testificati sunt summam illam,  
quam Papæ in regna & imperia sibi ar-  
rogarent, potestatem, intolerabilem  
sibi & meram etiam tyrannidem vi-  
deri.

Quod autem ad alterum gradū, &  
quam spiritualem aut Ecclesiasticam  
vocant, potestatem, attinet, patres no-  
stri nihilo plus in hoc regno Papis con-  
cesserunt, tanquam eos aliquid in eo  
juris ex verbo divino habere putarent.  
Non quòd reges nostri Episcoporum  
& pastorum, (quorū officium est doce-  
re in Ecclesia & sacramēta administra-  
re) partes agere unquā voluerint. No-  
verant

verant utriusque administrationis dis-  
crimen, illudque nihil ad se pertinere.  
At pastores ad officium omni ratione  
cogere: hominum conventus ad res  
Ecclesiasticas consultandas necessa-  
rios celebrare: electiones usitata & le-  
gitima via constitutas confirmare: qui  
quantique sacerdotiorū proventus es-  
sent, exquirere: ne iis abuterentur  
providere: eos in Ecclesiæ & regni u-  
tilitatem dispensare: correctionem &  
pœnas in suis edictis ad ea quæ perpe-  
ram admitterentur coercenda decre-  
tas adhibere, hæc verò nostri reges sui  
juris & muneris nec cujusquam alius  
esse semper crediderunt: illiusq; nun-  
quam subditi immo ne ipsi quidē Ec-  
clesiastici in eo jure unquam reclama-  
runt. Contentiones quidem ea de re  
à Papis sæpe factæ sunt: sed potestas  
tamen & authoritas penes reges no-  
stros integra remāsit. Si quid Papæ hīc  
obtinuerunt, id certè precariò & bona  
regum nostrorū, quandiu ipsis visum  
est, venia potius quam ullo prorsus ju-  
re obtinuerūt. Negotiorū Ecclesiasti-

corum (in eo quidem quod ad homines pertinet, atq; hodie etiā usurpatur auctoritas, in ministeriorum collatione & confirmatione, in fructuū sacerdotaliū dispensatione, & in Comitiorum Ecclesiasticorum convocatione sita est. Ex publicis autem monumentis harum rerum omnium jus apud reges nostros fuisse manifestum est. Adeo electionibus quidem id ita se habere regum nostrorum in eam rem latet leges & constitutiones satis probant. Papæ quidem super ea re & Romæ, & in Italia, & ubi cunq; plus poterat, suas leges habebant. At hoc regnū iis nunquam obstrictum teneri voluit, sed suā atq; avitam libertatem constanter retinuit, per quam suas separatim de jure suffragiorum constitutiones, regia auctoritate cōfirmatas haberet. Id quod adhuc in comitiorum Aurelianensiū actis testatum videmus. Est verò aliud etiam, & longè majus. Publicis enim literarum monumentis celebratum est, postquam reges nostri ditionis suę terminos Romam usq; protulissent, ac suis in Lom-

in Lombardos & Exarchas victoriis Italiā sibi subjecissent, necesse fuisse, ut Romanorum Episcoporū electiones regum ipsorum auctoritate fieret, nec prius ratæ haberentur, quām illorum testimonio & suffragio comprobatae essent. Ludovicus Pius Francorum rex & Imperator non paucos ad eum modum in Papatum ascivit, & in iis Gregorium 4, qui non antè id munus suscipere & obire voluit, quām de illius voluntate sibi constaret. Ac Platina illum nominatim ait Paparum electiōnem consultò confirmasse, ne Imperii jura amitteret. De sacerdotiorum autem reditu, idem sentiēdum. Regum enim nostrorum edicta in eo legis vim & auctoritatem obtinent, non autem Paparum decreta. Si quid aliquando in Papis tolerabatur, aut siquid sollerter & callidè per nostram incuriam usurpabatur, simulatq; fraus manifestè deprehendebatur, adhibebatur cōtinuò remedium: Paparum ministri & exactores è regno statim exigebantur, usurpationes præcidebantur, & de illis

agendum esset, ex Regum, ordinum,  
& senatus auctoritate ac sententia cō-  
stituebatur, tanquam de re, quæ in hu-  
iusce regni potestate planè sita esset, nō  
autem in Paparum arbitrio & libidine.  
Historiæ nostræ eiusmodi exemplis  
refertæ sunt: præcipue à trecentis aut  
quadringentis annis, quum Papæ plus  
auctoritatis cōsequuti, suas omnes vi-  
res & opes eò conferebant, ut manus  
& cupiditatem suam ad nostros usque  
fines extenderent. Is fuit Benedi-  
cti xii regnante Carolo v i in sua illa  
contentione scopus. Verùm docuit  
Academia hanc meram esse Paparum  
usurpationem, quæ coercenda erat: ac  
totam sacerdotiorum rationem ab v-  
no rege pendere, ut ex eius auctorita-  
te, quatenus regni utilitas postulare  
videretur, de illis omnino constitue-  
retur. Papas enim divitiarum satis su-  
perque habere: si verò casu aliquo Ro-  
mana Ecclesia ad inopiā redigeretur,  
illiq; Galliæ opibus non nihil opus esse  
videretur, tum quidem opem ei feré-  
dam, sed his tamen conditionibus: Id  
maturo

maturo judicio faciendū, modo adhibito, justa & gravi de cauſſa, ſine fraude ac damno, dummodo Pape culpā nihil ſecus admissum antea fuiffet: atq; tantisper dum urgeret neceſſitas: idq; voluntario regū, patronorū, & aliorū Antiftitū confenſu ac liberalitate, nul-loq; cæterarū Eccleſiarū detrimento, Ut breviter dicam, id caritatis & huma-nitatis beneficium fore, premente re-rū anguftia: hoc eſt, non eſſe hinc pon-tificibus putādum ullo ſibi jure licere pecunias ex hoc regno jure exigere.

Hæc fuit Antiftitū & Academiæ Pa-tiſiensis ad Carolum regem vi pro tri-bunalis ſedentem, poſtulatio. Acade-mia autē doctis tunc viris inſtructa, & cum ea Antiftites nunquam id aggresſi fuiffent, niſi rem & accurate perpen-diffent, in juſtiſſimam eſſe pernoyiſſent: ut re vera & à rego & ab universo ſenatu, & magna bonorum, qui eò cō-venerant, multitudine talis dicta atq; habita fuit. Neoverò hæc a ctio contra i pſum duntaxat Benedictum i nſtituta erat: Nā Romana Eccleſia nominatur;

postulabatur, ut constitutio in posteri-  
tatis gratiam ea de re fieret. Genera-  
lia sunt quæ ab iis ponuntur fundame-  
ta: Atq; senatus consultum, ordinem  
qui perpetuò à posteris observari de-  
beat, continet. Et verò nihil novum  
tunc constituebatur, cùm id ipsum e-  
dictis nominatim ea de re factis tum  
ab aliis, tum ab ipso etiam D. Ludovi-  
co jampridem constitutū fuisset. Ex-  
tat enim pragmatica illius sanctio, in  
qua hoc caput his omnino perscriptū  
verbis legitur: *Exactiones & onera gra-*  
*via pecuniarum per curiam Romanā*  
*Ecclesiis regni nostri imposita (quibus*  
*regnum miserabiliter depauperatum*  
*extitit) seu etiam imponenda levare &*  
*colligi nullatenus volumus, nisi dun-*  
*taxat pro rationabili, pia, & urgentissi-*  
*ma, vel inevitabili necessitate, ac de-*  
*presso & consentaneo consensu no-*  
*stro, & ipsius Ecclesiæ regni nostri.*  
Hæc ille. Quod si ex voluntate regia  
illiusq; animi sententia, inde certè co-  
sequitur nihil rationis aut juris fuisse,  
quo & rex & Gallicana Ecclesia obstri-

cte

at tenerentur id Papis largiri. Plures paginæ adhibendæ essent & complendæ, si omnia edicta & decreta, quæ in eam rem facta reperiuntur, hîc prescribere vellemus, quibus omnibus est constitutum, Papas nullo jure ex hujus regni sacerdotiis quidquam attingere, & ad se transferre posse. Ex iis tamen siquid utilitatis ad eos pervenit, id regum nostrorum beneficio, liberalitatique soli, non alii cuiquam, aut rei, aut homini acceptū ferendum. Unde factum, ut quoties illis ad nostra usque tempora ita placuerit, edictis caverint, ne istius sacerdotiorum nundinationis ergo, Romam iretur, pecuniâve ultra eò exportaretur. Quantum verò ad conventus Ecclesiasticos & concilia pertinet, quæ gravioris quidem ponderis sunt, & in quibus clarius appetet, cuinam summa auctoritas præcipue debeatur: ex Merovingiorum, & Carolinorum maximè, & posteriorum etiam aliquot regnis certò probari potest, non Papas sed reges sua ipsorum auctoritate ea convocasse, & quæ in iis con-

## 110 DE INTERDICTO

stituta fuissent, confirmasse. Extant ad  
huc cōcilia in quibus id cernitur. Mul-  
tis post annis reges in suo jure retinen-  
do negligentiores, plura Papis tribue-  
runt, parūm animo cernentes quæ in-  
de consequutura essent: usque adeò,  
ut quosdam Paparum nomine interdū  
acciperent, qui conciliis cum summa  
auctoritate præcessent. At cùm à Caro-  
lo Calvo fortè id factum fuisset, Papæ  
obsequēdi gratia, universus regni Cle-  
*lib. 5. c. 35* rus ei rei, ut testatur Aimonius, inter-  
cessit. Postea verò cùm aliter regibus  
nostris visum est, aliter sanè & contra  
Papas etiam ipsos ad retinendam pri-  
stinam libertatem factitatum quoque  
fuit. Ex his igitur planè cōstat, in omni-  
bus petitę Ecclesiasticę partibus, quod  
ad homines quidem attinet, auctorita-  
tem summā pēnes reges nostros fuisse:  
eosque nihil hīc suscepisse aut gessisse,  
quām quod sibi à Deo commissum,  
mandatumq; esset, Christianiq; Impe-  
ratores ante se fecissent, itemq; prisci  
illi piiq; sub lege reges, qui eā ipsam po-  
litiam sua auctoritate & prudentia mo-  
derat.

derabantur: ut Academia, ppositis Joę  
& aliorū exēplis Carolū VI admonebat.

Quæ igitur hactenus à nobis cōmemorata sunt, satis docēt Papas summa, quam jam sibi tribuunt, auctoritate in Galliis nostris præditos minimè fuisse: duosque illos ita terribiles, quos nobis proferunt gladios, non potuisse unquam in hujusce regni fines, ut in eo auctoritatis aliquid obtinerent, penetrare, quemadmodū Papæ superbissimè hodie jaçtant. Reges nostri de rebus & actis Ecclesiasticis cognosccebāt, in quibus majori quām quotidiana eorum, qui Ecclesiis præerāt, auctoritate opus esset: ad eos cōfugiebatur, etiā adversus Paparū abusus: Apud eos Papæ accusabantur: ab iis edicta manabant, pet quæ recte omnia cōstituerētur. Si quādo in comitiis, quæ à regibus extra ordinem advocabantur: aut in suprema curia Paparum procuratores & ministri existerent (ut in eo cōventu quem Carolus VI habuit) illic assistebant, nō decreta quidem ipsi in tribunal facturi, sed ut rei in subselliis caussam acturi,

& quæ haberent postulata in publico proposituri: quæ eaten⁹ admittebātur; quatenus regi curiçq; pbarētur. Si qua rescripta, mandatave à Papis in hoc regnum emissā sunt, ea certè hactenus recepta non fuerunt (quum pr̄sertim aliqua universalis nota in iis observabatur) nisi regis codicilli, illius voluntatis & assensionis testes, iis apponētur, eaq; in supremo senatu lecta examinataque fuissent. Eadem quoq; ratio est legatorum, qui à pontificibus in Galliam mittuntur: quibus nullus est ad eam neq; accessus, neq; aditus, neque auctoritas nisi cum bona regis venia, quam suo diplomate testatam fecerit: nisi etiam hæ declaracione scripto expressa, quæcunque facient, ea omnia ex illius cōcessione & auctoritate, & pro temporis, quod ipse pr̄stituerit ratione, se facturos: nisi denique eorum potestate in ipso senatu probata, qui eam pro suo jure moderatur & coangustat, quatenus id optimum factu judicat, ut videat nequid regis, regniq; jura & pr̄rogativas, atq;

Eccle-

Ecclesiæ Gallicanæ libertatem infringat. Hæc omnia quamplurimis actis confirmata in publicis curiæ monimētis videntur. Deniq; Franciæ regnum libertatis semper Imperium fuit, non obedientiæ ut nostri Jurisconsulti dicunt, hoc est nullo modo Paparum potestati & libidini obnoxium. Nec est quod Paparum patroni nobis persuadere conentur, hanc totam auctoritatem Paparum privilegio tantum & indulgentiâ, penes reges nostros fuisse. Ea enim jure, quod sibi à Deo datum esse sciebant, nititur, etiam in caussæ adversus Papas contestatione, si forte illam vel digito attingere tentarint: ut proximis etiam annis tentarunt: Unde factū est ut reges, ordines, & Parisiensis senatus concilii Tridentini (propter quod tantæ flagitiones adhibitæ, tot contentiones factæ sunt: propter quod etiam Papæ præstomacho & ciracundia hanc tam funestam nobiscalamitatem cōflarunt) promulgationi tam strenue & constanter intercesserint. Intercessio his autem illius hæc inter alias caus-

sa præcipuafuit, quòd sine maxima per-  
petuæ regum nostrorum authoritatis,  
& veteris Gallicanarum Ecclesiarum  
libertatis pernicie , conciliū illud pro-  
mulgari non posset. At è contrario Pa-  
pæ nisi admodum ingratia essent, debe-  
rent ingenuè agnoscere & cōfiteri, te-  
ges nostros de suę libertatis & potesta-  
tis jure in eorum gratiam multum sā-  
pe remisisse: idque eo duntaxat animo  
fecisse, ut eorum operā concordia &  
consensio cum cæteris Ecclesiis fove-  
retur. His accedunt assiduæ nostræ,  
quæ postremis temporibus nobis cum  
Anglis intercesserunt, dimicationes,  
necnon ea quæ in Italia & cum Hispa-  
niæ gente gessimus bella , quorum ne-  
cessitate adducti multa Papis præter jus  
tradidimus, ne in eorū odium incurre-  
remus. Neq; id Papas fugiebat, qui da-  
tā operā his nos bellis implicatos & cō-  
strictos tenebant, ut id à nobis etiam  
invitis extorquerent. Verūm, non in-  
de consequitur, id regis auctoritati &  
regni libertati fraudi esse debere, unde  
Papa pro animi arbitrio de reb⁹ nostris

con-

constituere, & sub Hispanicum jugum  
nos redigere aut possit, aut debeat.

Vt majorum nostrorū propositū re-  
cte accipiamus, tot tāq; preclaræ, & cō-  
stantes eorū actiones nōbis aliunde te-  
stificantur, eos nunquā penitus credi-  
disse summam esse Papis jure divino in  
reliquas omnes tum hujus regni, tum  
aliorū etiā Imperiorū Ecclesiās aucto-  
ritatem, qualē sibi arrogant. Id enim si  
credidissent, ut pii & religiosi viri erāt,  
sic nunquā profecto ea de re cū Papis  
cōtendissent. Evidem cūm populo &  
nomine & animo verè franco hoc est  
libero, tū tot tāq; magnanimis regi-  
bus indignissimū & gravissimū erat, be-  
stiæ reviviscentis imaginem videre, &  
urbis Romæ jugo iterum subjici, post-  
quam tamdiu tamque acriter pugna-  
tum fuisset, tantumque sanguinis ef-  
fusum, ut injustè erepta libertas postli-  
minii quodam jure aliquando recu-  
peraretur. Attamen pietas, religio-  
susque Dei metus, quo tātōpere apud  
omnes celebrati erant, eos procul du-  
bio nec invitatos impulisset, ut Papis

se subjicerent, rerum divinarum & humanarum sui regni dispensatione eorundem arbitrio potestatiique permetteret, si ea Dei voluntas fuisset. At cum id prætermiserint, ut satis constat, immo verò Papas longissimè à suis finibus repulerint: persuasissimum habeamus, longè aliter eos persuasum hoc habuisse: Etenim quod rei caput est, summos habebant sua ætate doctores, à quibus quid ea de re in sacris scripturis contineretur, didicerat. Eorum testimonia nulla jam, brevitatis causa proferam: nec ad rem totam pernoscendā ultra ea, quæ antea proposui, exempla progrediar. In Parisiensis Academiæ admonitione, quam Caroli v i decretum sequutum est, hoc nominatum scriptū extat: Prærogativam summamque auctoritatem, quam Romana Ecclesia sibi vendicaret, à Constantino delatam ei fuisse: quam tamen Constantinopolitana, Alexandrina, & aliæ certatim sibi debetri contenderent. Atque hoc unum illud est, quod in Gallia de Romanæ Ecclesiæ jure tenebatur.

tur. Quinetiam poterant eam Constantini donationem in cōtroversiam vocare. Illis enim non difficile erat ex regum etiam nostrorum historiis probare, præcipuam Paparum potentiam & dignitatem multis post Constantium annis extitisse, Papasq; totam ejus rei laudem Pepino præcipue & nostris illius successoribus regibus debere. Sed nulla moti ratione id agnoscere & cōfiteri volunt. Summa tamen rei huc redit, Ecclesiæ Romanæ sedis prærogativæ caussam ad Constantini donationem vulgò referri: hoc est, majoribus nostris cognitum & exploratum fuisse, jus illud omne, quo se venditabat, positivum esse, hominis donatione, non ulla Dei constitutione sacris literis comprehensa, constans: Eo autem nomine regnū hoc illi nullo modo obnoxium esse posse: immo confitam illam donationem nullam omnino exigendæ pecuniæ potestatem Papæ permittere, tantamq; illi duntaxat concedendam esse, quantam Ecclesiæ facultates ferrent, citra suum ullum

detrimentum. Hæc illorum verba sunt. Quod si de Constantini donatione aliter sensissent, indeque consequutum fuisset illius vi & auctoritate Papam pecuniæ ex hoc regno exigendæ jus habere, Parisiensis Academiæ & Galliæ Antistites secum ipsi pugnassent. Verum id probè sciebant, Constantini donationem nō esse Dei mandatum, quo tenerentur, Constantini munificentiam imperii Gallorum libertati ac dignitati fraudi ac danno esse non posse. Sciebāt hoc quoque, jus illud qualecunque tandem esset, ab iis, quas nominant, Ecclesiis in contentione ponī. quod quidem de illius vi & veritate multum detrahit. Ita certè majores nostri de ea loquebātur, quia certò scirent totam orientalem & occidentalem plagam de primatu adversus Papas multis gravissimisque rationibus dimicasse, & Africanas Ecclesias D. Augustini tempore in magnam ea de re contentionem venisse. Romana Ecclesia asserebat transmarinas Ecclesias sibi subjectas esse: Con-

se: Contrà D. August. aliiq; Africæ patres & Episcopi id negabant. Ea cōtroversia utrinque sic agitata fuit, ut Papa Romanus falsi compertus sit, quod concilii Niceni in eam rem decretum supposuisset: nihilque aliud in Episcopi Romani gratiā reperiri potuit, quam ut Romæ locorumque vicinorum rationem, curamque haberet: Et ex cōcilii auctoritate vētitum fuit, ne ad Romanum pontificem in posterum provocaretur. A Cypriani usque tem- *De simpli-*  
*poribus Romani Episcopi* aliquid huic *citate prae-*  
*non dissimile in Africanos movere in latorū Sc.*  
 animo habuerant. At D. Cyprianus  
 adversus Romanum Episcopum hanc  
 constantissimè caussam egit, firmissi-  
 misq; argumentis docuit, nullam esse  
 illius in alios prærogativam & auctori-  
 tam. Unum Christum summum esse  
 omnium Episcopum, sub quo alii o-  
 mnes Episcopi idem munus & onus  
 haberent. Postea D. Hieronymus (quā-  
 quam Ecclesiæ Romanæ presbyter) *In epist. ad*  
*Evagriū.*  
 professus est, scriptoque confirmavit  
 tantum esse oppiduli (cui Eugubium

nomen erat non procul ab urbe) Episcopum, quantus ille Romanus esset. Id ipsum quoque D. Bernardus Papam Eugenium (ut suprà dictum est) edocuit, dum ait eum non esse Episcoporum dominum, sed ex iis unum. Parisiensis Ecclesiæ primarij & Antistites Caroli v i imperij tempore hæc omnia nō ignorabant, quæ hodie etiam in sanctorum Patrum libris & Ecclesiæ historiis extant. Sciebant quoque quantæ cōtentiones ob istam Episcopi universalis prærogativam & auctoritatem inter Constantinopolitanum & Romanum Episcopum exarsissent, & quo animo ac studio D. Gregorius Romanus Episcopus adversus alium, nempe Joannem Constantinopolitanum, qui

*lib. 4 epist.* summam hæc dignitatem sibi arrogan-  
76, 78, 80,  
*83, & lib.* ter attribuebat, in vectus fuisset, in mul-  
7. 194. &  
*lib. 6. epi.* tis librorum suorum locis testificatus,  
188. cum qui Episcopi universalis nomen &  
auctoritatem sibi arrogaret, Antichri-  
sti præcursorum esse. Hoc ergo majo-  
ribus nostris adversus usurpatam Ro-  
mani Pōtificis auctoritatem probè co-  
gnitum

gnitum erat, illudque Parisiensis Academia & illi adjuncti Gallicanæ Ecclesiæ Antistites in sua adversus Papā ex-postulatione præcipue commemorabant. Quin & rex, & suprema illius curia id minimè repudiarunt, sed confirmarunt, & suo etiam decreto, solenni quodam ritu, inseruerunt: nimirum tanquam rem certissimam, & validum adversus Paparum usurpationes fundamentū, id esse rati. Deinde Ecclesiasticus ordo in concilio Turonensi non dixit Papam illum in se jus potestatemq; habere, sed regem tantum, nulli alii præterquam illi subjectum se asserens. Quòd si Papa ista primatūs opinione elat' regi molestus esse pergeret, nihil obstare, quin rex illum justo bello ad retinendam suam auctoritatem persequi posset. Atque hæc de Papæ auctoritate, quantum quidem in majorum nostrorum monumentis scriptum extat.

In illis autem discemus etiam, quomodo Paparum excommunicationes & interdictiones accipi debeant. No-

bis enim constabit tales excommunicaciones, in quibuscunq; temporibus vana fuisse tonitrua brutaque fulmina, quæ magnum quidem sonitum ederent, sed nullam tamen lædendi vim haberent: majoresque nostros ca nullo modo unquam timuisse, sed rejecisse potius, contemptuiq; & ludibrio habuisse. Atque adeò supremam ipsam curiam & legibus & majorum exemplis fretam, licere sibi arbitratam fuisse, ea ut inania & falsa damnare, & eos in quos ea distingerentur, absolvere, noxaque liberare. Patres verò nostri id non suscepérunt, quin scirent quid sibi vellet excommunicatio, & quorsum Deus in Ecclesia eam constituisset: eos, quos in terris Ecclesia ligat, ligatos quoque & excommunicata

**Matth. 18** corā Deo esse, vt in Evangelio scriptum est. Sed iidem tamen patres non ignorabant etiam Deum suas promissiones explere, quum ipsius voluntati paretur, & ex ejus præscripto res quæque geritur. Nam unicum illius verbum, cuius homines ministri tantum sunt,

sunt, propriè & per se ligat. quòd si ali-  
ter quam Deus instituit ac præcepit, ab  
hominibus usurpatur, nullum est jam  
Dei promissum, ac p̄inde excōmuni-  
cationes nihil amplius sunt, quā mera  
hominū verba, & minæ, quę momento  
evanescūt, nec ullis aliis, nisi autoribus  
ipsis nocere possunt. Neq; enim Deus  
peccatorū, quæ in iis admittuntur, aut  
perversarum affectionum, quas ad eas  
adhibēt, actor & executor est. Tales ni-  
mirum erant summorum Hierosoly-  
mis pontificum eorumque consistorii  
contra Apostolos & Christianos ex-  
communicationes. Id inquam patres  
nostrī neverant, atque ex sacris scri-  
pturis prisorumq; doctorum D. Au-  
gustini maximè libris didicerant, qui  
præclaras ea de re sententias edidit,  
quarum nonnullas D E U S sua pro-  
videntia Paparum decretis inseri vo-  
luit, quibus adversus illos ipsos ute-  
remur. Itaque Paparum excommu-  
nicationes meritò pro nihilo duce-  
bant, quòd nullo jure aut potius præ-  
ter omne jus, ut multis & grauiſſimis

rationibus probari potest, fierent. Ac primùm, quòd Papæ eas emitteret, ista utriusque gladii potestate, quam sibi in universum orbem datam esse volunt, freti: quod nostri patres minimè credebant. Ita enim falsò fundamento jaçto, quicquid in eo superstruebatur, omnino corruerat. Deinde quòd id omni legitimæ actioni repugnaret, priusquam enim aliquis excommunicetur, tum probatam culpam, tum iustas caussas, & eas, quæ excommunicationem commereantur, esse oportet. Ut autem de illis planè constet, in rem præsentem veniēdum est, ubi dilectum admissum fuit, auctoresq; adeò ipsi, si fieri potest, inspiciendi, ut nihil præcipiti judicio fiat: cavendumque diligenter, ne ad ultimam hanc (quæ tantam à reliquo grege separationem continet) refectionem antè veniatur, quām salutaribus & appositis admonitionibus tentatā fuerit ejus, qui peccavit, ad meliorem mentem reducō. Præter hæc etiam, de illius pertinacia & propositi obstinatione judicadum

At nisi à pastoribus & senioribus, qui  
in locis ipsis degunt, fieri hoc non po-  
test, nisi etiā res illic, ubi admissa fuit,  
disceptetur, ut vetus Ecclesiæ discipli-  
na præscribit. hoc præterea requiritur,  
ut excommunicationis fines pii sint,  
& ad nocentis hominis salutem refe-  
rantur: ut ad extremum hoc reme-  
dium non simultate & odio, sed pio  
sinceroque in solum affectu venia-  
tur, totiusque Ecclesiæ utilitati consu-  
latur. Si hæc in excommunicatione  
desiderentur, Dei sanè cōstitutio per-  
vertitur. Nec est quòd putemus Deū  
id ratum unquam habiturum. Quin-  
etiam si id per alios fiat quam per eos,  
quos Deus ei muneri præfecerit, nullo  
auctore fit, nullo etiam fructu. Atque  
hic verus est summatim excommuni-  
cationis à Deo institutæ usus. Patres  
verò nostri omnia his omnino contra-  
ria in Papis animadvertebant, sine mu-  
nere, sine ulla caussæ cognitione, nul-  
la legitima actione observata, sine ju-  
sta caussa, stomachosos & animo affe-  
ctos homines non ad servandam sed

modis à superbis illis accipiebatur, defensionem. Cōsiderabant enim patres nostri, reges esse Unctos Domini, in quib<sup>o</sup> illius Majestas nobis, quodāmodo ante oculos ponitur: quod nobis argumento esse debet ad eos summa observātia prosequendos, & nunquā, nisi eorū amplitudinis ratiōne diligenter habita, nominandos. Sciebant, ut sacrâ *Exod. 22.*  
*scripturâ cōtinetur, à Deo nominatim fuisse hoc vetitū, ne quis sui populi principi malediceret: Et ab Apost. eos cōdēnari, qui de principibus aliter quam honorificè loquererētur: dum iis, qui in principes & reges cōtumeliosi essent, ipsorū etiam Angelorū exemplum opponūt, his verbis: Non horrent cōvitiis dignitates incessere: cùm ipsi Angeli qui sunt robore ac potestate maiores, nō ferant adversus eas apud Dominū, maledicūt judicium. Id autem ab Apostolis dicebatur de illius ætatis principibus, licet Ethnicis, iisque ut plurimum sceleratiss. Maiores igitur nostri, literas cōtumelias in principes suos refertas Româ ad se perferri, facinus planè indignum, & sibi etiam nullo modo*

*2 Pet. 2.  
Iudea 1.*

modis à superbis illis accipiebātur, defensionem. Cōsiderabant enim patres nostri, reges esse Unctos Domini, in quib<sup>o</sup> illius Majestas nobis, quodāmodo ante oculos ponitur: quod nobis argumento esse debet ad eos sumima observātia prosequendos, & nunquā, nisi eorū amplitudinis ratiōne diligenter habita, nominandos. Sciebant, ut sacrā *Exod. 22.* scripturā cōtinetur, à Deo nominatim fuisse hoc vetitū, ne quis sui populi principi malediceret: Et ab Apost. eos cōdēnari, qui de principibus aliter quām honorificè loquerētūr: dum iis, qui in principes & reges cōtumeliosi essent, ipsorum etiam Angelorū exemplum opponūt, his verbis: Non horrent cōvitiis dignitates incessere: cūm ipsi Angeli qui sunt robore ac potestate majores, nō ferant adversus eas apud Dominū, maledicūm judicium. Id autem ab Apostolis dicebatur de illius ætatis principibus, licet Ethnicis, iisque ut plurimum sceleratiss. Majores igitur nostri, literas cōtumeliis in principes suos refertas Romā ad se perferri, facinus plānè indignum, & sibi etiam nullo modo

*2 Pet. 2.  
Iudea 13.*

tolerandum putabant. adde quòd fa-  
cile ex istis bullis animo cernerét, quòd  
Papæ sua consilia & cogitationes re-  
ferrent, nempe ad Principum, suo-  
rum perniciem, cum de eorum salute  
nullo modo laborarent: quippe illo-  
rum plerique omnes profligatissimi &  
perditissimi, omnisque pietatis exper-  
tes, ut Platina & alij historici eorum fa-  
cta & mores suis scriptis nobis depin-  
gunt. Sed aut flagrantissimus princi-  
pum nostrorum ulciscendorum & op-  
primendorum ardor erat, si quid pro-  
regni dignitate & cōmodis, quod Pa-  
pis minimè cordi esset, effecissent: aut  
artificia hæc erant, & insidiosa cōmen-  
ta, per quæ & reges & regum consilia-  
rii metu perterriti ne hiscere quidem  
auderent, miserum popellum & Cle-  
rum præcipue immensis Paparum ex-  
actionibus objicerent, & ipsos, uta-  
libi, sic in hoc regno tyrannidem suam  
stabilire sinerent: ( Academia Pari-  
sensis & Antistites de iis ita loquun-  
tur) Aut deniq; hoc intet eos & hujus  
regni hostes ex mutuo fœdere conve-  
nerat,

nerat, ut dum hi regnum infestis armis  
invaderent, illi vicissim hunc ludum  
luderet, & (quomodo Jupiter quidam  
in tabula depictus) ab excelsa sua sede  
fulmina sua ejacularentur, quorū stre-  
pitū & reges ipsos & eorum populos  
percellerent, eorum uni pro jure sum-  
mo imperantes, ut de ea possessione,  
quam in Anglum justè acquisierat, il-  
li concederet: Alteri, ut Italica, quam  
jure possidebat, ditione excederet: a-  
lli, ut regnum suum spoliari & diripi si-  
neret, & alia ejusmodi. Ea nemine ho-  
minem fugiebant: omnibusq; hoc cō-  
stabat, Papis nihil curę esse de sequen-  
dis rectis excommunicationum fini-  
bus, & hoc maximè uno, Ecclesiæ uti-  
litate & ædificatione: quibus contrā  
scopus hic unus esset propositus, suas  
ad hunc præcipuè finem excommuni-  
cationes de arce sua emittere, ut & in  
Ecclesiis & imperiis ipsis miserrimè o-  
mnia permisceret & everteret. quip-  
pe quæ his nominatim verbis conce-  
ptæ essent, ut populos fidelitatis, quam  
principibus debebant, juramento libe-

rarent, imperarentq; iis, ut armain eos  
caperent, contrà quām Dei mandatis  
præcipitur, totiesq; repetitur, obediē-  
dum regibus esse licet impiis, quales  
Christi & Apostolorū ævo tum Impera-  
tores tum alii etiā magistratus erant.  
Hæc omnia majores nostri non sine  
horrore intelligebāt: ideoq; justo do-  
lore permoti, quod Deum illiusq; cō-  
stitutiones pedibus adeò proteri, re-  
gum suorum dignitatem ita exaucto-  
rari & convelli, regnum ipsum vastitati  
hostiūq; libidini exponi viderent, Bul-  
las arreptas dilacerabant, & eos qui eas  
in regnum auderent inferre, in cri-  
men judiciumq; vocabant: certò sci-  
entes ejusmodi fulmina nō è cœlo, sed  
ex imis inferis emitti. Cuncti cō-  
veniebant, ut gladium è furiosorum il-  
lorum manibus eriperent. Reges ipsi  
palam testificabantur minimè se un-  
quam passuros, ut sui hostium servituti  
objicerentur. Principes, nobilitas, uni-  
versus populus ultrò ad id suas opes, &  
vitam adeò ipsam offerebant. Supre-  
mus senatus vim legum & judiciorum  
polli-

pollicebatur: Clerus tam superbū pri-  
matū dominatum abnuebat, illiq; pa-  
lam renuntiabat: universi deniq; regi  
obsequium & fidem perpetuā pia con-  
spiracye promittebant. Qui nostras  
historias percurrūt, nec satis accuratē  
harū justarum offensionum dolorūq;  
caussas ponderant, accusant nostrum  
illū Augustum, quod nimia in sacram  
sedem irreverentia fuerit: accusant  
Philippum alterum, quod stilo paulò  
acerbiori ad Bonifacium scripscerit:  
accusant nostros senatus, quod san-  
ctorum istorum patrum ministros &  
legatos carnificibus cum summo de-  
decore & probro tradiderint: accu-  
sant nostram Nobilitatem, quæ bulla-  
rum istarum invidiâ Alpes superarit,  
Papamque adeò ipsum armis perqui-  
situm, & in carcerem pertractum, ad  
furiosum mortis genus adegerit. Sunt  
ergo nonnulli, quos id offendit. at-  
que Paparum assentatores, quum de  
his scribunt, has eorum actiones ver-  
bis lenire conantur. At contrà hæc  
summa est Gallici nominis gloria:

Ubi nimirum studium, virtus, libertatis amor, Gallorūq; fides multò quāmullo alio in facinore clariū extitit & eminuit: quod sit posteris (qui à majorum virtute degenerare minimè omnium volunt) exemplo, ut idem quoq; in eadem caussa pari animo & fide suscipiat, caveantq; furiosorum istorum bullas ita reformident, ut ab ea, quam suis regibus, sibi ipsis, patriæque debent, fide & officio vel minimum avocetur. Religionis nomen & prætextus ut nunc, sic & olim Papis nō deerat. Principum nostrorum accusationis caput hoc erat & fundamentum, quod illi essent heretici, schismatici, atq; Ecclesiæ hostes. Id nominatim ab historicis cōmemoratur: Nec illi alio stilo aliaq; scribendi forma, atq; ea, quam nunc videmus, utebantur. At patres nostri non ita rudes erant, rerūmq; imperiti, ut levissima quaq; de caussa se ad defectionem & perfidiam induci pateretur. Ad hæc adversus omnes Paparū accusationes provocatio ad concilium præstò erat, usitatum ac potentissimum ad eorum furo-

furores, dum cōcilium haberetur, co-  
ercendos remedium. Et hæc quidem  
de excommunicationibus.

Quod autem ad istas Interdictiones  
attinet, de iis nihilo certè magis labo-  
rabant. Paparum adversus Ecclesias &  
Imperia, interdictiones cò spectant, ut  
templorum fores occludantur, ideóq;  
nulli Christianorum conventus agan-  
tur, nullæ sacræ cōciones, nullæ etiam  
preces publicè habeantur, nulla sacra-  
menta administrētur, ac ne Baptismus  
quidem infantibus. Quid plura? ut ne  
mortui in cœmeteriis sepeliantur. En-  
præclaræ illæ interdictiones, quæ pa-  
trum nostrorum temporibus indice-  
bantur, ut à nescio quo Martino v, Ju-  
lio ii & aliis ejusdem notæ pontifici-  
bus. Atq; haud satis scio, an hoc unquā  
planè creditura fuisset posteritas, nisi  
noster hic Papa, ingenii, cōsuetudinisq;  
& instituti aliorum successor, idē pro-  
fus nobis minitaretur. Patres vero no-  
stri, qua erant prudentia, animiq; ma-  
gnitudine, illa omnia pro nihilo ha-  
buerunt, nō quòd pietate religioneq;

deficerentur: sed illud probè tenebant, totam Paparum simul & inferorum omnium potestatē non posse sibi vero harum rerum omnium usu interdicere. hæ siquidem interdictiones omnes, excōmunicationum ab illis latarū, quæ divino & humano iure nullę erant, naturā & vim sequebantur; idq; totū vnicō summæ ubiq; terrarū in rebus divinis & humanis potestatis nomine, quasi fundamento nitebatur, quod patres nostri planè falsum esse sciebāt: ac proinde, quicquid inde cōsequeretur & exædificaretur, falsum quoque & irritū credebant. Idem patres illud quoq; intelligebāt, quicquid sit in Ecclesia, ex uno Deo, qui id præscripsit, non autē ex ullius mortalis hominis, qui pro animi libidine dispēsare omnia vellet, auctoritate pendere. Illud quidē constat, si quis excōmunicatus fuerit, illū ad sacramētorum communionē admittendum non esse. verūm hoc planè cōstare debet, an ejusmodi excōmunicatio legitimè adhibita fuerit, nécnē. Deinde pastorū est,

qui

qui ei muneri obeundo præsunt, id agere. Interim illa sacramentorū interdictio, illis quoq; sacrarū concionum, quæ in tēplis celebrari debet, auditio ne nō interdicit. Nā contrā, ut iis s̄ape & studiosè intersint, omni ratione curandū est, ut divini verbi virtute moti resipiscant. Quin D. Paulus hoc nomi-<sup>2 Thess. 3.</sup> natum præcipit, nō esse eos pro inimicis habendos & duriū tractandos, sed tanquā fratres admonēdos, & ad officium lenitate & humanitate adducendos. Præterea sicui rebus sacris & piorū hominū cœtu ob aliquod à se admissum scelus interdictum sit, rationi profectò juriq; consentaneū est, ut in eo plectatur: sed rationi & æquitati repugnat, illius uxorē & liberos, nisi in eadē culpa fuerint, in eadē excōmunicationis pœna esse. Immanior quidē certè hæc es- set crudelitas, & in liberos p̄cipuè, qui in Ecclesia geniti & nati fuissent. At totā civitatē, universum etiam Imperiū eadē pœna cū sceleris auctore p̄mis̄tē im- plicari, immanitas p̄fectò & barbaries atrocissima fuerit, & cuius exemplum

nusquam, nisi Romæ, extare puto. Fingamus enim animo & cogitatione totum Ecclesiarū corpus peccasse, Deumq; offendisse; quid tunc faciendū? Intercludendus ne omnibus ad tempora aditus esset? Immo verò aperienda tunc maximè forent, cogendusq; etiā ad sacras cōciones frequentandas populus, ut Dei veibō audito, officii sui admoneretur, & vitam antē actam meliori vivendi ratione commutaret; cultuiq; divino & precibus studiosius quam antea interesset, ut irae Dei occurrerentur. Nempe Joel & alii Prophetæ, quū populus Deū offenderat, ita se omnino gerebant, præcipientes ut tubæ altius cancerent, ad populum in tempora convocandum. Templorum autem aditus Christianis nunquam, nisi à Tyrannis & acerrimis Ecclesiæ hostibus, prohibitus fuit. Imperatores Romani Pagani, exempli caussa, id postremis Ecclesiæ persecutionibus fecerunt, ex quo primū Christiani publica loca habere cœperant, cōcionis habendæ ergo. Julianus Apostata idem posse

tea fecit, & ab eo, Arriani Imperatores aliquot. Sed hic infidelium furor erat. Christiani verò nihilo minus cōuetos cœtus celebrabant, Deo preces publicè fundebāt, sacramentorum communioni intererant (idq; in ipsis etiam ylvis & speluncis, si alibi non liceret) in eulo minarum, quæ à furiosis illis actabantur, metu. Postea verò Theodosius & pii alii Imperatores Ethnorum templo claudi quidem jussérunt, sed ob idola quæ in iis erant, & quia quicquid illic gerebatur, impietatis & superstitionis plenum esset. Nulla possunt alia templorum clausorum exempla proferri. Quare, quū Papa impetrabit, ut ædes sacræ in hoc regno claudantur, aut eodem furore, quo primi illi Tyranni Ecclesiæ hostes, corripiantur, aut certè impietatis idololatriæ, quæ illic aguntur, damnet necesse est. Patres nostri ea omnia considerabant, & Christianorum priscorum more istas omnes Interdictiones ridebant. Hoc verò illorum animos justa indignatio ne vehementer exulcerabat (Id quod

etiam piorum virorum pectori acro-  
ri vulnere transfodiet) quod Papæ pio  
populi affectu & religione sceleratè  
abuterentur, ut eum ad flagitia confi-  
dentius suscipienda impellerent. Vi-  
debant, quam cara Gallico populo es-  
sent Religio, templorum ingressus, sa-  
crarum rerum usus: Itaque sancti illi  
viri comminationes suas illi intenta-  
bant, & ea ipsi erexitur se minaban-  
tur, ut facilius ad principibus suis re-  
nuntiandum, & ab iis deficiendum in-  
ducerent. Hi profecto abusus sunt, &  
profanationes planè intolerabiles. Si-  
quis vim in aliquem adhibet, & gladio  
districto jugulum illius petit, capi-  
tis periculum minitans, ut flagitiæ ali-  
cujus aut admittendi assensionem &  
societatem, aut jam admissi dissimu-  
lationem silentiumque extorqueat:  
id sexcentis tormentis & crucibus di-  
gnū iudicabitur. At pij isti totius scili-  
cket Ecclesiæ præfecti & moderatores,  
ut sacrū & devotum Deo populū con-  
tra Regē suum arment, atq; ex illius a-  
nimis & manibus iustissimam publici  
status

status defensionem eripiant, duos illos fulgentes gladios, quibus se instructos dicūt, illius capiti inferunt: &, nisi impia cōjuratione ac perfidia tum regem suū regno spoliaverint, tum scipios extēnorū servituti dediderint, tunc vitā se illi adempturos interminantur. At quam tandem vitam? Non corporis quidē, sed animorū vitam, spirituale pabulū, salutem æternā, dum & Christianis cōcionibus, & publicis precib⁹, & sacramentorū usu nefariè iis impiēq; interdicunt. Id verò præcipue pravas Paparū mentes manifestiūs aperiebat, patrumque nostrorum animis & pæne oculis ipsis subjiciebat, quonam genio afflati, quo etiā ingenio præditi essent: ut ea re perspecta & planè comperta, patres citra ullā dubitationē & religiōnē, conscientiæve & dignitatis suæ labem, ad tollenda eorum decreta conspirarent: facilēque judicabant quod olim à Christo scribis & Phariseis ut probrum objectabatur, id ipsum meritissimò & convenientissimè Papis nostris exprobrari posse, eos scilicet

putare se regni cœlorū claves, omnēq;  
earum pro animi arbitrio dispensan-  
darum potestatem adeptos esse, cùm  
interim non solùm nullam eò ingredi-  
endi voluntatem haberent, sed etiam  
illius ingressu populum excluderent.  
O detestabilem impietatem! O faci-  
nus exsecrandum! Populum, templo-  
rum in quibus Dei præcepta discat, a-  
ditu prohiberi, nisi priùs Papæ, à quo  
ad defectionem sollicitatur, mandatis  
pareat! Populum nō decere Deo sup-  
plicare, numenq; illius & fidem implo-  
rare, nisi priùs gratiam à Papa ineat, il-  
liq; patriæ suæ libertatem perfidè ver-  
dat! Populum sacramentorum usu pri-  
vari, nisi priùs Hispaniæ insignia & ar-  
ma sumat! Populum nō posse amplius  
Deum colere, nisi priùs Papam, ipsius-  
que bullas colat! Quantum autem ad  
mortuorum sepulturam attinet, tam  
immanis est ejus rei atrocitas, ut de ea  
plurib<sup>9</sup> agere nihil sit opus. Nostri igi-  
tur piiq; illi patres, non sine acerbissi-  
mo animi sensu & dolore hæc secum  
reputabant. Ecclesiæ doctores, & ejus  
sæculi

æculi Jurisconsulti suis scriptis lacrymas & suspiria in posteros derivabant, ut hodie apparet. omnisq; Gallica Ecclesia hoc certò sibi pollicebatur, regni & libertatem & dignitatem, simulque rerum omnium sanctorum (quæ quidè omnia Papæ indignissimè distrahere conabantur) usum bona fide à se retineri. Atq; aduersus Paparum excōmunicationes & Interdictiones tam præclarum & constans majorum nostrorū propositum fuit, ut Papæ aliquādo cedere coacti sint, promiserintq; se non amplius nec contra regem, nec contra regnum iis usuros. Ea de re Martini 3 & 4: tum Gregorii 8, 9, 10, 11 & aliorum quamplurimorū conscriptæ Bullæ in Tabulario regio adhuc extant. Id quoque jus ad Franciæ Patricios, atq; adeò ad minimos usq; regis ministros pertinuit, cujusdam capitularis, ut vocatur, à Carolo magno, ejusq; filio sancti vi& virtute, cuius hoc est initium, *Si quos culpatorum, &c.* Quod si Papæ severitatem censoriam in nobilem quendam virum, aut Galliæ civitatem adhibuiſ-

sent, cogebantur eiusmodi sententiam revocare, & eos quibus censoria illa nota inusta fuisset, in pristinū statum restituere. Quinetiam Maiores nostri impetrarunt, ut eiusdem libertatis beneficio fruerentur reliquæ civitatis & principatus, qui huius regni beneficiarij & clientes essent: quemadmodum anno 1448 Bullæ contra Gandenses & Brugenses decretæ oppositum fuit, quæ ob id abrogata & antiquata est. Idq; adeò ad nostram usq; ætatem valuit, quū Senatus certior factus anno 1580 Gregorij 13 Bullā clandestino introitu in hoc regnum irrepsisse, cōmuni decreto 4 Octobr. in eam rem facto, cavit ne ea promulgaretur: hac etiā sanctione addita, vt eorū, qui eam receperissent, sacerdotiis manus regia injiceretur: decretumque est, ut illud Senatus consultum typis mandaretur. Majores igitur nostri, ut ex his cōstat, quandiu sententiæ suæ perseverantiam retinuerunt, tandem & regni dignitatem libertatemque retinuerunt.

Papæ in suis Bullis proponebant, si  
Reges

Reges nostri sibi non obtéperarent, eorū imperia pro suo arbitratu, ad aliū translaturos, eorumq; populis minabātur se alios principes ipsis præfecturos: summā illam ubiq; gētium imperandi in temporalibus & spiritualibus rebus potestatē arrogātissimè, ut jam ante diximus, venditātes nobis, & ostētantes, ac diram funestamq; imprecationem in id imperium immisuros se minitātes, nisi ad suum nutum & arbitriū regeretur. Sed his rebus omnibus Patres nostri ob ea quæ diximus nihil prorsum terrebantur. Sapientius nimirū instituti, & usu rerū peritiores facti erant, quā ut nugis istis vel tantillū moverentur, qui satis scirēt Deum auctoritatē illam sibi vni reservasse, illiusque unius esse imperiorū statum mutare, & reges in iis pro jure suo summo constituere; iisq; ut & reliquis ab eo constitutis magistratibus parendum esse: alioqui Dei mandato & auctorati repugnari, nec impunè id quidem aut inculpatè, quęcunq; tandem caussā cōtrā obtendi possit. Diabolus idem

*Matth. 4.* agebat in sua illa contra Christum tentatione, mundi regna illi ostendens atque se traditurum etiam pollicens si honorem sibi cultumq; tribuere vellet. Perditus ille dicebat omnia se regna in manu sua habere, de quibus pro animi libidine constituere posset. Quia verò hanc tantam in mundi regna potestatem, quæ uni Deo debetur, sibi asumunt, ii certè Dei sunt hostes, fallacesq; spiritus. Majores nostros, prudenteresq; probosq; viros minimè latebat Christum, ut hereditatem inter fratres divideret, rogatum id recusasse, quamquā ea hereditas minimi fortasse pretii esset. Inde concludebant, Christum nunquam hujus facti rationem probaturum, si Papa, pro ea, quam sibi arrogat, potestate sceptra & imperia partiretur, venderet, transferret. Enimvero ex sacris libris cognitum hoc habebat reges, ut Davidem, Salomonē, & alios à Prophetis reprehensos fuisse, severiusq; & minaciter admonitos, nisi mortem Dei mandatis gereret, summum esse periculū, ne justa Dei officione suum

suum sibi regnum eriperetur. At pii illi viri eam calamitatem Dei nomine minabantur, nec eorum quisquam eō audaciæ unquam venit, ut regna per se à propriis Dominis alienata interverterit & ad alios transtulerit. D. Ambrosius Theodosio sacris quidem interdixit, sed non Imperio, atq; ista cōminatione in eum nunquam usus est, nec aliter eum cōpellavit, nisi cum ea animi submissione & observantia, quæ civem clientemq; decet. Patres nostri in eo quidē probè se institutos ostendebant: & præter Dei mandatū, quo præcipitur colendos esse reges, iisque obtemperandum, ingenio etiam ad principes suos imprimis amandos propenso semper fuerunt. Unde præ cæteris omnibus nationibus, celebrati fuerunt. Itaque Papis, quos videbant tam infirmis fundamentis niti, fidem non habebant, sed eorum Bullas detestabantur, & justo dolore accensi universum suum studium operámq; regibus suis pollicebantur & deferebant, à quibus mandata ad retinendam Papa-

rum insolentiam reciperent : satis pa-  
trū & sua ipsorū memoria experti, ne-  
minem unquam illorū fulminibus sau-  
ciatum fuisse. Quinetiam quum reges  
tot tantisq; indignitatibus à Papis seaf-  
fici, tot onerari cōtumeliis, regnumq;  
per illorū artes hostibus prædæ objici  
viderēt, tunc nec ullū religionis & Ec-  
clesiæ falsò usurpatū nomē moram af-  
ferebat, nec ulla Paparum sanctitas ob-  
stabat, quo minus reges suorū tum sen-  
tētiis freti, tū studiis moti, armis se tue-  
ri, & superbos istos, hostilē in modum  
tractare decernerent : quippe qui nul-  
lam belli gerendi caussam justiorē dā-  
ri posse arbitrarentur. Neq; id tamen  
sine maximo dolore sic statuebant, ob-  
eam, qua sedem illam semper colue-  
rant, observantiam, & eam etiam, qua  
inde consequi posset, offenditionem &  
invidiam, cum aliqua nec minima Ec-  
clesiæ pars cum eo dimicaret, qui præ-  
cipuam illius administrationē ac mo-  
derationē sibi sumeret. Verūm publi-  
ca salus, suprema lex esto. Aut sui de-  
fensio justè strenuēq; suscipienda erat,

aut

aut rex perfidè deserendus & prodendus, collūq; servitutis jugo turpiter offerendum Quòd si ut sui regis sarta etatq; cōservetur auctoritas, ut status & patria tota defendatur, ut libertas, quan nihil est dulcius & carius, retineatur, bellū à nobis suscipitur: idq; adversus eos maximè, quorū amicitiam expetim⁹, ac nobis cōciliare imprimis studemus, & qui sub pietatis specie ambitionem, avaritiā, & arrogantiā (à quibus ad status eversionē machinandam impelluntur) prē se apertè ferūt: cui jam dubiū esse potest, quin cum eorū, qui necessariā sui defensionē suscipiunt, causa, unā cum justitia, tū Dei assensio tū optima cōscientia conjugantur? Nunquid sanctitas, pastoris officium, Deiq; nomen, iis qui res perturbare & imperia bellis & cōfusione pmiscere vellēt, occasioni ad id & causæ esse deberēt? Abiathar summus sacerdos munera sui oblit⁹, ad Adoniæ factionē contra Salomonē transiit: putās se, pro ea qua p̄dit⁹ erat auctoritate, jus imperii ad quēcumque vellet trāsferre posse, neglecto Dei,

*Reg. 1.*

qui aliter ea de re constituisset, mandato. At in sacerdotii dignitate tatum momenti non fuit ac præsidii, ut nonis morte damnaretur, cœsereturq; dignus cum quo tanquam cum hoste ageretur. Omnis anima potestatibus supereminentibus subiecta esto, ait D. Paulus. Nec Apostolus nec Episcopus, nec ulla alia Ecclesiastica persona excipitur, ut D. Chrysostomus in eum locum scribit, ac proinde ne Papa quidē ipse. Qui est omnium supremus, gladium sibi à Deo cōmissum gestat, ut eos qui se præter modum contra suam auctoritatem efferre audeant, æquè omnes reprimat. Patres nostri id sciebant, credendumq; est eos, nisi perquam consideratè, ejusmodi bellum non suscepisse. Et certè in illo Turonensi concilio palam statutum fuit, bellum salva conscientia Papæ inferri posse. Ac illud ipsum decretū usurpatum jam aliquando fuerat, ideoq; normæ instar esse debebat, ad quam hoc regnum sua consilia & actiones in eadem re dirigeret.

Non ignorabant autem reges, item  
que

que alii, qui in celeberrimos illos cœtus accerſebantur, quæ sit Episcoporū habenda ratio, & quo ſint honore & obſervātia digni. Nam ſi Romani Episcopi in officio ſuo permāſſent, nunquam niſi per honorificè appellati fuiffent. Quinam verò majores honores in Rom. Episcopos effuderunt, aut eorum auctoritatē magis amplificarunt, quām nostri Caroli, Ludovici, & nostri alii principes? Sed quum muneris ſui limites prætergressi, pro pastoribus lupi fiunt, & in media regna irrunt, ut ea funditus evertant, nullam officii partē attingentes, ſed cōtrà præter officium & decorum facientes omnia: tum verò demum nullus eſt honori & obſervantiæ relictus locus: non enim laus personam ſequitur, ſed munus, ſi quis in eo fungendo præclarè ſe gollerit. Si munus deſinit, honor & meritò deſinit. Noſtri igitur patres, qui Papas erga ſe non pastores, ſed perditores, non mandatorū Dei præcones: ſed è contrario bellorum civilium tubas, & rebellionis adverſus principem concitatores: nec

iam patres & servatores, sed hostes vexatoresque infestissimos, perniciem sibi & exitium machinantes experientur, rectissimè profectò & rationi convenientissimè facturos se putarūt, si erga eos ita se omnino gererēt. Parisiensis Academia sentiebat, quod D. Paulus monet, discessionem ob omni fratre qui se inordinate gerit, faciendam de Papis intelligendum esse, quum rerum superbo dominatu potiri ubique volunt, omnes miserè divexant, & furiosè permiscent omnia.

Cæterum hæc patrum nostrorū adversus Papas contentio fieri non poterat, quin fieret quoq; discidium. Itaq; Paparum adulatores iræ pleni, cupidissimè inculcabant nihil hoc aliud esse, quam se à Catholica Ecclesia segregare. Uti etiam Papæ videri volebant eos suis excommunicationibus ab Ecclesia Catholica abstraxisse. Verūt patres nostri de iis admodum securi erant: immò verò instabant atque urgebant summo cum studio, ut sibi à Paparum qui se in suo munere obcundo itat<sup>y</sup> rannicè

rannicè gererent, confortio quam pri-  
mùm recedere liceret. Censebatque  
Turonense concilium, bellum etiam  
illis inferendum. Non quòd pii illi pa-  
tres hoc unquam in animo habuerint,  
cum Ecclesia Catholica divortium fa-  
cere. Illud enim probè sciebant, qui-  
cunq; in Catholica Ecclesia sit, eum es-  
se in domicilio Dei, in filiorum ipsius  
cœtu, & in recta, quæ ad vitam æter-  
nam dicit, via: Contrà verò quisquis  
in ea non fuerit, extra Christum esse:  
non domesticum, sed externum esse,  
nec hæreditatis promissiones habere:  
quisquis, ut breviter dicā, extra Eccle-  
siam sit, huic nullam salutis spem reli-  
ctam esse. Quid ergo? A Papa cōmu-  
nione separatum esse, annon ab Eccle-  
siæ cōmunione separari erat? Hoc sanè  
quidē pro ea, quæ majorū nostrorum  
pietati & integritati debetur, observā-  
tia, nobis pernegandum, cum ipsis se à  
Papis ultrò segregarint. Alioqui cò nū-  
quam venissent. Verùm hoc inde factū  
ab ipsis fuit, quòd aliter ab Ecclesia in-  
stituti essent, quām pōtificiæ dignitatis

studiosi ac fautores nobis inculcant. Etenim, si eos audiamus, non est hoc in Ecclesia esse, nisi Papam errare non posse credamus. Patres autem nostri, ut ex superioribus cōstitit, eorum sententiæ minimè assentiebātur. Non est hoc in Ecclesia esse ( si modò fides illis habeatur ) si quis pro certo non habeat Papam summum ubiq; moderatorē & praefectum esse , atq; utrumq; gladium habere : At patres nostri hoc illi nunquam cōcesserunt. Non est hoc in Ecclesia esse; ut id etiam nobis objiciunt, si quis ingenio sit ita comparatus, ut omnibus Papæ mandatis , qualiacunq; tandem illa sint, parere nolit. Patres vero nostri ad hunc sibi modum imperari passi non sunt, sed judicio prudentiaq; adhibita, quicquid sacris scripturis minimè consentaneum videbatur, et si à Papa manaret, id planè rejiciebant. Idem appellant eos haereticos & excōmunicatos, qui ea nolunt in suos etiam reges admittere , quæ suis Bullis imprestant. Patres autē nostri id prorsum negabant, atq; Paparum excōmunicatio-  
nes

nes cùm deridebant, tū minutatim dissecabant: quinetiā Papas, qui potestatē in hoc regnum sibi vendicarēt, fatuos, insanos, atq; adeò hæreticos appellare nō dubitabant. Atq; hæc ita omnino, ut dictum est, se habere, senatuscōsultis, decretis, variis quoque scriptis & actionib<sup>9</sup> suis nobis cōfirmarunt. Quòd si aliter, quām faciebant, credidissent, in eo conscientiæ repugnassent: quod de tot claris piisque viris, qui nos ætate antecesserūt, vel cogitare est nefas: sanè, si in Ecclesia esse is non est habendus, qui in Paparum obsequio nō manet, neque illi totus adhærescit. Sive rò nulla conscientiæ labē aliter faciebant quām crederent, tunc aut errore, aut ignoratione peccaretur necesse erat. At extra omnē controversiam est, nostros illos patres iis, qui Paparū decretis omnino addicti & cōsecati sunt, prudētia, eruditione & fide longē prestatissime. Quomodo igitur, dicet aliquis, se in Catholica Ecclesia esse credebāt, interim dum à Papis dissiderēt, eosq; adeò armis peterent? Nempe ex

sacris scripturis & piorum Doctorum  
libris persuasum benè penitus atq; cō-  
firmatū habebant, Dei Ecclesiam nec  
ex Papa, nec ex ullo alio mortali pēdē-  
re. Nam si in Papa esset illius caput &  
fundamētum, malè cōquidē ipsi cōsus-  
tum fuisset, & adhuc esset, si quis misé-  
rūm hominum etiā perfectissimorum  
statū consideraverit. Præsertim quum  
tot Papæ à multis extiterint seculis, va-  
riis infandisq; sceleribus (ut ab ipsorū  
historicis describūtur) cooperti & cor-  
rupti, nullis etiam bonorum pastorum  
notis insignes; quippe maxima ex par-  
te Simoniaci, & viis atq; artib⁹, quæ cū  
legitimæ vocationis regulis (quales in  
propriis ipsorum canonibus scriptæ  
reperiuntur) è diametro pugnant, ad  
Papatū ingressi: alii manifestò hæreti-  
ci, & à fide aberrates, atq; alieni, quos  
ideo Academiæ nostræ caußâ diligen-  
ter disceptata gravi infamia multatos  
dānarunt. In iis verò, quas ppè conti-  
nuas adversus Germanos Imperatores  
habuerunt, cōtentionibus, nec non in  
suis ipsorū, quas inter se quum de sedis  
prima-

primatu dimicarēt, exēcuerunt controversiis & dissensionibus, quænā recta illorū conscientia, quis pacis & concordię amor, quę etiā integritas & sinceritas exstītīt? Patres nostri qui horū omnium testes erāt, omnemq; Paparūm vitā penitus cognitam habebant, non potuissent unquam in animū hoc suum inducere ac planè credere, Ecclesiam ex eorum auctoritate pēdēre: ac si in Ecclesia esse velimus, Papis necessariō adhærescendū esse. Quid ergo? Christiani illi erant, profitentes se Prophetarū & Apostolorū doctrinam credere, Christū ut servatorē suum agnoscere, Deū colere, & in ea, quę fuit set in sanctis Patriarchis, Prophetis & Apostolis, & in omnibus Dei electis, qui in universo mundo vocati fuissent & essent, fidē manere. Ex his certò sibi persuadebant, etiā si Papa destituti essent, set amē in Catholica ecclesia esse: ac dū Christū haberēt (in cuius tutela & duetu longe tutiori, q̄ in illo Paparū conquiescerēt) Ecclesiæ spōsum verūq; perfectū & caput, ac pastorem pontificēq;

summum, se habere. Nec firmiora & arctiora concordiae, qua Ecclesiaz Catholicaz coniuncti essent, vincula requirebant, quam eiusdem corporis in Christo membra esse, eodem cum fidelibus omnibus spiritu regi, eadem fidem, eundem etiam Baptismum habere. Patres nostri à Papis distracti, atque adeò ad bellum iis inferendum coacti, hisce cōsolationibus & persuasionibus aduersus eos, qui divortium à se cum Ecclesia factum sibi exprobarent, animos suos confirmabant: atq; totius veteris Ecclesiaz, quæ Papis subiecta nunquam fuerat, statum, uti eas etiam Ecclesias quæ de Primate cum Papis contenderat, sibi proponebant, quas tamen Catholicę Ecclesię membra esse negare non poterant, etiamsi in eo graves Papis adversariæ essent, ut & Africanaz Ecclesiaz D. Augustini tempore fuerunt. Paparum fautoribus, à quibus probrose excommunicati appellabantur, objiciebant summos in Israelitica Ecclesia pontifices nec semel nec iam primum à recta via desle-

deflexisse, & tyrannicum dominatum  
occupasse, dum excōmunicabant, at-  
que anathemata, execrablesque eos  
pronuntiabant, qui secum non face-  
rent. Atenim illi, quos diris ita devove-  
bant, Apostoli erant, veriq; fideles &  
Christiani, qui vera Ecclesia Catholica  
erant, non autem ambitiosi isti Christi  
hostes, qui primum sibi in Ecclesia lo-  
cum tribuebant, in qua tamen nihil  
loci omnino haberent. Confidebant,  
quandiu ex vero Ecclesiæ capite, &  
nostræ omnium salutis auctore pendé-  
rent, non posse unquam à Deo & Ec-  
clesia, quantumvis & Papæ & inferi o-  
mni ope retinerentur, divelli: omnes-  
que Paparū omnium Imprecationes  
gloriæ sibi & saluti fore. Ex his igitur  
apparet patres bona fide à Papis se abs-  
traxisse, regiis edictis, supremæ curiæ  
decretis & conciliis, & eo quidem us-  
que, ut bellis etiam eos invadere nihil  
dubitarent.

Ego verò imprimis optavi ut in ma-  
jorum nostrorum historiis hæc & alia  
hujusmodi attentè considerarentur,

ut ea in his, quae Papæ per suas Bullas nobis faceſſunt, negotiis, in uſum noſtrū referremus. Papa Sfondrat⁹ quod his cōtrā objiciat, nō habet. Ille enim ipſe in ſua ad Nobilitatem & populum universum monitotia Bulla eximiam regum maiorumq; noſtrorū pietatem ac religionē laudat, quod piis in Deū Deiq; Eccleſiam officiis Chrtianiffi- morum nomen adepti fuerint: addit- que eos, quo propius avorum ſuo- rum exempla ſequentur, eò propius ad veram quoque nobilitatem acces- furos. Quid autem illi præſtitetint, ſuo nos exemplo docēt. Primi ex Merovingiorum proſapia reges ad Pepi- num uſq; ( quantum ex historiis colli- gere licet ) non magnam admodum Paparum notitiam unquā habuerunt. Per ea enim tempora non magni ad- huc nominis erant. Carlinis Papæ ſub- jecti erant, eorum gratiam & ſuſſi- dium emendicantes, in ſuisque ele- ctionibus & gravioribus etiam aliis re- bus ab illorum nutu & auctoritate pē- dentes: ut ex Chronicis & aliis eorum

tēporum monumētis facile pbari po-  
test. Non quōd maxima jam tunc am-  
bitione & summo crescendi deside-  
rio non flagrarent. Sed non audebant  
ita apertè, ut postea, regibus nostris  
molestiam exhibere. Unas tantum-  
modo occasiones cupidè captabant:  
ut ii facere solent, qui clām, & occul-  
tē aliquid moliuntur. Si qua in regum  
familiis discordia effet ob uxorē quan-  
dam repudiatam, quæ magnæ aucto-  
ritatis principes cognatione contin-  
geret, eò, tanquam ad rem patrocinio  
dignum, & ex qua præmii aliquid se  
relatuos sperarent, avidè se confere-  
bant, sua & obsequia & excommuni-  
cationum fulmina oblaturi. Si ad has  
controversias disceptandas ac com-  
ponendas adhiberentur arbitri, ea re  
ad potestatem suam constituendam  
abutebantur, hinc scilicet jus in diri-  
mendis principum omnium litibus  
captantes: Ut Nicolaus primus in Lo-  
tharii regis cauffa. Sed iræ imprimis  
& contentiones, quæ inter principes  
erant, luculentæ illis & valde speciosæ

causse videbantur, quas etiam cupidissimè arripiebant, ut inde compendij aliquid facerent, & in aqua, ut dicitur, turbida pescarentur: ad eos se adiungentes, per quos potentiam suam amplificarent. Omnibus tamen suis artibus & machinis efficere non potuerunt, ut juris aliquid in hoc regno conseruerentur. Magna extitit filiorum Ludovici pij adversus suum ipsorum patrem coniuratio. Ecce Papæ in medium hanc tēpestatem illico se conciunt, nec ad patris, cuius causa iustior erat, sed ad filiorum partem, eamque deteriorē se applicāt, ex qua nimirum maiorem quæstum se consequuturos putabant. Nam Ludovico patri semper subiecti fuerant, nec quidquā uberioris & quæstuosius ex eo obtineri posse sperabant. Sed suum studium & operam ad liberos deferendo, sibi certò pollicebantur, si superiores essent, amplam se remunerationem adeptiros. Gregorius igitur 4. in Galliam venit, Ludovicum ab Ecclesia abdicaturus, ut quidē plerorumque omniū opinio

opinio hæc erat: sed continuò compērit Regem ea re nihil moveri, ac regni Episcopis certum deliberatumq; esse, sibi resistere: Itaque à consilio suo destituit, simulavitque se eo animo venisse ut pacem inter patrem & liberos conciliaret. Qui res eo tempore gestas memoriæ prodiderunt, ajunt Episcopos summa voluntatum & sententiarum consensione decrevisse, se Papæ quanquam excommunicatiōnes suas minanti non obtemperatu-  
ros, voluntatique illius nulla in re cef-  
furos: cumque adeò, si excommuni-  
caturus veniret, excommunicatum  
rediturum. Ea ipsa sunt eorum verba:  
propterea quòd perspectum penitus  
ac persuasum haberet, Papæ non ma-  
jorem quam sibi ipsis potestatei esse.  
Hoc verò & in ejus temporis annali-  
bus, & in eo qui Aimonii Monachi  
historiam persequitur, & in pervetu-  
sto quodam, quod D. Dionysii dicitur,  
Chronico scriptum extat. Atque illud  
primum habetur Paparum aduersus  
Reges nostros tentatum præludium.

Deinde ex cōtentionibus inter Ludovicī pii successores exortis, commodis suis consulere conati sunt, sed nihilo plus quām antea promoverunt. Post primos autem Carlinorū familiae principes, ut major Papis ab aliis nationibus honos tribuebatur, sic Reges nostri plusculum aliquid, aliorum potius exemplo, quām ullius juris ratione, iis tribuerunt. At ut sibi dominarentur, ut regno imperarent, ut de se, suoque statu pro animi libidine statuerent, pati certè nunquam potuerunt: immo verò protinus omni ratione, & marte etiam aperto, infestisque armis sese illis interdum objecerunt.

TER.

## TER TIA PARS,

*Quæ est rerum à majoribus nostris ad-  
versus Papas gestarum, ad eas, quæ hoc  
tempore occurrunt, accommodatio, ut  
quid nobis hic agendum sit,  
intelligatur.*

PRÆCLARE admodum ab oratore olim dictum est, cùm historia sit fidelis temporum testis, lux veritatis, vita memoriarum, nuntia vetustatis, eam quoque nobis eadem opera magistrorum vitae esse. Cùm enim quædam incident, quæ aliquando antè acciderunt, tunc veterum monumenta exquirimus, ex quibus quid viri doctrina virtuteque prædicti in iis egerrint, & quid iis inde evenerit, planè cognoscamus: illudque nobis magistri fidelisque consiliarii vice est, à quod docemur, qua fide animique præsentia, sublata omni dubitatione, nos in iis gerere debeamus. Ad ea igitur, historias, quæ supra commemoratae sunt, & quid in illis observatum sit,

referemus & accommodabimus. Francorū historiæ, in iis quæ ad prima hujus Monarchiæ tempora pertinent, mancæ quodammodo & imperfectæ sunt: quòd prisci illi Galli benè rem gerere mallent, quām multa scribere. At de postremis temporibus, in quæ Paparū cōtentiones inciderunt, pleniores ea sunt, certiores, & pluribus testibus instrūctæ. Nec dubitandum est, quin hoc Dei providentia ita cōtigerit, qui multò antè provideret, quām difficile nobis fuisset in tā gravi & ancipiti cōtentione certi quidquam statuere, nisi narratum nobis probatumq; scriptorum diligentia fuisset, quid Patres nostri à Papis indignè provocati, & sacris interdicti prēstiterint: propterea quòd de religione hīc etiā agatur, quæ scrupulum & dubitationem animis nostris injicit, unde optima sāpe consilia impediti solent. Verūm Majores nostri ejus rei viam, quam ducebant esse rectissimam, tam multis ac præclaris exemplis tritam passim reliquerunt, ut si modò velimus, errare minimè possumus.

simus. Ea verò non semel, sed sæpe-  
numero acciderunt. Consilia non u-  
nius, aut paucorum hominum sunt.  
Solennia sunt senatus consulta, & gra-  
vissima ordinum conciliorumque de-  
creta. Quod ad eorum exitus effecta-  
que attinet, si paulò attentius conside-  
remus, quales fuerint Paparum & fa-  
ctiosorum, quos suis artibus & opibus  
ad suam causam suscipiendam allexe-  
rant, conatus & machinæ: quam lu-  
ctuosæ tragœdiæ in Germanorum Im-  
perio ab iis excitatae, quæ item alio-  
rum ruinæ & mutationes: fatendum  
certè ac prædicandum nobis est, salu-  
berrima fuisse ejusmodi majorum no-  
strorum consilia, sine quibus nullum  
jam regnum teneremus, nulla liberta-  
te frueremur. Ea igitur exempla ma-  
gni apud nos esse debent, quippe quæ  
sint ejusmodi, ut nos fallere non pos-  
sint. Ita ut, si queratur quid nobis ho-  
die faciendum videatur, quum Papa  
excommunicationis fulmen nobis in-  
tentat, si regi parere sit animus, non  
magna hîc deliberatione & consulta-

tione sit opus, in eo etiā quod de conscientiis agitur. exstat jam hæc, constatque planè sententia. Regni propria super hac re sunt nobis axiomata: Rex inde intelligit, quam virtutem, quāmque animi firmitatem & constantiam adhibere debeat: Senatus præscriptam in iis legem habet, quam sequatur: Clerus illic cernit, quid veteres regni hujus Episcopi & concilia de eo statuerint ac responderint: Denique nobilitas, militares viri, ac reliqui omnes docentur, qua fide & alacritate suo hic Principi obsequi debeant.

Quoniam verò nullus est exemplorum usus, nisi res, ad quas probandas & illustrandas adhibentur, persimiles fuerint: ut nullus sit objectionibus relatus locus, docere mihi propositū est, nos in eadem omnino caussa versari in qua olim patres nostri versabantur. Si quid in ea re discriminis inesse videatur, id sanè quidem aut in Papæ proposito & consilio, aut in ipsius, & eorum, qui hunc tātum motū mutationemq; moluntur, aut in regis ipsius persona insit

insit necesse est. In Papæ autem sco-  
po nullum omnino discrimen existit.  
Papa quidem Sfondratus in suis Mo-  
nitoriis Bullis, speciosis prætextibus  
nempe verbis sanctimoniarum plenis, Dei  
nomine, Ecclesiæ cura, non caret: sed  
ea verba præpostero inversoque sensu  
accienda sunt, & eadem omnino si-  
gnificatione, qua cætera que usurpare,  
nobisque identidem obtrudere solet,  
quū se servorū servum nominat, dum  
in thronū longè omniū excelsissimum  
ascendit, se omnium summum profi-  
tetur & gerit, ac regibus, principibus,  
Imperatoribus, imperiisq; omnib⁹ præ-  
fici dominariq; conatur, quum de sua  
submissione, & sua in nos benevolētia  
loquitur, dum tota mente in hanc cu-  
rā incumbit, ut nos in miseram servitu-  
tem redigat, pedibusq; suis cōculcet &  
proterat: quū & is ipse & reliqui se Boni-  
facios, Clementes, Innocētios, Gre-  
gorios appellant: præclara quidē ea  
nomina, quorū splendore, simplicium  
& rudium hominū oculos preſtinguāt,  
dum pessimè de nobis merentur, dum

luporum noctu grassantium more res  
 publicas diripiunt, mortiferisque vul-  
 neribus cruentant: dum nos in imum  
 inferorum barathrum conjiciunt, &  
 tanquam furiæ quædam dies noctesq;  
 pervigilant, quieti nec tantillum in-  
 dulgentes quo nova malorum genera  
 excogitent, civiles motus concitent,  
 universum (ut verbo rem complectar)  
 orbem incensione, internecione, va-  
 stitate & interitu perdant. Sed venien-  
 dum ad rem est, videndumq; quo pot-  
 tissimum isthæc lenitatis species & ver-  
 borum blanditiæ spectent. Sfondratus  
 ægritudinem animi summā p̄ se fert,  
 quod in hoc regno tantopere ac tan-  
 diu afflictemur, aitque se acerbissimo  
 cordis cruciatu rumpi, quod ita per-  
 turbemur, & à nobis ipsis discerpamur.  
 At si tot tantæque nostræ calamitates,  
 quibus ita divexamur, ejus mentem  
 vel modicè tangerent, pacis incundæ  
 viam nobis aperiret, & ad eam ingre-  
 diēdam hortaretur: aut, si ad rem tam  
 salutarem necessariamque mentem  
 atq; animum adhibere negligeret, sal-  
 tem

ad rem  
 tande  
 aliquid

tem pateretur, ut de his controversiis componendis, & nobis in pristinam concordiam reducendis cogitaremus. Illum fugere non potest, non nunc demum Ecclesiam dissensionibus religionis ergo concitatis exagitari. Ab ipsis Apostolorum temporibus, saepeque postea id mali Ecclesiam invasit. Nec is ignorat harum controversiarum dirimendarum rationem, arma apud veteres non fuisse, quae jam tanto furore & pertinacia intentantur, sed concilia & placida colloquia. Si tranquillitati, utilitatique nostrae consultum vellet, ille quidem se in nostri pacificationem interponeret, à diuturniore gravioreque contentione nos revocaret, has ad regni incendium accensas faces extinguueret, & ad arma deponenda horaretur: Regem etiam Hispaniae & alios principes finitos deprecaretur, ut per eos nobis aliquando quiescere licet. Deinde regi nostro & aliis Christianis eodem animo & studio principibus praesto esset, suam opem & ope-

ram pollicens ad salutare pliumq; con-  
ciliūm convocandum, in quo omnes  
de religione controversiæ quietè diri-  
merentur, & Christiana Ecclesia à tot  
perturbationibus cladibusque libera-  
retur. Si id efficeret, nosq; ad omnem  
animorum acerbitatem exuendam,  
ad omnes injurias ex animo delen-  
das, ad nos mutuò reconciliandos  
exhortaretur: e quidem illum nostris  
malis misericordia commoveri, nos-  
que amore prosequi crederemus: ac  
tunc verum illum & Apostolicum spi-  
ritum, qui in D. Petro, in D. Paulo  
piisque aliis Dei servis, Ecclesiæque  
patribus elucebat, in eo agnoscere-  
mus, & laudaremus. At nihil aliud  
quam bellorum cōtinuationem pro-  
ponit: etiamsi potuerit, quod quan-  
tisq; miseriis ab annis triginta oppressi  
fuerimus, intelligere, & longa expe-  
rientia cognoscere, bella inter nos ci-  
vilia non esse accommodata ad nos in  
eādem religionem concordiamq; re-  
vocandos, remedia: sed & potius ad-  
dere oleum, quod aiunt, incendio, ac  
totius

totius regni perniciem & exiliū accelerare. Idem conjurationem rebellionemq; auctoritate sua cōprobat. Bullæ illius huc tantūm spectat, ut à rege nostro deficiamus, si nōdum defecimus; hoc, inquam, suadent, ut bellum adversus principem, cui non desunt idonea ad sui defensionem subsidia, perpetuemus, & ad mutuam internecionem ac lanienam immortalē exitiali- que bello ruamus. Illius igitur omnia de sua misericordia, tristitiaque verba, Crocodyli sunt lacrymæ, mera similitatio est. Qualis cæterorum Paparum scopus fuit, dum summi iuris in temporalibus & spiritualibus nomine, hoc sibi olim sumebant, ut hoc regnum, cui pro arbitratu suo imperare liceret, sibi subiicerent. Talis omnino Sixti postremi scopus fuit: talis etiam hujusc Sfondrati nostri mens & cogitatio, qui suas ad nos bullas hoc consilio mittit, ut obsequiū à nobis extorqueat: sperans tantillā mēbranā plūbeis orbiculis armata, totū terrarum orbē permiscere posse. In verbis quidem totaq;

oratione plusculū artificij , plusculum etiā moderationis inest , quām in Bonifacii & aliorū ejusmodi literis , quod sciant in ea se devenisse tēpora , quum Papa non eo loco & numero habetur , quo antea . At imperandi vbiique cum summo jure eadem certè omnino voluntas . Nominata hæc Bullis illius præfixa , *Servus servorum* , *sancta sedes* , & ejusmodi alia , tituli sunt per honorifici , qui ad alios summam auctoritatem deferebant . Et quidem Sfondratus nō ita potest ingeniuū suum dissimulare , quin velit hoc de se nobis penitus persuasum esse has suas omnes cogitationes noctes diesq ; ( sic enim loquitur ) cōduntaxat pertinere , ut alium nobis regem substituat . Ea est sollicitudo , quæ cor illius exedit & urit : ille animi labor est & vexatio , quæ illum reūpirare non sinit . nempe obtinere à nobis vult quod decessores à majoribus nostris nunquam obtinere potuerant , summam in hoc regno potestatem , per quam totius regni status ab eo uno pendeat . Nam si hanc , quam molitur ,

rerum

terum mutationem invchere potest,  
& regem ex animi sui sententia con-  
stituere, quid jam majus ad summam  
in totum hoc regnum potestatem de-  
siderare poterit? Atque hæc ambitio  
non minus in hoc, quam in majoribus  
ipsius instructa est affectibus, iracun-  
dia & odio in hoc regnum concepto.  
Non minus etiam quam cæteri in ani-  
mo habet, regiam familiam funditus  
extinguere, & ad mutuam carnifici-  
nam nos concitare: Ut impedimentis  
omnibus, quæ illi obstant, quo minus  
regnum ad alium transferat, sese hac  
ratione explicare, atq; viam Hispanis  
(quo spectat illius animus) aperire,  
nosq; omnes durissimo miserrime ser-  
vitutis jugo subjicere possit. Hæc cui-  
vis obvia cognituq; facillima sunt. Vis  
semel dicam? In Papæ Sfondrati & de-  
cessorum ipsius, infestorum regni Gal-  
lici hostium proposito nullum certè  
discrimen apparet, nisi hoc verè unū,  
quod furor major jam exardescere vi-  
deatur, quam antea. Conjuratio enim  
aduersus regni statum eadem semper

## 174 DE INTERDICTO

conflata est, cum qua finitimi hostes  
sua arma, populus religionis specie de-  
lalus & excæcatus, rebellionem; Papa  
verò suas de more fulminationes con-  
jungunt. Pactio de hac regni aliena-  
tione jam dudum inter Papas & Hispa-  
nos facta est. Papa præmium hoc ab Hi-  
spano pactus est, ut Ecclesiæ universæ  
primum in hoc etiam regno pecu-  
niis & armis Hispaniæ tranquille obti-  
neat: Rex verò Catholicus hoc vicis-  
sim à Papa est stipulatus, ut Papæ ex-  
communicationibus instructus, & in  
Gallia & in reliquis Christianæ professio-  
nis finibus summū Monarchæ impe-  
rium & autoritatem consequatur. Ita-  
lia, ut eò facilius perveniretur, no-  
bis adempta est. Illius principatus, Ro-  
manæ Ecclesiæ beneficiarii, ad Hi-  
spaniæ ditionem & Imperium translati  
sunt: suffragia in purpuratorum Car-  
dinalium cōclavi imminuta nobis, Hi-  
spanis verò aucta sunt: Concilii Tri-  
dentini actu, præcipua sedes nobis e-  
repta fuit, & Hispanis attributa: Idebq;  
seditionum faces in nobis, sub zeli &  
religio-

religionis nomine accendunt, ut nos  
viris, viribus, opib⁹, & mutua benevo-  
lentia exuti, illis ipsis, qui infestis ani-  
mis, funestisque armis nos invadunt,  
dedamur.

Quod ad Papæ Sfondrati (ut & Si-  
xti decessoris, qui defunctum regem  
suo quoque fulmine aggressus est) per-  
sonam attinet, non plus equidem pie-  
tatis, non plus veri zeli & integritatis  
in eo, quam in aliis reperiemus. Ro-  
manum se Papam vocat : nomen il-  
lud est, quo veteres Episcopi cogno-  
minabantur. Hoc nimirum innuit,  
si saperet & optimi Episcopi Roma-  
ni (quales primi illius Ecclesiæ Epi-  
scopi fuerunt) munere fungeretur,  
nihil curare & agere aliud debere,  
quam gregem suum Evangelii prædi-  
catione pascere. Constat, qualis fue-  
rit à multis sæculis Urbis Romæ sta-  
tus : Quam amplam piis & eruditis  
viris ut Petrarçæ & aliis, ipsi etiam  
divo Bernardo de illa scribendi mate-  
riam suggererit, tanquam de fœcun-  
da omnium flagitorum, turpitudi-

num, & abominationum matre, de Babylonie quadam, atq; adeò de Sodoma & Gomorrha ipsa, & si quidquam aliud in universo Mundo unquam fuit sceleratus & detestabilius. Sed ea hodie longè depravatior & corruptior evasit. Si Sfondratus bonus esset pastor, qualis haberri vult & dici, atq; aliquo duceretur muneris sui obscundi studio, satis domi haberet quod ageret, in expurgandis & emendandis Cleri sui sordibus, & omnibus urbis suæ partibus. Sed his minimè movetur: longè altiora & magnificentiora meditatur & suscipit. Quis tamen credet illo zelo satis ardenti flagrare, satisq; magna sapiëtia præditum esse, ut universum terrarum orbem satis dignè moderari possit, & bonum etiam pastorem, ut se se nobis venditat, inter nos agere, cùm nullam suæ familię curram habeat, & vicinorum saluti nullo modo prospiciat & consulat? At Evangelii prædicatione gregem pascere, humilius quiddam est & vilius, quam ut Papā eò se demittere deceat. Hoc etiam

etiam restrictius est ac servilius, si alii  
ad placidiorem & modestiorem viven-  
di rationem exemplo esse cogeretur.  
Arrogantia, quæ ab istis tertarū & im-  
periorum omnium dominis ad alios  
perpetua serie trāsit, longè sublimiora  
petit. Episcopatus jamdudum iis for-  
det. Successionis, paupertatis & igno-  
bilitatis Apostolicæ eos jampridē tæ-  
det ac pudet. Principatū spirant, Do-  
minatum noctes diesq; cogitat. Quòd  
si Apenninus, superumq; & inferum  
marc, istam superbiam capere & coer-  
cere possent, ferenda ea utcunque vi-  
deretur. At ea est isthæc ambitio &  
avaritia, quæ totum terrarum orbem  
pervadere, quæ omnia effodere, con-  
gerere & vertere, sibique vendicare  
possit. Tota illa dignitas, mera est ma-  
gnificentia, merus luxus, meræ vo-  
luptates & deliciæ. Quin eò furoris  
& fastus vētum est, ut si vilissimus qui-  
dam Capratius (cujusmodi olim Six-  
tus fuit) hoc summum totius orbis im-  
perium assequutus fuerit, amplitudo  
& sanctitas illius postulet, nō esse prius

ex hac sibi vita emigrandum, quam filios ac propinquos suos Duces, Comitesque de illo D. Petri scilicet patrimonio effecerit: & si fieri potest, bellum aliquod conflauerit, cui gerendo eos præficiat. Quod nunc Sfondratus agit, dum copias sub consanguinei sui ductu & auspiciis in nos immittit. Ut autem sumptus ad eam rem necessarii suppetant, illi sunt subvertenda, evellenda, dissipanda omnia (His enim verbis Sixtus in sua adversus defunctum regem Bulla utebatur, Jeremiæ loco abutens), hoc est, mundi regna & imperia evertenda illi sunt, ut nova alia excitentur. Sed diutius hanc Camarinam movere non est animus. In sermonc de illorum in principes nostros studiis & actionibus instituto mancamus, & ex insignioribus quibusdam illorum actis videamus, an hi postremi Papæ saniores sint (quod ad ipsorum personas attinet) & sanctiori spiritu regantur, quam alii quibus successere Sixtus ille (cujus modò memini) ex recentioribus illis primus fulminibus & excom-

excommunicationibus principes nostros est aggressus. Audiamus verò qua moderatione & modestia. Audita statim Guisii Ducis & ejus fratri<sup>s</sup> morte, Papa iste videns cruentæ hujus contra Henricum tertium conflatæ conjurationis (cujus caput & auctor erat) spem infractam & desperatam esse, pro ardenti suo in Catholicam Ecclesiam zelo, incredibili quadam iracundia vel potius furore correptus, nulla hinc legitima actione, ut nec in superioribus regis nostri, qui hodie rerum potitur, ac defuncticognati illius Cond<sup>e</sup>i principis excommunicationibus maturè observata, fulmina sua statim arripit: præ desperatione perstrepit, fremit, spumat ex ore scelus, crudelitatem anhelat, diras concrepat, insano murmure complet omnia, horribilibus minis exarce sua tonat: & vindictæ æstu quodam absorptus, furias ex ipsis inferis excitare statuit, per quas populum Gallicum adversus regem & moderatorem suum concitet, eum & hæreticum & hæreticorum fautorem, &

Ecclesiæ hostem pronuntians : Eum ipsum, inquā, quem paulò antè ob singularem suam pietatem, laudibus in cœlum ferebat, quem filii nomine ornabat, quem etiam Christianissimum regem appellabat. Præclarum verò Papæ illius judicium , recta conscientia, & paternus , quo se Galliam nostram prosequi dictitabat, animus : denique candor & integritas, quam tum ipse, tum alii in suis emittendis excommunicationibus adhibuerunt. quidem causæ appatebat , quamobrem defunctum regem ut hæreticum , & hæretorum patronū criminaretur? quænā occasio subesse videbatur, cur principem ab Ecclesiæ communione abstraheret, qui à subditis suis debitas ac meritas pœnas gladio sibi à Deo tradito persequutus erat , & se quidem ab imminentि ac dudum meditata cæde, populum verè à misera servitute vindicaverat? Deinde cùm nostri conjurati per emissarios suos Romam effusis habenis contendentes, pontifici & expeditam & machinatam tamque

que diu tantoque opere regis à Monacho quodam perfidè imperfecti cedem renuntiassent: quo ore, quáve fronte, effrænatam illam ex facinore ita inaudito & horrendo, & ob quod stupore omnia perculta, lacrymis omnes perfusi erant, cōtractam lētitiam dissimulavit? Totâ Româ omni voluptatum & triumphorum genere exaltante vel bacchante potius, Sixtus Cardinales & alios clientes suos in consistorium cōvocat, concionem Papalem apud eos Nova laru habiturus. Id actum II Septemb. 1589. monachū cōnūz. mēdū Ejus argumentum fuit, proditorem illum & perfidum Monachum sui regis patricidam, in Divorum numerum referendum, illiusq; zelū magnificis laudibus ad astra usque extollendum esse. Quoniam verò non ignorabat in comparationibus plurimū inesse momenti ad præclarum aliquod facinus exagerandum, si cum laudabilissimo alio quodam conferatur: cùm nullum satis gloriosum facinus in iis omnibus quæ de heroicis illustrium virorum actis referuntur, illi occurreret, quod cum illo

conferri meritò posset : ex Deo ipso comparationem illam repetit (tantam scilicet Dei operam, & eorum maximè quæ in nostra redēptione cernuntur, rationem illius sanctitas habuit) ac principis Christiani parricidiū, monachi ipsius subditi perfidia patratū cum mundi creationis opere (horresco referens) atq; adeò Incarnationis Christi, & aliis salutis nostræ mysteriis comparare nō veretur. In secunda pontificiæ illius cōcionis parte, demortui regis, quē nefariis suis cōsiliis crudeliter trucidandum cutaverat, infandis modis lacerat. Tandē omni contumeliarū genere bacchatus (pro ea quam Papæ quod malū est, bonum judicādi, & ita quidem, ut nulli refellere id impunē licet: itēmq; ad inferos etiā ipsos quoscunq; & quomodo cunq; libuerit, detrudendi sibi sumunt, potestate ac licentia) è suo suggesto declarat, regem apud inferos damnatum esse, peccatum adversus spiritum S. admisisse, nec preces pro illo esse fundendas. Quin & sanctit, ut omnibus justorum funebrium

*Nota  
de papa  
Innocine*

brium honoribus, quibus principes  
ornari solent, privetur. Quæ quidem  
egit omnia, tanta & animi acerbitate,  
& orationis acrimonia, ut, si mortui  
cadaver Romæ fuisset, proculdubio  
de illo aut in fœtidam cloacam, aut in  
sterquilinum quoddam projiciendo  
sententiam fuerit latus. Illius deinde  
sanctitas de Dei providentia & ju-  
stitia sermocinatur, tanquam si divino  
spiritu Monachus ille afflatus impias  
manus Domini uncto injecisset, divi-  
na etiam virtute ideo cōfirmatus, tam  
immane parricidium cōfidentiū pa-  
trare ausus fuisset. Ut paucis dicam, il-  
lius concionis hic unus scopus fuit, ut  
perfidum illum sicarium & sui etiam  
regis ( à quo fuerat summa humani-  
tate receptus & intromissus ) homici-  
dam magnificè prædicaret, & cum  
divis adeo ipsis æquaret. En Evangelium,  
quod Sixtus Papa Romæ annun-  
tiabat. Quis nostrū arbitratur id po-  
steritati credibile fore? At Papa eam  
orationem intra cōclavis septum con-  
tineri non passus, in vulgus edendam

curavit: usq; adeò eam probabat, & ad prodenda nationibus omnibus, & toti ctiam posteritati manifesta suæ eloquentiæ, doctrinæ & summi in Catholicam Ecclesiam zeli testimonia satis virium habere judicabat. In hac verò tanta, qua tunc fruebatur, alacritate & lætitia, ecce aliis de Henrico 4 felicissimè recepto, dèque admirabili principum, primariorum coronæ ministrorum, Nobilitatis, fideliumque Gallorum consensu ad restituendam illi regiam auctoritatem, & regis mortui cædem vindicandam, nuntius intervenit. Audito verò Henrici 4 nomine totus cohorruit Sixtus, simul & magis ac magis furere bacchariq; cœpit, quum videret, eum, quem suarum excommunicationum vi omnino exaugurasse putabat, in thronum regium evectum esse. Comminiscitur, secum animo volutat, consilium cum suis captat, decernitque tandem universum potius Acheronta movere, quām patiatur regni Gallici administrationem in ejus manu esse, cuius nomen egrediaque

gjáque facinora & virtutes terrorem  
sibi horroremque singulis horarum  
momentts incuterent. Dum ea dubi-  
tatione æstuaret animus, séque in o-  
mnem partem subinde verfaret, Jesui-  
tarum & Ecclesiasticarum Parisien-  
sium decreta ad eum afferuntur furo-  
ris & sanguinis plena. Sixtus occasio-  
nem arripit, speratque satis inde & ar-  
gumenti & præsidii nactum se esse, ad  
regem vel chartulæ frusto opprimen-  
dum, dummodo chirographum suum  
illi apponere. Sed in ea jam tempora  
ventum est, quum Papæ non tam fa-  
cile quam olim tenebras nobis offun-  
dunt, nec in suam qualemcumque sen-  
tentiam trahunt. Earū propositionum  
hæc erat sententia, jure divino (hoc est  
eorum, qui se Deos in terris profiten-  
tur, jure) Gallos non posse Henricum  
4 pro rege suo agnoscere, sed debere  
infestis armis usque persequi cum, qui  
de pace cum illo facienda vel cum ani-  
mo suo cogitabit, pro hærerico haben-  
dum: cōtrā, qui in sacro hoc bello pro  
Romana Ecclesia, pro regni libertate,

pro harum propositionum auctoritate  
 tuenda suum sanguinem, vitamque  
 effunderent, beatissimos Martyres, u-  
 no quidē martyrii genere, perpetuò  
 fore. Id factum est 14 Martii mensis  
 die Anno 1590, eo ipso die, quo Deus  
 in Santandræa planicie ad fluvium, qui  
 hodie Eurus dicitur, longè alia manu  
 consignabat futuri coniuratorum ex-  
 cidiī decretum, per victoriam quam  
 Regi nō Bullis i. verbis & nugis, sed re  
 vera dedit. Atq; hēc consiliorum & a-  
 ctionum Sixti contra Reges nostros &  
 hoc regnū specimina qdām feruntur.  
14 Martii  
1590

de Gregor  
ano 14
 Sfondratus illi in Papatum succe-  
 sit (Deus enim per feralem & atratum  
 lictorem, provinciæ administratæ ra-  
 tionem ab illo mox repetiit). Hic sum-  
 mus pontifex inauguratus decessoris  
 sui Spiritu imbutus illico, indutusque  
 fuit. Atq; ut pactionem cum Hispano  
 rege (cujus cōsiliis & corruptelis pon-  
 tificatum erat adeptus) factam præsta-  
 ret, & Galliæ occupationē faciliorem  
 illi efficeret, majora etiam & graviora  
 quam Sixt⁹ in animo suo molitur. Six-  
 tus

tus enim bullis nos terrere & decretis contentus, de ærario augēdo magis laborabat: Hic verò ut olim Julius 2, clavibus S. Petri & spiritualibus armis, quæ in Sixti manibus parùm omnino potuerant, nō admodum confidens, utendum sibi gladio putavit. valde stomachatus, quòd per ingravescentis senectutis incòmoda thorace quoq; armari, & in equum insilire, Julii in modum, non posset. Sextus brevi tempore ingētibus gazis arcas suas collocupletaverat; hic sacrilegas manus illis afferre audet, tantum nummorū erepturus, quantum ad cōparandum exercitum fatis effet. Deus tunc ex alto intonuit, & fulmine Capitoliū percussit: Unde populus Romanus id, ut infaustum & ominosum incœpti pōtificii auguriū, accepit, obmurmurans illiusq; consilia detestatus, quòd pecunia, quæ adversus infideles Turcas destinata erat, contra Christianos impenderetur, & cōtra illud regnū præcipuè, quod præcipuum semper fuisset, Christiani imperii propugnaculum & salus. His igitur auspiciis Sfondratus pontificatum

Nota

init. Ego autem istorum pontificum,  
qui & harum perturbationum auto-  
res fuerunt, & perniciale hoc bellum  
nobis conflagrunt, facta aliquot de in-  
dustria proponere volui, ut docerem  
inter eorum, qui olim & regum & re-  
gni hostes fuerunt, & horum, qui ho-  
die dominantur, furores nihil omni-  
no interesse: Ac proinde, ut in belli,  
quæ nos vexant, causa nihil dissimile  
est, ita quoque, quod ad eorum per-  
sonas attinet, nihil omnino nisi fortè à  
majori ad minus fiat collatio, dissimile  
esse. Nam verè fatendum nobis est su-  
periores illos Papas, quātumvis effra-  
nata adversus Patres nostros audacia  
& vəsania insignes, ab horum tamen  
odiis, furoribus & violentia longissi-  
mè abfuisse.

Iam hoc restat, ut expendamus, An  
in Regis persona dissimile aliquid vi-  
deatur. Nihil autem omnino dissimi-  
le esse, ex his quæ dicam, probaturum  
me spero. Et quidem quin Rex verus  
sit & legitimus regni successor, coniu-  
ratorum adhuc nemo in disceptatio-  
nem

*De rebus  
hunc  
+ 10*

nem quæstionemq; vocare ausus est, nec Hispanus, nec Sabaudus, nec Guy-sius, nec Lotharingus, nec Papa: et si horum singuli, pro sua quisque parte in regni societatem venire contendant. Quin ille etiam regno sit dignissimus, & præclaris omnibus virtutibus ad amplissimum regnum gubernandum necessariis instructissimus, conjuratorum certè illiq; infestissimorum hostium ( et si ambitiones & impudentia eos omnes qui antea fuerunt superatium) nullus id negare unquam auuit. Etenim pacis belliq; artes, quibus inter ceteros maximè princeps ille floret, tam magnæ tamque illustres sunt, ut nullus existat, qui de eo aliter aut sentire aut loqui possit. Quamobrem, eū tot animi corporisq; dotibus clarum omnes ( eos dūtaxat unos, qui cum insignibus barbarū pectus, armaque Hispaniæ hostilia induentes, Gallicum simul animum exuerunt, semper excipio ) veri, inquā, Galli omnes eum, Dei beneficio amplectuntur, amant, prædicant & colunt, ut nullum

ex ipsius maioribus unquam magis.  
 Quin & ingenuè agnoscunt ac profitentur, tali nobis Dei ipsius benignitate peropus fuisse, qui sua prudentia animique magnitudine Gallicum regnum ex hoc, quo demersum est, naufragio, eripiat, & in optatum portum, in pristinam videlicet dignitatem ac splendorem restituat. In quo igitur à priscis regibus differt? Coniurati eum esse hæreticum, relapsum, excommunicatum criminantur. Mihi autem non est iam propositum longam & accuratam defensionem instituere, vt doceam id quod obiicitur falsissimum: & quanquam verum esset, cum tamen quando tales nobis Deus dederit, pro Rege habendum, illiq; obtemperādum esse. Hæc pluribus & accuratius in multis libellis in cārē præcipuè editis disputata extant, quos lectoribus perlegere & diligenter examinare operæ esse pretium puto, ut huius quæstionis cognitionem explicatā illustremq; habeant. Paucis tantummodo dicam quantū satis esse  
 vide-

videbitur ad intelligendum statuendumq; nihil prorsus in hac tota cōtroversia scrupuli esse, quod obstat debat, quominus majorū adversus Papas exempla in hac & animorum cōtentione & armorū dimicatione consulamus, atq; ad imitandū etiam nobis proponamus.

Papę Regem hæreſeos criminē damnarunt & à ſacris abdicarunt. Ea ve- rò damnatio nullius momenti eſſe de- bet. hic enim mos pro Paparum tyran- nide & furore invaluerat, ut Reges no- ſtri quandocunq; iis ita liberet, hære- tici, ſchismatici, & Ecclesiæ hostes, ut antea patuit, pronunciarentur, etſi lō- gè aliter ſe res haberet. Ita Sixtus Hen- ricum 3 in crimē hæreſeos recens vo- cavit, etſi falſum id eſſe omnibus con- ſtaret. Papę ergo, qui mentiri conſue- verunt, & qui furore atque amentia cæci in ſummos quoſque & optimos principes iniurias temerè & incōſide- ratè, ut brutā quædam fulmina, ja- ciunt, non ſunt audiendi. Papę etiam ipſi Regis noſtri infenſi adverſarii in- feſtiq; hostes, ea de re ſentētiam, quæ

fit alicuius quidem ponderis, ferre iure non possunt, nisi omnem & legum & iudiciorum ordinē pervertere velimus. His accedit regis ad concilium provocatio, quæ iudicio cuilibet moram afferre debet: & nulli, quanquam loco, genere ac dignitate longè inferiori, in re præcipue tāta, denegari potest. Ac nostri maiores qui toties ea usi sunt, quoties à Papis hæretici & excōmunicati declarabantur, id tanquam verum atq; efficax adversus omnem Paparum autoritatem remedium senserunt ac statuerunt. Addamus & hos Reges principesque nostros Paparum censuris ex ipsorum etiam (quum ad sapientem mentem redierunt) consensu & canonibus minimè obnoxios esse. Verūm, ut liberius dicam quod sentio, illud procul dubio constabit, etiamsi Rex, qualem obiiciunt, talis revera esset (quod Dei beneficio falso est, idque postea probaturum mespero) iustam tamen Papæ caussam nō fuisse, cur nequid obsequii illi præstaremus ediceret, atque eorum, qui con-

conjuratione facta eum bello persequuntur, rebellionem comprobaret. Neque enim Papæ est ea de re quidquam statuere: Dei unius est, qui ei rei jam providit, eamq; tam claris certisq; in Ecclesia testimoniiis comprobavit, ut qui cōtrā differere volet, mala mente cum veritate ipsa pugnare sit judicandus. Dei est, inquam, reges & principes in toto mundo constituere, & quidē tales, quales ipse voluerit. Quū verò eos constituit, Deiq; vocatio certa est, non jam contrā disputare, illi quere repugnare licet. Id enim si liceret, nulla unquam inter homines certa, firmandoque vocatio constaret. huic nimirum contra regem de hac re certamen esset, illi de alia: & qui omni virtutum genere cumulat<sup>9</sup> multis placeret, pluribus idem displiceret. Unde in regnis & imperiis nihil unquā stabile, fixum, ratumque permanet; sed alia atque alia subinde nasceretur mutatio & cōfusio. Regum autem vocatio certa est, nec dubitare possumus quin Deus eos nobis dederit, quum ordine & via uni-

cuiq; imperio majorum exemplis usi-  
tata ac trita illos habemus: ibi electio-  
ne, alibi sorte, h̄ic successione provi-  
ria variorum impetratorum constitutio-  
ne. De vocationibus ordinariis loqui-  
mur. In Galliis nostris Dei vocatio in  
successione cernitur: quem ordinem  
patres nostri probarunt, suisque & re-  
gni totius rationibus opportunissimū  
esse senserunt: atque reges suos à Deo  
ipso hac sibi ratione & via dari ita agno-  
verunt, ut potius, quam ei repugna-  
rent, pueros pro regibus suis accipe-  
rent: aliquando etiam eos, quod mirē-  
re magis, qui nōdum nati erant, expe-  
ctantes dum matres puerum enixaerū-  
sissent: Si qui verò ex iis mente non ad-  
modum valerent, id & quo animo tule-  
runt, ita ut nihil illis de cōfusa digni-  
tate & auctoritate detraherent. Cūm  
igitur notum manifestumq; omnibus  
sit, Henrico 4 regnum successionis or-  
dine obtigisse (nemo enim in dubium  
id revocat) haud dubitandū nobis est,  
quin Deus illū nobis præfecerit, præ-  
ceperitq; ut omnes illi obsequiū præ-  
stemus,

Itemus, alioqui illi<sup>o</sup> voluntati repugnaturi. Omnis anima potestatis supereminentibus (Apostolus ait) subjecta *Rom. 13.* esto. Non est enim potestas nisi à Deo, & quæ sunt potestates, sunt à Deo ordinatæ. Itaq; quisquis se opponit potestati, Dei ordinationi resistit: qui autē resistunt, ipsi sibi condemnationē auferret. En Dei decretū, contra quod contēdere est nefas. Optandū quidem, ut principes omnes pii pbiq; essent, sed *August. de civit. Dei lib. 5. c. 22. § 33.*

infideles verò, atq; in vera religione peregrinos & hospites, atq; adeò illius hostes, paganos aut alios ejusmodi, dubiū non est quin Deus etiam ipse constituat, velitq; ut omnes iis subjiciantur. Ad Dei enim mandata exempla *Rom. 13.* etiam, quibus id probatur, multa accedunt. Nō citabo hīc omnia Apostolo-*Tit. 3. 1 Pet. 2. 2 Pet. 2. Jude 1.* rū testimonia, quæ in novo testamento *1 Tim. 2.*

cuique obvia sunt. Summa illuc pertinet, ut sciamus in iis à Deo præcipi, regem & eos, qui publico aliqui muneri ab eo præficiuntur, principes & gubernatores honorandos esse: Ut breviter dicam, omni humanæ politiæ parandum, principum nostrorum prosperitatem optandam, votaque pro iis facienda. Illud autem de Imperatoribus & Magistratibus, qui tunc inter homines agebant, dictum erat. Nam Christus etiam ipse, ut omnem dubitationem tolleret, Cæsarem nominat, qui tum

**Matt. 22.** Imperator erat, dum ait, Reddite Deo, quod Dei est, & Cæsari, quod Cæsar. Atque coram Pilato, qui Imperatoris nomine Judææ procurator erat, id de illo agnoscit. Illi autem omnes Pagani erant Ecclesiæ hostes, & fortasse omnium, qui unquam fuerunt, sceleratissimi principes. Sub lege, Assyrii totius orbis Monarchiam adepti, armis Judæos subegerunt. Deus populū suum per Prophetas docuit id ita ex decreto suo fieri, seque velle ut Nabuchodonosoris & filiorum ipsius imperio subjiceretur,

tur, ac pro eorum, quanquam flagitiosorum, & Ecclesiæ persequitorum salute deprecaretur. Non quòd obtemperandum iis esset, siquid contrahonorem & cultū, quem Dœo imprimis debemus, imperarent. In eo enim genere, honor qui Deo debetur, primum locum tenere debet, ut monent Apostoli his verbis: Præstat obdire Deo quam hominibus. Sæcti Prophetae, Apostoli & martyres illud etiā ad hunc modum observarunt. Ut verò cives contra Principes se cōmoveant, seditiones concitent, imperia perturbent, obedientiæ & officii erga eos sui munera abjiciant, & relinquant, Deo certè nunquam placuit. Quod ad exempla attinet, id semper ita usurpatū fuit. Populus Israeliticus in Ægypti regum ditione potestatēque fuit (quanquam illic tantū commoraretur ut hospes & peregrinus, non ut civis & incola habitaret) & servitutis, quāvis durissimā, jugum cervicibus suis impositum patiēter tulit, nec de eo excutiendo cogitavit, donec Deus liberatorē si-

bi exrra ordinem suscitasset: neque id tamē aggredi voluit; nisi cum bona regis ipsius venia. Postea captivi ad Assyrios abducti sunt, eisq; paruerūt. Christi verò tempore, & trecentis circiter ab eo annis, fuere imperatores perpetua serie pagani, & in provinciis Magistratus, crudelissimi Christianę religio- nis hostes, qui multos vel potius innu- merabiles Christianos omni supplicio- rū genere excarnificatos trucidarunt. Mos tamen illis perpetuò gestus fuit, nec ulli unquā Christiani obsequium illis recusarūt, etiā si potuerint: sed potius eos coluerūt, de illis honorifice lo- quuti sunt, tributa contulerunt, sub il- lis stipendia in bello meruerunt, inju- dicio se stiterunt, pro illorum salute & prosperitate preces fuderunt, aliāq; o-

*Euseb. lib.* mnia (ut in Ecclesiæ historiis, corundē-  
4.c.15 §7. que Apologiis & testificationibus per-  
c. 11. spici potest) obediētiç munera iis præ-  
*Justin. A-* stiterunt.

*polog. 2.* *Tertull. in* Quod verò de obediētia & submis-  
*Apologet.* sione paganis debita dictū est, ad prin-  
cipes etiam hæreticos referri debet, si  
Deus

Deus tales dederit. Non minùs enim paganus à salute alienus est, quām hæretic⁹, cūm sit Idololatra, atq; in omnibus fidei partibus & capitibus corruptus : hæreticus verò in paucis aliquādo. Ut ut se res habeat, divini mandati ratio utrobiq; eadem est : Uterq; enim à Deo est constitutus, quum ordine & vocatione in imperiis usitata & solenni, in rerum administrationem venit. Atque exempla ab omni antiquitate, eam semper fuisse hac de re Ecclesiæ mentem, satis ostendunt. Sub lege sæpen numero principes quidam à fide veraq; doctrina deflexerunt, in ejusque locum, idololatriam falsumque & impium cultum substituerunt : neque solum, sed crudelissimi etiam Ecclesiæ vexatores fuerunt, ut Saulus, Achabus, Manasses & alii, quibus tam propria & stabilis fuit regia sua auctoritas. In Ecclesia similiter Christiana fuere imperatores hæretici, Ariani, qui hæreticis pro virili favent, crudelissimè verò Domini Ecclesias, & pios atque orthodoxos Episcopos

vexarent: nemo tamē Christianorum se contra eos commovit. Quinetiam eorum quidam Paganus fuit simul & hæreticus, & siquid deterius dici aut etiam fingi potest, cognominatus Apostata: quo Ecclesia nullum infestorem hostem unquam habuit. Julianus ille fuit. Imperator tamen habitus est, illiusque mandatis obtemperatum. Harum rerum exempla, eaque permulta, sibi omnia cōstant, nec quisquam in doctrina fidei probè institutus contrà unquam sensit, faciendo censuit. Prophetarum quidem temporibus Iudæi seditiones concitarunt, & ab Assyriis Chaldaisque defecerunt: sed ob id & à prophetis reprehēsi, & à Deo ipso gravissimè multati sunt. Per Apostolorum tempora perversi quidam turbulentiq; homines extitere, qui male de Magistratibus loquerentur. At D. Petrus & D. Juda in eos scripserunt: ex eorumque verbis satis colligi potest, seditiosos illos fuisse nequissimos quosdam nebulones, qui libertate Christiana abutentur.

rentur. Post Christi mortem Judæi idem quoque aduersus Romanos tentarunt, dictitantes se esse Dei populum, ideoq; infidelibus Imperatoribus obnoxios esse nō debere: Sed iustas gravesque Deo sue rebellionis pœnas derunt. Anabaptistæ idem omnino ætate nostra fecere, sed satis supérque perspicuum est, eos fanaticos homines & à mente alienatos fuisse. Denique quotquot senserūt, principes pietatis religionisque veræ expertes non esse colendos, illi omnes furiosi fuere, mentis impotes, iustóque Dei judicio furoris sui pœnas luerunt. Papa tamen illud dogma suis illis bullis sacrifque admonitionibus, nostris animis inserere omnino tentat, Regem infidelem esse, & regno suo per nos demovendū. Nempe hoc illud est Evangelium, quod ubiq; terrarū per ministros suos Jesuitas, turbarum civilium faces, prædicandum curat; Illa etiam sunt Theologorū Parisiensiū, qui cum nostris conjuratis faciunt, decreta.

Rationes & fundamenta, quibus ad

has faciendas turbas utuntur , ea ipsa  
sunt, quæ seditionis quidam Iudei, Ana-  
baptistæ aliquæ principatum & Im-  
periorum hostes, imperiti vulgi auribus  
inculcabant. Proponunt rem esse  
indignā, Ecclesiam , quam Deus tan-  
ti facit, & populum , quem Christus  
suo ipsius sanguine redemptum in li-  
bertatem vindicavit, sceleratis princi-  
pibus ita subiici atque auctoritatem &  
potētiam in eorum manibus esse , qui  
ad divexandam Ecclesiam ea impie &  
crueliter abutantur. At responde-  
mus, satis quidem hinc caussę esse, cur  
tanto pressi onere, vehementer inge-  
miscamus. Verūm respiciendus nobis  
Deus est, qui de eo ita statuit, qui que  
satis magnas id faciendi caussas sem-  
per habet, sive pœnas sceleribus no-  
stris debitas à nobis repetere , sive si-  
dem patientiamq; nostram, salutis no-  
stræ, gloriæque suæ gratia probare ve-  
lit. Id quod nec gratiæ , ad quam nos  
vocat, nec Ecclesiæ dignitati , necei,  
quam Christus nobis comparavit, li-  
bertati quidquam obstat : quoniam

ea omnia spiritualia sunt. Addunt quinam inde sequuturi sint casus & pericula, ac proponunt Ecclesiam gravissimis ob id incommodis & calamitatibus multatum iri, præcipue si Principes heretici fuerint. At respondetur à Deo hæc non fieri, qui casibus & incommodis illis, quæ metuuntur, providere, eaque ab Ecclesia sua propellere facile possit. Summū quidem in eo periculum est, ne hæresis sub heretico, ut Paganismus sub Pagano, ad plures serpat, & in dies latius manet. At D. Paulus nos docet hæc non ita c- 1. Cori. ii. venire sine Dei consilio, oportere que internos hæreses etiam esse (hæc sunt illius verba) ut, qui probati sunt, manifesti fiant. Deus varia in Ecclesiam probationum genera immittit, non ad perdendos suos electos, sed ad eorum potius salutem promovēdam, suamque ipsius gloriam propagādam. Inter eas autē probationes, hæc præcipua est, ut Evāgelii veritas aliquādo ab hæresi & mēdacio invadatur: sed ex eventu qui conseq̄tur, Deus eos qui ve-

rē sui sint, dijudicat & patefacit, ipsiusque veritas quotidie magis elucet, eniescitq; magis, ut experientia probat. Papa Sfondratus Theologiæ valde peritus vult videri, ejusque rei probandæ

*Cor. 6.* gratia quendā secundæ ad Corinthios epistolæ locū pfert, nullū consortium justitiæ cum injustitia, nullam cōmunionem luci cum tenebris, nullā concordiam Christo cum Belial, nullamq; partem fideli cum infideli esse: unde concludit ejiciendos esse principes, déque rerum administratione deturbandos, qui non eandem cum Papis religionem profitantur. Si Papa majorem sacræ scripturæ cognitionē, intelligentiamq; in cæteris locis non est assequutus, meram sanè ignorantiam, vel insignē potius malitiā apertissimè indicat. Nam ut Apostoli mens & scopus attentè consideretur, locus ille nihil prorsus ipsius sententiā juvat. Apostolus enim sæpius alibi verba fecerat de obedientia & obsequio, quod principi debetur, docueratque impietatem quæ in iis apparebat (qualis in ejus sæculi

ſæculi principibus re vera inerat) nulli  
impedimento eſſe debere, quo mi-  
nus illis pareatur. In hoc tamen loco  
vetat, ne impari jugo cum infidelibus  
copulemur. Nec verò à ſe ipſo diſſen-  
tit Apoſtoliſ. Nam quum præcipit ut  
principum noſtrorum partes ſequa-  
muri, iisque cedamus, id ad res huma-  
nas, quæ in illius imperio ſunt, referen-  
dum eſt: Hic verò quum prohibet, ne  
quid commerciis cum impiis habeam-  
us, id de rebus divinis, & quæ ad fi-  
dei Christianæ professionem ſpectant,  
eſt intelligendum. Corinthii, qui non  
ſatis animo percepiebant, quantū ma-  
li adferret ſacrificiorum, quæ idolis à  
paganis fierent, & aliarum rerum quæ  
ea comitarentur, participem & con-  
ſcium eſſe: ad idololatras, in eorum  
viuendi ratione, incoſideratiūs ſeſe  
adjungebant, ut D. Paulus pluribus  
prima ſua ad eosdem ſcripta Epifo-  
la, ea de re diſſerit. Illud verò erat  
iuſtitiam cum iuſtitia, lucem cum te-  
nebris, Christum cum Belial miſce-  
re velle: quod fieri minimè debuit.

Deus enim maiori puritate & sinceritate colendus est, atque ab iis omnibus quæ Evangelicæ fidei, & illi, quem verbo suo præscribit, cultui adversantur, nobis discedēdum. Hæc est Apostoli in eo loco sententia: ut clarius de ea nobis cōstabit, si quæ in utraq; Epistola scribit, diligenter cōferamus. At in iis quæ ad res humanas seu tēporales attinēt, non idem est nec sentendum nec agendum. Nam si in illis nulla omnino esset nobis cūm impiis & sceleratis, quibus mundus est refertus, habenda ratio & cōsuetudo, è mundo ipso nobis esset excūdum, ut idem *Apostolus ad Corinthios* scribēs docet: *Scripsi, inquit, yobis in Epistola, ne cōmisceamini cum scortatoribus.* At nō omnino cum scortatoribus Mūdi hujus, aut cum avaris aut cum rapacibus, aut idololatris: alioq; n debetis scilicet è Mundo exire. Hīc idololatre & infideles ipsi apertè nominantur. Innuit autem Apostolus ex hoc cū rebus ad hanc vitam pertinentibus cōmercio, (veluti quum principes pagani & infideles

deles nobis regendis præficiuntur) cō-  
scientiam nostram pollui non posse,  
dummodo in nullam cum falsis illo-  
rum religionibus societatē veniamus.  
Christi & Apostolorum ea fuit mens.  
Christus enim ipse Cæsari obediebat,  
tributumq; pendebat: sed in iis quę ad  
Dei cultū resq; divinas attinebāt, eum  
non audiebat. Unde hanc præscribit  
regulam, Reddenda esse Cæsari, quæ  
sunt Cæsarīs, & Deo, quæ Dei: docēs,  
hæc duo minimè secū pugnare, nem-  
pe Christianum esse Deumque cole-  
re: atque , si Dei voluntate Princi-  
pem vel Paganum nađti fuerimus, il-  
lius potestati & obsequio nos totos  
submittere, vthac ratione Dei etiam  
mandatis pareamus. Apostoli in iis,  
quæ ad res spirituales , Evangeliiquo  
professionem spectant, asserunt, Deo  
quidem potius quam hominibus ob-  
temperandum esse : sed in aliis , quæ  
ad vitam humanam referuntur , iis  
non inviti obsequabantur. Atque ab  
omnibus veteris Ecclesiæ Christia-  
nis id semperita intellectum observa-

tumq; fuit. Papa igitur ineptissimus est  
 Theologus, aperteq; ostendit se, dum  
 suis monitoriis bullis ad eum, quem à  
**Deo** constitutum habemus, Regem  
 repudiādum incitat, omni fundamen-  
 to destitutum esse, cùm unicum dun-  
 taxat sacræ scripturæ locum ad suam  
**confirmādam** sententiam citet, & fal-  
 sò etiam citet. Debuit paulò attentius  
 secum reputare calamitates & discri-  
 mina, in quæ, dum hanc nobis doctri-  
 nam subiicit, imperia mundi coniicit.  
 Experientia satis quotidiana compro-  
 batum est, quām facile populi ad re-  
 bellionum concitentur, & quicquid  
 de Principibus in vulgus spargitur,  
 nullo judicio morāq; adhibita, liben-  
 tissimè credant. Ubi semel quis dixe-  
 rit principem suum sceleratum esse,  
 Paganum, hæreticum, qui tamen for-  
 tasse & Catholicus erit & probus, sa-  
 tis magna & luculenta ea esse occasio-  
 putatur. Annon enim de Davide in  
*2 Reg. 16.* Absalonis conjuratione dictum fuit  
 eum improbū esse, execrandū Deo,  
 & detestabilem, & qui dominatum in  
 Dei

Dei populum obtineret, planè indignum? Mahometem & Mahometis sectæ vindices cōstat, illud sacrū quod-dā fidei axioma habuisse, ut eos principes, qui non essent ejusdē secum religionis, de sua ditione dejiciēdos esse crederent, nullo ferè alio ad bellū gerendum fundamento & argumento freti. Nisi Papis cordi voluptatique es-  
set, refum omnium perturbationem & confusionem in rebus humanis vi-  
dere, non ita hæc populo prædicatum irent. Verūm, ut summātī dicā, nulla  
hīc objectio quantumvis specie pro-  
babilis, satis magna est ad affirmandū & persuadendum, principibus infide-  
libus obtemperandum non esse. Neq;  
uspiam probari etiam potest, Christianos  
ullam eorum, quę de recusando il-  
lis obsequio dici contrà poterant, ra-  
tionem unquam habuisse: id quod de  
veteribus Gallis majoribus nostris, qui  
& Pharamūdum, & alios reges primos  
paganos habuerūt, dici eodem modo  
potest. Christianis, qui Principes infi-  
deles adepti erant, hoc unum proposi-

tum erat, ut se in Dei veritatis confessione confirmarent, atq; ad cruciatum constanter preferendos, ad magistratum suorum severitatē summa animi æquitate superandam, ad preces pro iis fundendas, & ad eorum animos omni obsequii & obedientiæ genere sibi conciliandos, inter se hortarētur. Illis verò nunquam hoc in mentem venit, ut vel minimam rebellionis suspicionem darent, vel iis, qui adversus suos principes, quippe paganos vel hereticos rebellionē molirentur, exemplo essent: nec id ab iis factum aut verè obiici aut certò probari potest.

Cæterum reges ac principes excōmunicatos nihilo est æquius de sua sede & statu demovere. Si enim sunt principes legitimè à Deo vocati, illud pro firmissimo, nec vlla ratione labe-factando fundamento nobis esse debet, eos imperandi ius & auctoritatem habere: cum potestates sint à Deo cōstitutæ, quibus, ut dictum est, resisti nō debet, quæcunq; tandē caussa adferri in excusationem possit. Evidem, ea  
qua

quæ nobis cum Christo eiusq; Ecclesia est communio, liberorum jus nobis dat, verosq; & legitimos in honorū vite præsentis (quatenus ad Deum pertinet) possessione, & usu etiā ipso hæredes facit. Verum nulli est hoc impedimento, quin aliud præterea generalius hominum & Imperiorum constitutionis respectu jus sit, quod eorū etiam, qui hujus communionis non sunt, interest: in eo quod Deus ipse hujus Mundi bona partitur, tantū omnibus seu liberis seu alienis tribuēs, quantum pro suo arbitratu statuit, & cuique proprium esse decernit. Principatus & ditiones eodem modo sō habent. Nec eo nomine, quòd in ea communione simus, Deus iis nos ornat. Nam Deus ea sēpe illis donat qui in ea communione nec sunt, nec erūt unquam. Quòd si jus illud in hoc genere, ab Ecclesiæ cōmunione ut à sua causa non proficiscitur, sequitur profecto hoc jus illi minimè periturum, qui ab hac cōmunione fuerit segregatus. Excommunicatio Ecclesiastice disci-

plinæ pars quædā est. Ecclesiastica autem disciplina regiminis spiritualis est, quod res humanas & ad hanc vitā pertinentes nullo modo attingit: ut hujus etiā disciplinæ animadversiones & censuræ à civilium judiciorum pœnis multūm differunt. Nusquam scriptū probatumq; extat privatū quenquā, quod ab Ecclesiæ communione abdicatus esset, bonis suis exutū fuisse, si res probè in ea cōstitutæ fuerint. Sotis anima & conscientia ea pœna tantūm afficit, quādo tum civitatis, tū privilegiorum & prærogativarum, quæ Dei filiorum propriæ sunt, tum tesserarum fœderis, optimarūmq; salutis promissionū jure alienatum, quando etiam per excommunicationem ex Christi domicilio & corpore abstractū se videt. Idq; ut hujus miseriæ (in quam se sua culpa incidisse reputat) cogitatio & horror eum urgeat, & ad resipiscendū impellat. Ex his igitur videre est, eā pœnā bonorū hujus vitæ privationē nullo modo contineri. Quod si privati homines nec bonorum suorum possessionē & usum,

usum, nec alia sua jura excommunicationis vi amittunt: quæ tandem caussa est & ratio, quamobrem major in principes severitas adhiberi debeat? Adhæc excōmunicatio ad tempus dunata vim suam retinet. Quamprimum enim reus peccatum suum confitetur, ejusq; se pœnitere profitetur, Ecclesia ex Dei mandato eū noxa liberat, communionēmq; illi restituit. Si bona per eam separationē auferrentur, per cōmunionis restitutionē, bona illa in quorum possessionē alter fortasse jam venisset, restitui quoque necesse esset. Neq; enim Ecclesia omnia excōmunicatorū bona tandiu sibi vendicaret, quoad resipuissēt: quod fortasse in nō nullis nunquam fieret. Regi excommunicato jus regni abrogaretur; Itaq; ē vestigio illud ad aliū quāmpīā transferrī necesse esset. Monarchia enim in hoc præcipue regno interregnum pati non potest. Rex igitur resipiscens, in integrum esset restituēdus: quod quidem non ita facile fieret, si potestas summa penes alterum jam esset. Ad-

damus familiarum & liberorum, quos  
etiam excommunicationis poena tan-  
geret, detrimentum, quanquam ta-  
men culpæ patris nec socii nec consciï  
essent: quod legitimo excommunica-  
tionis usui planè repugnat. Magnæ in-  
terim in imperiis confusiones exis-  
tent, si privatis duntaxat id accideret:  
at si in principatuū & Imperiorum ju-  
re hoc quoque locum haberet, ea cer-  
tè in extremo discrimine versarentur.  
Nunquam hoc fuit Dei consiliū, cen-  
suras animadversionesq; Ecclesiasticas  
cum judiciis humanis ita commiscere,  
& fenestram ad cōfusiones perturba-  
tionesq; rerum patefacere. Theodo-  
sio Imperatori per D. Ambrosium sa-  
crorum usu interdictum fuit: ac tan-  
tam in illum severitatem vir ille pius  
adhibuit, ut aulicos illius clientes plu-  
rimùm offenderet. Illū tamen pro suo  
principe semper habuit: nec in ullius  
mentem hoc unquam venit credere,  
ut per excommunicationem imperii  
jus abrogatum illi fuisset. Veteri Eccle-  
siæ nec cognitum nec usurpatum un-  
quam

quam fuit, vi excommunicatio*nis* impe-  
rii administrationē cuiquam eripi. Po-  
stremini Episcopi Romani hoc primi co-  
gitarūt & ausi sunt, ut inde se principi-  
bus formidabiles redderent, eosq; sibi  
hoc terrore subjicerēt, suæ summæ au-  
toritatis ubiq; stabiliendæ gratia. At  
Deus id nec voluit, nec verbo suo unq;  
statuit. Itaq; patres nostri Dei volunta-  
tis non ignari, toto studio & conatu isti  
Paparū tyrannidi reluctati sunt, eamq;  
opinionem in Bonifacio 8 hæresin vo-  
carunt. Cumq; ita ratio cōparata sit vi-  
tæ naturæq; nostræ, ut omnes ad pec-  
candū propensi simus, & ita graviter a-  
liquando peccandum, ut nisi Dei vir-  
tus præstò sit, cēsoria excommunicatio-  
nis nota reprimēdi simus: ecquis prin-  
ceps, aut etiam vir privatus, qui modò  
aliquid possideret, in tanto amittendo-  
rum honorū metu, disciplinę Ecclesia-  
sticæ submittere se vellet? Quanta hæc  
remora, quātum etiam impedimentū  
esset, principibus maxime, ne se ad Ec-  
clesiam Christianā adjungerent, si ab  
ea semel ob delictū aliquod abdicati,

à suo etiam imperio abdicarētur? Statuamus igitur hoc tandem & concludamus, principes per excommunicationem suo principatu & ea, quam antea in suos habebant, potestate & auctoritate nec jure privatos fuisse, nec eis privandos,

Idem quoq; de relapsis quos vocant est statuēdum. Nam etsi pœnæ gravioris in eos constituantur, ea tamen non debent regiminis spiritualis fines exceedere. Atque Ecclesia debet ad eos, si ad se redeant, absolvendos prompta semper & parata esse: ac proinde ad ipsorum vitam ac salutem pœnas referre, ob idq; lenitatem, quæ in correctionibus omnibus necessaria est, severitatem temperare, ut qui in eandē culpam relabuntur, ad vitæ emendationem facilius attrahantur: qui misericordia eò digniores sunt, quò major infirmitas in iterato eorum lapsu videtur. Dicere autem relapsos deploratæ esse salutis, relabi hoc esset in Novati hæresim, quæ tanto omnium consensu à veteri Ecclesia damnata fuit. Privari homi-

homines si fortè in idem hæreseos cri-  
men reciderint, aut alio quodam mo-  
do bis offenderint, nihilò magis sua bo-  
na amittunt, quàm si semel tantùm of-  
fendissent. Probandum esset aut locis  
ex sacra scriptura depromptis, aut ido-  
neis aliquot exemplis, aliam quandam  
ob principes legem constitutam esse ;  
quod nusquam, nisi in Paparum con-  
sistoriis, reperietur, ubi hascē pertur-  
bationes & confusiones ad principes  
opprimendos nullo nec auctore nec  
exemplo conflant. Subditorum in su-  
os principes officia ejusmodi omnino  
sunt, cujusmodi liberorum erga paren-  
tes, seryorum erga Dominos, & uxo-  
rum erga maritos officia esse solent.  
Deus enim hæc omnia uno legis man-  
dato summatim complexus est, quo  
præcipit parentes honorandos esse.  
Nunquam verò visumve auditumve  
fuit, ut ob unicam religionis caussam  
& eas quæ inde accidunt mutationes,  
uno ad fidem vocato, altero in infide-  
litate permanente, illo in Ecclesiæ cō-  
munione hærente, hoc ab illa separa-

to, ulla fiat conditionis mutatio, ita ut filius è patris potestate emancipetur, servus ex Domini Imperio manumittatur, uxormariti auctoritate solvatur. Nam contrà liberis citra ullam omnino exceptionem præcipitur, ut parentibus *Pet. 2.* tibus obedient. Apostoli etiam censent, ut fideles servi in fide & officio erga Dominos suos maneant: fidæ verò conjuges maritis suis subditæ perpetuò sint. In principum autem imperio & potestate, qua cæteræ omnes comprehenduntur, mutatio minus etiam probanda est, quippe multò magis periculosa & lubrica. Porro ego, priusquam huic sermoni finem faciam, præclarum hoc majorum nostrorum facinus hîc addendum putavi, ut quid illi de hac Paparum doctrina senserint, planè intelligamus. Papa Urbanus II Philippum I excommunicare in animo habuit, & postea Paschalis Ludovicum Crassum. Pape his fundamentis nitebantur, quod illi reges flagitiosi essent, ideoque digni,

gni, quibus regnandi jus ac potestas adimeretur. Tota Gallia, cui hoc erat invisum & inauditum, adversus sedem Romanam vehementer irritata fuit, illique omnes, qui Papæ causam tuebantur, durius accepti sunt. Id perspici potest ex Iyonis Carnutensis Episcopi ad Papas literis, quibus eos monebat ut consilium suum mutarent, ne gravius aliquid in se statui sentirent.

Quum verò ejus temporis Scriptores *Abbas Si-*  
*de Gallie* aduersus Papas accensæ causæ *gebertus.*  
fis loquuntur, hæc commemorant: ea  
Paparum verba, novitatem esse aut  
hæresim, quæ antea nunquam in mun-  
do extitisset, per quam scilicet popu-  
lus doceretur, principibus sceleratis  
nihil prorsus obedientiæ & obsequii  
præstari debere: & quanquam fidel-  
tatis sacramento illis obstrictus esset,  
omni tamen erga eos fidelitate solu-  
tum ac liberum esse: nec perjuros eos  
esse habendos, qui à suo rege ad alium  
quemlibet desciscerent. Immò verò,

quicunque Regi pareret, pro excommunicato existimandum; contrà, qui facinus aliquod adversus regem patraret, omni injustitiæ & perfidiæ crimine absolvendum. Historia nominatim hæc refert, ut doceat, quanto pere doctrinam ejusmodi, quam Papæ in totum orbem spargerent, & disseminarent, exhorruerint, & quodnam esset istarum excommunicationum; per quas principes omni dignitate & auctoritate spoliarentur, & cives ad seditionem concitarentur, fundamentum. Verùm tam multis gravibusque Iwonis admonitionib<sup>9</sup> Papæ nihilo sapientiores & meliores effecti sunt. Eadem enim omnino doctrinam Sfondratus Papa per suas Bullas nobis obtrudit, ad institutam hāc rebellionem confirmandam. Ea doctrina jam inde à Philippi primi ætate, nova, atq; adeò à nostris majoribus hæresis esse dicebatur. Res verò gravior est, quām ut temerè Bullis fides habeatur, in quibus nihil quidquā adfertur, quod aut vero ullo sacræ scripturæ testimonio nita-

nitatur, aut certo aliquo veteris totius  
in suis omnibus ætatibus & partibus  
Ecclesiæ usu confirmetur. Sfondratus  
equidem nescio quas Paparum cōsti-  
tutiones nobis inculcat: at nos solidas  
& expressas Dei ipsius constitutiones  
& placita postulamus. De Sanctæ et-  
jam Sedis reverentia verba facit: At  
est alia sedes, cui summam observan-  
tiam debemus, longè sanctior, apud  
quam omnes sistendi sumus, nempe  
Christi tribunal: ex quo consilia & de-  
creta nobis sumēda sunt, ut ne à recta  
vivendi ratione aberremus. Idem agit  
de præstanta Ecclesiæ obedientia: re-  
ctè: id etiam ipsi desideramus. Sed ve-  
ra Ecclesia docet, vni Deo, cui ipsa in  
rebus omnibus cedit, seq; totam sub-  
mittit, parendū esse. Edicit suis omni-  
no mandatis parendum esse, cæteris  
omnibus, quibus studium, amorem,  
honoremq; & observantiā debeamus,  
postpositis. Et quis tandem Sfondra-  
tus iste est, cuius imperiis cæterorum  
omnium Imperia postponi, cuius Bul-  
lis Dei etiam ipsius, qui aliter omnino

præcipit, mandata subiici debeant? Atque hæc, quod pluribus alibi explica-  
ta & illustrata fuerint, paucis tantum  
hic attingere volui: quæ tamen, licet  
paucula, ad eas dubitationes quas Pa-  
pæ Paparumq; clientes Jesuitæ, harum-  
quibus jaëtamur tempestatum conci-  
tandarum ergo simplicium animis in-  
jecerunt, penitus tollendas, satis ma-  
gna, mihi quidem videntur: quan-  
quam Rex noster divina gratia talis,  
qualis ab iis fingitur, non sit nec Pa-  
ganus, nec Hæreticus, nec excom-  
municatus, nec Relapsus, si diligen-  
ter omnia, ut in re tanta decet, pon-  
derentur.

Rex equidem Paparum doctrinæ  
fidem non habet, seque prorsus ab eo-  
rum consortio & communione segre-  
gavit: Sed patres nostri docuerunt eos  
omnes qui Papis nō credunt, seq; dum  
inordinate se gerūt, ab iis separat, non  
esse propterea hæreticos. Papam au-  
tē indecorè se gerere nemo nescit. A  
tam multis jam sæculis pii clariq; viri  
id conqueruntur ac deplorant; tota  
Chri-

Christianorum gens eum accusat, & aliquando, si Deus dederit, re tota sapienter & accuratè disceptata, illum ipsum damnabit: quantumvis id refugiat, & suis omnibus quas ubique terrarum commovet, procellis, furiosis que consiliis impedire conetur. Sunt quædam religionis capita, in quibus Rex ab Ecclesia Romana dissentit: non propterea tamen cōperietur hæreticus, si dispiciatur, in quibus & quomodo in iis se gerat, & quid profiteatur ac testificetur. Hæreses, (ut ex hæresibus quæ veterem Ecclesiam exercuerunt, videri potest) versantur aut in Trinitatis materia, aut in Christi mediatoris nostri persona, aut in illius officiis, salutisque rationibus, aut in Ecclesiæ definitione & natura, aut denique in iis, quæ ad scripturæ sanctæ veritatem & auctoritatem labefactandam spectant. Regis fides super his capitibus omnibus examinetur, nihil caussæ reperietur, quamobrem hæreticus sit habendus. Nec Paganus est, nec Judæus, nec Mahometista:

qui falsas illas impiasque Religiones omnes ex animo detestatur: illum dūtaxat pro vero & unico Deo habet quē Patriarchæ, Sancti Prophetæ, totaque Israelitica Ecclesia ob omni ævo cognovit, venerata est & coluit : Illum, qui Mōsi legem dedit, & per Prophetas cum patribus loquutus est: qui postremis temporibus fese in Christo Domino nostro manifestius nobis patefecit. De sancta Trinitate credit, qd quid ab universis conciliis de ea definitum decisumq; atque summatim Athanasii symbolo comprehēsum fuit. Ut id etiam , quod de Christo Mediatore est traditum , quem esse credit & agnoscit verum & in æternum prædicandum Deum , simul & verum hominem è Virgine Maria natum. Persuasumq; habet, eum , quēadmodum à Deo constitutum ab omni ævo fuerat, ita etiam redemptionem nostram omni ex parte explevisse, solūmq; nobis & salutis & æternæ vite caussam auctoremq; esse: ac nos ipsius, ut in Evangelio docetur , per fidem participes fieri.

fieri. Ecclesiam Catholicam, & extra eam nullam esse salutem, credit, precibus votisq; omnibus in ea ad extre-  
mum usq; vitæ spiritum manere exo-  
ptans. Sancta etiam sacramenta, pro-  
ut à Christo fuere instituta, credit. Po-  
stremò sanctam scripturam, certam  
Dei veritatem esse, eāq; omnem do-  
ctrinam nobis necessariam contineri  
credit: atq; quod tum ad salutem cō-  
sequendam credendum, tum ad ob-  
servantiam quæ Deo placeat exhibē-  
dam præstandum sit, non aliunde pe-  
tendum esse. Atq; eorum, quæ & Rex,  
& ejusdem cum eo religionis homi-  
nes tenent, ut ex eorum scriptis abun-  
dè constat, hæc summa est. Rex itaq;  
his fretus & confisus, impias omnes  
Arrianorum & Manichæorum, item-  
que aliorum omnium hæreses, quæ  
cùm à sacris Ecclesiæ doctoribus re-  
futatæ, tum sanctorum Conciliorum  
decretis una voce & consensu damna-  
tæ fuerunt, ex animo etiam damnat.  
Controversiæ, quas cum Romana Ec-  
clesia habet, eiusmodi sunt, ut siquid

errat, in hoc maximè erret, quòd cōcedere patiq; nō possit, ut, vel hominibus vel rebus ullis creatis, præterquā Deo, cultus religiosus tribuatur: ut Christus non solus ad Deum nobis sit via & aditus, sed quispiam alius illi adjūgatur, & in nostræ salutis caussis quidquā aliud habendū sit, quām unicū Christi mortis & passionis, atq; ejus quam Deo patri præsttit, obedientiæ meritū: utq; alius quisquā gratus Deo cultus censeatur, quām qui ab eo in sacris scripturis fuit præscriptus & cōstitutus. In his omnibus si quis sit error, in eo duntaxat est, quòd omnia Deo uni, nihil autem hominibus tribuat. Eiusmodi autē error, si tamen error habendus est, non potest esse hæresis. Atq; hæc de controversiarum materia dicta sint.

Quomodo autē in his rebus se gerat, omnibus compertū est. Neq; enim aut pertinax est, aut aliqua vel arrogātia, vel malitia, vel pravo perturban- dæ Ecclesiæ affectu ducitur: Papa in suis Bullis ait eum per matrem jam inde ab infantia hæresi imbutum fuisse:

at, vel

at, vel hinc eum talem non esse mala mente, & insolenti ac voluntaria evertendæ Ecclesiæ alacritate, manifestò colligitur. Ac Divus ipse Augustinus eos, qui sic à parentibus educati & instituti fuerint, magis excusandos esse tradit. Papa eorum meminit, quæ nefastis illis D. Bartholomæi diebus illi acciderunt, illiusque abjurationem omni colorum & exornationum genere exaggerat, multa simulans, & veris falsa consultò admiscens. At dies illi ita nobiles sunt & insignes, ut unica violentiæ recordatio pro justa defensione illi esse possit. Nihil ea de re amplius dicā. Dira illa fuit & inaudita Tragœdia, quam Deus pro sua bonitate huic regno diutius nō imputabit. Evidem rex multa tunc admisit: religione sua ejurata, Romanā se amplecti professus est, Missæ interfuit, Romā misit, vera hæc omnia sunt. Sed vi adact' hæc faciebat omnia, cùm pbi ac fideles servi in ejus sinu atq; amplexu trucidati fuissent, ipse quoq; in summo capitis diserimine quotidie versaretur, & in arctis

simam jam captivitatem detrusum &  
& compactum videret. Illius adolescentia, perpetuæ adversus ea quæ per  
vim ageret testificationes, mandata,  
quæ ad populum suum Bearnensem  
clandestina denunciatione pferenda  
curabat, viæ & rationes ex istis se la-  
queis extricandi toties captatæ ac ten-  
tatæ, & quæ primum evadendi oblata  
fuit, arrepta confessim occasio, vim illi  
factam fuisse, & quæcunq; tunc tem-  
poris faceret, ea vi coactum & præter  
voluntatem fecisse satis cōprobarunt.  
Metus ille fuit in prima & teneriori æ-  
tate incusus, & eo imminente pericu-  
lo, quo nullum aliud majus excogita-  
ri possit. D. Petri abjuratio non est illi  
jam ulli probro & dedecori. Nam for-  
mido, qua fuit correptus, eam extor-  
fit, & illum ad peccatum etiam longè  
gravius, audita unius ancillulæ voce,  
adegit. Verùm id factum illico acerbè  
deplotavit & lamētatus est. Ergo pec-  
catum per metum admissum, culpæ  
excusationem in alio meretur, nō pro-  
brum & damnationem, ut Papa de  
prin-

principe nostro pronūtiat. Infirmitas hēc est, animiq; imbecillitas, quā Deus pro sua immensa misericordia tolerat. Quin apud homines, siquid gravioris pœnæ aut infamię metu factum fuerit, id ex legibus nominatim ad eam rem latis, pro infecto habetur, nulliq; pœnæ obnoxium esse censetur.

Papa regē præceptis ad religionem necessariis abundē instructū fuisse proponit. At ut probè aliquē instruas, gladius illi non intentatur: sed ter quaterque cum lenitate summa de officio ad monetur, ut Apostoli nos docent, nulla vi illius conscientiæ facta. Rex igitur de Papa, à quo hæreticus, & relapsus declaratus fuit, identidē quæret, quid officii tum ipse, tum ipsius decessores hīc præstiterint: quando testi- moniis è sacra scriptura petitis hære- scos cōvictus damnatusq; fuerit: quan- do tutus suis ministris accessus patue- rit, ad familiariter coram se cum Sor- bonicis doctoribus disputandum, unde sibi de suo errore apertè constaret. Quod enim Papa objicit, regis mini-

stros illic adfuisse, ita quidē se res habet. Misellus quidam & verè miserādus minister, nomine Hugo Suræus, aliâs Roserius Parisinam carnificinam fugiens, ab hostibus captus, Lutetiamque retractus præ metu religionē abjuravit, & sese ad eorum nutum arbitriumque & dicturum & facturum omnia promisit. Is ad Regem perductus, Doctoribus Sorbonicis assensus est. At postea culpam suam, libris in eam rem æditis palam agnovit, atque à Rege, ad quem pervertendum & in errorem inducendum adhibitus fuisset, veniam petiit. Fuit hæc igitur partis vtriusq; collusio, non verum ac piūm colloquium ad docendū accommodatum. Rex igitur nihilo sapientior ab illis factus, in iis quæ à pueritia didicerat & crediderat, cōstanter permanuit, quippe præclarè se ac piē parentum cura institutum fuisse, ac purioris religionis fundamenta optimè jecisse persuasus. Neq; ulla mala mente pravāque conscientia in eo perseverat, quasi aut novitatis studio, aut

qua;

quadam contradicendi libidine ducus. Molestiæ & ærumnæ, quas tandem pertulit: negotia & impedimenta, quæ illi adhuc à cōjuratis tanta pertinacia inferūtur: hostium prava consilia & assiduæ interpellationes, amicorumq; importunitates, id satis confirmant: à quibus omnibus posset semel omnino se vendicare, religioni suæ renuntiando, nisi Dei offendendi, amittendæque salutis metus eum perpetuò moneret, ne invita & repugnante conscientia quidquam faciat: sed potius meliorem, si qua usquam extat, & quam à nemine hactenus accepit, institutionem exspectet. Præterea in hisce de religione controversiis non solus requirit ut errorum, qui eam occuparunt, ac deformarunt, reformationi provideatur: Bona pars Christiani orbis idem ipsum cum illo postulat, & adversus Papam, qui rei tam necessariæ obstat, uno ote proclamat. Nemo ferè jam existit, qui non multa in Ecclesia peccari fateatur, idq; vehementer conqueratur &

deploret: qui non horribilem & prodigiōsam in Clero confusionem corruptionēq; videat, & qui institutionem ac disciplinā illā quæ ad sacerdotum quæstum & avaritiam omnino accommodata fuit, frequentiorem & fideliorēm, perquām necessariam esse non censeat. A multis jam sēculis, permulti præstantissimi doctrina & pietate viri in hoc etiam regno, ut D. Bernardus & alii complures, libros in lucem editos querelis & expostulationibus obīstas labes & confusiones refertos nobis reliquerant. Hęc omnia regis causæ inserviunt, qui nihil aliud vehementius desiderat, quām illud venire adesseque tempus, quum tot tantaque vulnera per legitimū piumque concilium sanentur, ac sancta totius Ecclesiæ recōciliatio summāq; omnium concordia fiat: testificans ex animo ac profitens primū se iis, quæ illic summo omnium cōsensu & sacrarum scripturarum auctoritate decreta constitutaq; fuerint, libenter obtemperatū. Nullāq; re omnino in his tam diuturnis

turnis & infestis, quibus vexatur, bellis  
æquè offendit & angit, atq; lögâ illâ, quæ  
tum percipiendæ ex sacro illo conci-  
lio utilitati, tum perficiendæ illi, qua-  
se regni sui statim initio ea de re ob-  
strinxit, promissioni affertur, tardi-  
tate & morâ. Quum hæc omnia in re-  
ge considerabuntur, atque ex adver-  
so dispicietur, quis sit habendus hæ-  
reticus, uti quidem in sacris scriptu-  
ris describitur, & à piis Ecclesiæ do-  
ctoribus definitur: Ex iis profecto nec  
constabit nec probabitur, regem hæ-  
reticum esse. Siquis error inesset, hu-  
manus ille error esset, quo qui tenen-  
tur, nec deplorati nec ab Ecclesia ab-  
dicati censendi sunt: Ideoque apud  
eos ex D. Pauli doctrina adhibendæ  
sunt cum omni animi lenitate admo-  
nitiones, non autem ea, quæ hodie in-  
tentatur, violentia.

Nec verò rex noster ex iis, quæ Six-  
tus Papa illius adversarius edidit, ullo  
modo habendus est excommunicata-  
tus, ut jam antea docui. Et quidem  
Patres nostri ex historiis, quæ com-

memoratæ sunt, satis ostenderūt quid de Paparum Excommunicationibus sentire debeamus. Respōsiones à doctissimis viris ad Sixti contra Regem excommunicationes, unā cum multarum Nullitatum declaratione hodie extant, eæq; ita eruditè compositæ & ad rem præsentem appositæ, ut ad Regem non apud Deum tantùm, sed apud omnes homines, qui modo sincerè iudicare volent, absolvendum, omnique culpa liberandum momenti satis habere videantur. Magna Deo immortali habenda est gratia, quòd in Papæ potestate non sit, eos qui in libro vitæ inscripti sunt, ex eo expungere. Quòd si Papa idoneus Regis nostri Judex esset, suamq; jurisdictionem ad eum usque ac minimum etiam hujus regni incolam proferre posset, quod profectò non potest: si judicium in Seniorum, ut Deus præstituit, cœtu factum fuisset: si justa eum damnandi caussa extitisset: si actionum ex verbi divini regulis, & canonibus etiam antiquis via & ratio in judicando obser-

vata fuisset: si legitimè excommunicationis fines propositi, rectaque & ejus qui peccavit salutis, & utilitatis Ecclesiæ studia adhibita fuissent: si Ecclesia rectè congregata rem assensu suo comprobasset: Postremò, si Dei verbum in tota illa actione præcipuum locum obtinuisse, fuissetque pro regula: ex his quidem certè omnibus excommunicationem rectè factam fuisse constaret. Sed horum omnium nihil quidquam usurpatum observatumque fuit. Consilia adversus Galliam nostram quotidie inita: inveteratum adversus reges ac principes nostros odium: indignatio, in quam erumpunt, quod amplitudinem suam in hoc regno cum summa potestate nondum stabilitam esse videant: coitiones & pactiones, quas cum externis hostibus habent ad prodendum ipsis trandendumque hoc regnum: ut uno verbo dicam, furor & nocendi, perdendique omnia libido, solæ fuerunt veræque aliis Papis caussæ cur hæreseos sententiam & excommu-

nicationem in superiores reges, & in ipsum etiam Henricum Regem, defunctum, pronunciaverint, & eā quidem impudētia, ne impietate dicam, ut nihil suprà. Hodiēq; adēò illis ipsis caussis adducti, suas ad nos bullas emitūt. Hoc verò planè nihil aliud est quā stomachosum ac perversum & regiam gentem opprimendi, & regnum simul totum evertendi propositum. Religio autem quam illi admiscent, prætextus tantummodo est, ac mera simulatio.

Sfondratus contumeliosè nobis de rege loquitur, quasi eum nos in hoc regno melius cognitum non habeamus, quā ille in suo Capitolio. Ait eū, quia datam fidem fregerit, perfidum esse, nec fidem illi unquam habēdam. Væ tibi impure Sfondrate, qui tibi jájam impendente, qua totus exenteris, ruina crepans, tam dirum tuæ acerbitatis virus in tantum principem eructes, & evomas: qui contra Dei mandatarum populi Principi, atque adēò Galliæ regi maledicere audeas. Dicis eum fidem violasse. Idem & grasa-

tor aliquis diceret, si arrepto, exertoq;  
pugione promissum aliquod à quovis  
alio extorsisset, quod ille postea, quip-  
pe aut contra Deum, aut contra Rem-  
publicam, aut contra bonos mores fa-  
ctum, perfidere nollet. Non repetam  
quod jam dixi, de vi, quæ Regi incus-  
sa fuit. Promissis ita extortis nemo ul-  
lo aut pacto aut jure obligari potest: u-  
bi autem nulla est obligatio, fidei quo-  
que violatio nulla est. Si Rex putavit  
se contra Deum facturum, id præstans  
quod metu coactus promiserat, nun-  
quid promisso suo stetisset, Deum cō-  
victus conscientia offensurus? Cuīnam  
potius fide & promissi religione obli-  
gatus tenebatur, quām Deo? Longio-  
ri & accuratori patrocinio non est hīc  
opus. Regis fides & integritas satis spe-  
ctata est & cognita: nec perfidus ullo  
modo dici potest, ut eum Papa nomi-  
nat. Ex multis magnisque illius virtu-  
tibus, quarum omnes testes sumus (&  
quas infestissimi etiam illius hostes fa-  
teri & prædicare coguntur) hæc ma-  
ximè una elucet, quòd in suis dictis

promissisque omnibus seryandis, iniis  
sit numerandus, qui candore, firmita-  
te, constantia, & integritate maximè  
excelluerunt.

Sfondratus cōtumeliis & calumniis  
quām Apostolicis virtutibus fœcun-  
dior, addit regem Ecclesiæ hostem es-  
se: Rex autem nullam unquā id suspi-  
candi caussam dedit. Armis aliquando  
se se propugnavit: sed legitima quidem  
propugnatione id fecit adversus eos,  
qui jam tum regiam stirpē adorieban-  
tur, attractis ad suam caussam sub reli-  
gionis nomine regibus etiam ipsis, qui  
insidiosas eorum artes, occultāq; & im-  
pia consilia nō satis tunc animadverte-  
bāt, ut ea postea, sed serò & magno suo  
damno animadverterunt, compertaq;  
penitus & perspecta habuerunt. Ve-  
rum Deus sua providentia hostium re-  
gis animos aperuit, & quónam zelus il-  
le speciosiq; religionis prætextus spe-  
ctarent, omnibus patefecit & illustra-  
vit. Quare hoc bonorum omnium vi-  
rorum judicio certum & manifestum  
semper erit, regem suosque injustè la-  
cessi-

cessitos juste quidem se interdū pro-pugnasse, Ecclesiam verò oppugnasse nunquam: hósque pro sui principis sa-lute, & pro sola Galliæ, proindeq; Ec-clesiæ cōservatione arma cepisse. Nec in tanta animorum contentione, ira-rūmq; æstu testatum probatumq; us-quam reperietur, Regem ullius homi-nis conscientiæ vim attulisse. Ut hodie etiam, ex quo regni clavum tenere & gubernaculum Rei publicæ trāctare cœpit, tanta humanitate & lenitate cum clero ubiq; locorum egit, ut satis hinc probet se de molestia ulli omnino homini ob religionē exhibenda nullo modo cogitare. Accusatur, quòd sa-cerdotiorum fructus iis qui pro ipsius dignitate & salute arma ceperunt, lar-giri soleat. At hæc temporum cul-pa est, non illius: qui non voluntate sua, sed belli necessitate coactus hoc agat: atque magis in eos, qui arma contra se gerunt, quàm in reliquos, idque maxima prudentia & æquita-te. Prisci Reges, ut accepimus, cer-tum hoc & exploratū habuerūt, licere

sibi horum fructuum partem in susten-  
tandis belli sumptibus impendere, si  
ca esset regni, rationumque illius ne-  
cessitas, ut fieri aliter non posset. Pu-  
blicæ verò rei necessitas tanta est ho-  
die, ut major certè antea nunquā fue-  
rit, aut in posterum esse unquam pos-  
sit. Si eam ob rem Ecclesiæ hostis de-  
clarandus videtur : idem quoque de  
superioribus Regibus habendum ac  
docendum erit. Si qua tamen culpa  
hīc est, ea profectò ipsius hostibus, qui  
illum cō necessitatis compulerint, af-  
signanda est. Quid sit Ecclesia, novit,  
& quantopere Deus eam principibus  
commendaverit, nō ignorat. Ex mul-  
tis illius optatis hoc non est postremū,  
ut his bellis cōpositis summa tempo-  
rum exoriatur tranquillitas, & animo-  
rū consensio, per quam conciliū con-  
gregare tutò liceat, ubi apertè vereq;  
patefacere omnibus possit, quo amore  
Christianam Ecclesiā prosequatur, &  
quo studio atque animo illius dignita-  
tem & commoda curare, atq; adeò pro  
sua quidem facultate, augere velit.

Papa

Papa alio argumento in suis Bullis utitur, quo probet regem nostrum non esse legitimū regni successorem: Itaque à regni administratione repellendum. Argumentum è cladibus & calamitatibus, quibus in hoc regno tanti afflictamur, sumptum est. Argumenti fundamentum hac præcipuè, quæ his verbis ab eo cōsignata est, propositione nititur. *Ubi Deus colitur, adversitas nō habebit effectum, & contrā: Ubi adversitas locum & effectum habet, ibi Deus non colitur.* Dei autem cultui nullum inter nos locum esse ita vult inde intelligi, quod regem legitimū & Deo earum, probatumq; non habeamus. Usuvenit sanè Sfondrato nostro, ut hac in re in eandem temeritatē inciderit, in quam alii complures, qui de calamitatibus & vexationibus quas Deus immittit, longè aliter senserunt quam deceret. At primū quum ait, *Ubi res adversæ vigent & urgent, ibi Deum non coli:* Ea propositio, quæ ex publicæ calamitatis caussarū ignoratione proficiscitur, falsa est: ut & altera huic cōtraria æquè



falsa est: Ubiunque Deus colitur, res adversas nullum locum, nullam etiam vim habere. Id enim falsissimū esse per **vetus ætatum omniū experientia** convincit, & Dei quoq; ipsius ea de re decretum. Deus alibi non colitur, quām in Ecclesia: ipsa tamen Ecclesia duriores rerum adversarum effectus ac frequētores hīc sensit: Ei sorti conditionique quamvis acerbæ Deus eam objecit ac subjecit. **Quemadmodum etiam optimi quique, & qui Deū puriori mente coluerūt, ut Prophetæ, Apostoli, & clarissimi alii Dei servi, gravioribus usq; casibus expositi fuerūt.** Contrā pater, adversitates minora effecta habuisse (ut ita cum Sfondrato loquamur) in improbis, in quib. minor Dei metus, illiusq; colendi studium minus appareret. In nunc, & ex Sfondrati propositione, quid hīc sentiendum statendumque sit, conclude: Inde profecto & Ecclesia & optimi omnes impietatis damnabuntur: improbi verò omni culpa soluti, absolvantur. Ita nimirum olim de Dayide, de Jobo & piis aliis

aliis viris, atq; adeò de Christo ipso iudicari solebat. Interim tamen non inficiabor, peccata nostra & non valde religiosum, quem Deo in hoc regno tribuimus, cultum calamitatum, quibus adeò vexamur, caussam esse. Nobis enim omnibus in Dei conspectum est prodēdum, ut judiciū illius subeāmus, damnationiq; nos ultro ipsos subjiciamus. Impietates & blasphemiae, iniqua hominū judicia, homicidia, & civium trucidationes, libidines, & in omnibus regni partibus cōfusiones hanc regni labē atq; eluviem, hanc etiā misericordiam & malorū Iliadem in nos justo Dei iudicio invexerunt. Verūm cùm tam multis magnisq; flagitiis Deū offendierimus, cùm etiam & superstitioso & impio cultu eū irritaverimus, nulla certè ratione pro calamitatū nostrarum caussā id habendum est, quod nō modò non peccatū est, sed etiā unum ex præcipuis illius, quā Deus de nobis exigit, obedientiæ caput, nempe regi à Deo nobis constituto parendum esse. Quanquam verò hoc etiam iis assen-

tiremur, Deū aliquando in populosa-  
nim advertere ob malos principes, qui  
in iis dominatum tenent; non inde ta-  
men consequeretur, quod Sfondratus  
contendit, regem, qui iam nobis præ-  
est, illegitimum esse. Regū enim pec-  
cata (ut injustitia, crudelitas, & gravissi-  
ma alia facinora, quæ Deus aliquando  
in populos derivare solet), efficere nō  
possunt, ut reges sint illegitimi, ac di-  
gni, cōtra quos populi conjurent, eos  
que de sede sua deturbent, ut antea  
docuimus. Judicia hæc sunt ejusmo-  
di, ut Deo ipsi disceptanda omnino ac  
decidenda permittere debeamus. Re-  
ges qui olim Dei populo regendo pre-  
fecti erant, plerunque fuerunt Idolo-  
latræ, vitaque vitiosa & flagitiosa præ-  
diti. Ideōque Deus nō in illos tantum  
sed in subiectos etiam eorum imperio  
populos iræ suæ tela cōjecit. Nunquid  
tamen in ullius unquā mentem venit  
dicere, eos reges qui casus & clades  
suis sceleribus in populū attraherent,  
nullum jus potestatemque dominan-  
di habere, populōq; imperatum hinc  
fuisse,

fuisse, ut obsequium erga eos exueret? Interim hoc necessariò non consequitur, si populus plectatur, id ad regem tanquam auctorem referendum esse, cùm ejus rei caussæ in populo ipso verè inesse possint. Qualia rogo Ezechic tempora fuerunt, quum tota regio ab Assyriis funditus direpta, vastataque fuit? Quale etiam Josiæ regnum, si calamitates illius expendantur? Veruntamen maxima piis illis regibus facta fuisset injuria, si quis ita, ut Sfondratus, argumentatus fuisset. Nempe, ubi res adversæ vigerent, ibi Dei cultum & frigere & penitus jacere: & quia populus Ezechiam Josiamque principes ac moderatores suos haberet, ideo Deum non coli. Sfondratus igitur calamitates nostras procul hinc videt, de iis fert sententiam, easque nobis exprobrat: sed inconsultò & temerè. Si ad Deū respiciamus, satis magnas nos affligendi caussas habet: sin, ad homines quod attinet, proximæ caussæ inquirantur, nulla sanè majorest, & quæ tot malis nos oppresserit, quām Papa-

rum superiorū & Sfondrati ipsius furores, qui nobis universam hanc conjuratorum factionem conflagrunt, illisque Galliam nostram bellis exitialibus vastandi facultates antea suppeditarū & etiamnum suppeditant. Papæ tantummodo longissimè à nobis, rebusque nostris absint, nos omittant, nos vexare, res nostras quæ ad se nihil attinent, curare desinant: dicto citius miseriæ nostræ desinent.

Ne multa, Papa quicquid volet de rege nostro effutiat ( pro eo more quo Papæ principum nomen contumeliis lacerare solent) Nos regem nostrum satis notum exploratumq; habemus, & locupletes eximiarū, quibus Deus eum cumulatissimè ornavit, virtutum testes sumus. Prisci reges illius decessores à suis semper celebrati, & summis laudibus honorati fuerunt, quantumvis Papæ illorū famam suis fulminibus obscurare & inquinare conati sint. Hic verò, qui ab eadem stirpe nobis à Deo est datus, illorū dissimilis minimè nobis videbitur: etsi Papa aliam de il-

de illo animis nostris opinionem injicere nitatur. Si quis contrà contendat atque afferat, hujus & superiorum regum facta inter se differre, quòd tunc temporis de religione non ageretur: Dicam in patrum nostrorum contra Papas cōtentionibus aliquam religionis mentionem factam semper fuisse. De aliquo privatim capite non dimicabatur: sed de eo quæstio erat, quod Papæ tanquam religionis totius fundamentum statuunt, nempe de summa illa, quam in universum orbem sibi arrogant, auctoritate, per quam colli ab omnibus, moremque sibi geri velint. Nam si hoc non manear, fixumque sit, Papa in suis canonibus sēpe declarat nullam usquam gentium religionem superesse. At patres nostri ei sententiæ toto conatu obnitebantur. Qua quidem re Papæ adducti, tanquam de religionis summa omnino ageretur, in sua quam adversus eos ferebant sententia, hæreticos, schismaticos, Ecclesiæque hostes nuncupabant. Ut verò apertiùs docerent,

ob istam obedientiæ & obsequii recusationem, omnem è Gallia religionem planè sublatam esse, suis interdictionibus vetabant, ne templorum januæ aperirentur, ne ullus Dei cultus observaretur, ne ulla sacramenta usurparentur. Contentio igitur in hoc capite versabatur, quod Papæ fidei articulum vocant, & religionis universæ fundamentū. Et quidem tota illa inter Papas & protestantes, dum ad concilium appellant, orta jamdudum controversia in hoc maximè uno cōsistit. Nam hac parte controversiæ dirempta, Papæ videlicet auctoritatem minimè esse tantam, quantam sibi sumit: Deo uni, ut Domino summo in sua Ecclesia auscultandum & obtemperandum: Papam, omniaq; illius mandata & decreta sanctarum scripturarum normæ submitenda esse, eadē operā reliquæ omnes controversiæ discussæ sublatæq; prorsus erunt. Verūm, cur ex religionis controversiis hīc verba facimus, cùm, ut jam omnibus perspicuum est, de regno quod hostes invadūt atq; usurpāt,

aga-

agatur: religio autem merus tantummodo sit prætextus? Cōcludamus igitur, inter hasce nostras de quib<sup>o</sup> hodie ita digladiamur, & inter eas, quæ patribus nostris cum Papis intercesserunt, cōroversias, seu in Paparū, qui bello nos persequuntur, consilio & proposito, seu in eorum personis, seu in regis quem Deus ex sacro sancta regni lege nobis præficit, caussa, nullum omnino discrimen, nullam planè dissimilitudinem interesse. Ac proinde nullum opportunius & melius consilium in rebus prorsum similibus, à nobis capi posse, quam si ad patrum nostrorum exempla confugiamus, nosque totos ad eorum prudentiam, animique magnitudinem & constantiam conformemus.

## CONCL V S I O.

**A**MPLISSIMAM hic locus & valde luculentam admonitionis ad omnes hujus regni ordines mihi daret materiam, per quam, priusquam dicendi finem facerem, eos ad caussam hanc

pro communi dignitate & salute contra Papam & conjuratos suscipiendam exhortarer: nisi animi ampla quædam & splendida propositio passim in multis ita eluceret, ut acrioribus ad eos animandos incitandoſq; stimulis nihil amplius opus esse videatur. Si ulla unquam cauſſa certas divinæ vocationis notas habuit, quibus freti ad eam recta cōſcientia propugnandā aggredemur, hæc quidem certè est. Ubi pri- mūm privatorum aliquot hominum quies in aliquo principatu ab externo quopiā hoste interrupta, aut populi aliquujus libertas tantulū attentata fuerit, aut Deus aliquam aliam ob cauſsam ad arma vocaverit, continuò ab universis accurritur, idq; persuasissimū & exploratissimū omnibus est bellū tunc legitime geri. Quæ verò ad bellū justè & legitimè suscipiendū, atq; tum ad vitam, tū ad facultates omnes in illud pfun- dendas nos movere possunt, ea omnia ad hanc profectò cauſsam concurrunt. Hispanus aliiq; finitimi hostes nos aggrediuntur, invadūt, hostiliter petunt, oppref-

oppressuri nos , & si possint , eversuri  
funditus , quanquā nullam in nos juris  
speciē , nullam etiā id tentādi cauſsam  
habeant. Infert vim Papa , quē nihil of-  
fendimus , qui cōtrā maximā sui splen-  
doris & amplitudinis partē , acceptam  
nobis meritissimō referri debet : qui et-  
iam pacis inter nos cōciliandæ auctor  
esse deberet , si qualis haberi vult , talis  
& re vera esset : atq; interim ut hostiū ,  
quibuscum facit , libidini serviat , sua  
in nos fulmina armataſq; acies immit-  
tit , quarum vi adacti servitutis jugum  
subeamus . Cives adeò ipſi patriæ ſuæ  
proditores nefariè rebellant , & ii etiam  
ipſi , qui superiori rege à ſe impie truci-  
dato , alterius jam , atq; totius etiā gen-  
tis regiæ vitam petunt , qui noſtras fe-  
rè omnes facultates diripuerunt , qui  
domos & urbes noſtras ad interitū &  
cineres redegerūt , & à ſeipſis ita dege-  
nerarūt , ut hostis in media regni ipfius  
viſcera perfidè admittiſſi insignia , cōcul-  
catiſ Gallicis , oſtentent . Hic Dei man-  
datum nominatim ſancitū & perſcri-  
ptum eſt , quo præcipitur , ut regem ab

eo nobis constitutum honoremus, illiusq; vitam atq; auctoritatem adversus omnes conservemus. Hic bonorum omnium Patrū exemplum propositum est, qui in re simili ad communem & regni & regis sui caussam, egregiam fidem alacri promptoq; animo adhibuerunt, nulla hominis cuiusquam ac ne Papæ quidem ipsius ratione habita. Aguntur hīc nostræ opes, vita nostra, familiarum nostrarum honor, liberorum nostrorum conservatio, & qua nihil in rebus humanis omnibus prius & carius esse debet, nostralibertas. Venditioni & direptioni à Papa, & quod longè est gravius atq; indignius , à nostris ipsis expositi sumus. Status publici mutationem moluntur, ex qua quidem, ut facile colligere est, universa partium omnium mutatio & conversio necessariò consequatur , per quam omnia horribili confusione permisceantur, funditusque intereant. Quos dominos in regis nostrilocus substituere conantur, non sunt aut Scythæ aut Turcæ, sed

sed qui omnē totius orbis Barbariam  
immanitate & tyrannide longē supe-  
rant: ut in omnibus regnis, ditionibus  
& imperiis, quibus dominantur, ob-  
servare licet. Atq; hic est belli hujus-  
ce status, caussæ, consilium & scopus.  
Quid verò in eo desiderari potest,  
quominus legitimum habeatur, atq;  
frigidissimorum & ignavissimorū quo-  
rumque animi ad belli hujus societa-  
tem nobiscum ineundam excitentur,  
ut Dei qui nobis id præcipit, nomine  
ac numine fræti, hasce omnes, quæ no-  
bis imminent calamitates à nobis pro-  
pulsemus? Religionis nomen obten-  
ditur. Papa honorificos illos, quibus  
insigniter est ornatus, titulos propo-  
nit. Atq; hinc eò gravior & indignior,  
quæ nobis infertur, iniuria videri de-  
bet, quòd & sacrosanctorum Dei no-  
men ita profanetur, & sacra omnia iu-  
ra pervertantur, ut adversus præscri-  
ptum Dei mā datum ad nos ipsos pro-  
dēdos, ad patriam ipsam perdendam,  
& durissimæ omnium crudelissimæq;  
servituti exponendam concitemur.

Patres nostri, seu quòd reges à Papis  
durius appellati fuissent, seu quòd Pa-  
pæ contempta regum auctoritate pe-  
cuniam exigere ausi essent, seu quòd  
summam aliquam potestatem in hoc  
regno usurpassent, causâ diligenter  
ex legibus divinis & humanis, item-  
que ex regni institutis & moribus dif-  
ceptata ac dijudicata, Papas sine ulla  
dubitacione damnarūt, ac relegarunt,  
eorum ministros ignominiosè acce-  
ptos è nostris finibus expulerunt, cof-  
dem suis edictis & senatus cōsultis ho-  
stes declararunt, atq; justissimè bellum  
iis inferri posse censuerunt. Sed nō de  
bullis jam agitur: alia longè graviora  
urgent. Pontificiæ adversus demor-  
tuum regem excommunicationis vir-  
tute, finitimi ditionem hanc invase-  
runt, extrema regni propugnacula oc-  
cuparūt, atq; in media etiam illius op-  
pida suis & callidis consiliis & aureis  
Philippis se insinuarunt. Quin Sfon-  
dratus Sixti successoris sui furores imi-  
tatus, initam dudum rebellionem cō-  
firmat, omnem pacis inter nos concie-  
liandæ

liandæ viam intercludit: vicinos, ut ad  
navis quasi laceratæ direptionem cer-  
tati accurrat, enixè sollicitat: thesau-  
ros è nostris loculis eo animo (hic enim  
putabatur) & consilio, ut ad bellū con-  
tra Turcas gerendum cōverterentur,  
corrosos, expromit & totos exhauit,  
per quos armata manu nos invadat, &  
si modò potest, penitus etiam perdat.  
Huccine rerū venimus, hæc ne est ho-  
rum temporū ratio, hicne regni status,  
ut deceat Gallos aut medios esse, aut  
quibusdam rationibus repressos frigē-  
re, aut publicæ defensioni aliqua in re  
deesse, & turpiter à Majorum suorum  
pietate, fortitudine, & fide degenera-  
re? Non mediocris equidē bonorum  
virorū, patriæq; studiosorum civium a-  
nimis incutitur dolor, quum ad arma  
venitur: quæ si ob religionē capiantur,  
cōduplicatur mœror, suspiriāq; magis  
ac magis invalescūt. Non sine maximo  
igitur animi angore bellū hoc suscipie-  
tur, in quo Dei nomē in prætextū usur-  
patur. At Deus ipse sancte p̄cipit, ut re-  
gi pareamus: rei necessitas & perpetua

majorum nostrorum exempla ad id nos invitant & compellunt. Papa nullam conquerendi occasionem habet. Non nos Ecclesiam perturbamus aut vexamus: ille ipse mali hujus est auctor. Quam responsonem Elias Propheta Achabo faciebat, eandem ipsi nos facere meritò possumus. Ille ipse tragœdiā hanc excitavit, ille ipse hanc nobis perniciem machinatur, ille ipse pro pace, quam suadere nobis debuit, classicū canit, ad bellum etiam civile & intestinum nos concitat. Ille ipse pro pacifico Evangelio, & cōsolutionibus, quæ in rebus adversis nobis peropus sunt, copias infestas, & excommunicationum tonitrua in nos emittit. Bonos Ecclesiæ Pastores maximi semper faciemus, & illum ipsum imprimis, si talis esset. Ille quidem se talem, ac Patrem sanctum in suis Bullis nuncupat, sed facta & mores repugnant. Patres in Benedicti 13 caussa nos docuerunt, quomodo de bonis pastoribus iudicare debeamus. Ille enim tunc eosdem quoq; usurpabat titulos, quos & Sfondratus

dratus sibi iam arrogat: sed illi verba si-  
bi dari non sinebant. Judicii, quod fa-  
ciebant, regula, statūs Prophetarum &  
Apostolorum, atque Benedicti condi-  
tionis cōparatione nitebatur. Quum  
enim Samuelis, D. Pauli & aliorū Dei  
servorum integritatem sibi propone-  
bant, & cum ea Benedicti mores acta-  
que componebant, liberè judicabant,  
Benedictum nō eum esse, quem se di-  
ceret, pastorem scilicet & patrem san-  
ctum: sed avarū, Ecclesiæ vexatorem,  
actyrannum: hoc etiam verbum usur-  
pantes. Id in Caroli v i edicto ita scri-  
ptum extat. Si hac majorum regula u-  
timur, de Sfondrati pietate & zelo ju-  
dicaturi, quid sentiemus, quid statue-  
mus? Ecquid unquam aut in Aposto-  
lis, aut in ullis aliis Dei servis Sfondrati  
cōsiliis & actis simile reperietur: ut ni-  
mirum cives in principes suos concita-  
rint, ut etiam Ecclesiæ æratium (quod  
latius & sanctius ad pauperū inopiam  
sublevandam, & alias res ejusmodi ne-  
cessarias conferretur) emunxerint ad  
colligendos exercitus, & eō consilio

immittēdos, quorū opera, cùm alii suis  
opibus & honoribus, tum reges maxi-  
mè ipsi dignitate & potestate sua exspo-  
lientur? Hoccine Evangelīū Apostoli  
prædicarunt? Itanc omnē dominatio-  
nem fugerūt? Siccine ab omnibus hu-  
manis negotiis abstinuerunt? adeóne  
salutem omnium procurarunt? Tan-  
tōne studio & cura hominū offenditionē  
vitarūt, ut potius quām minimā etiam  
infimis cōquerendi occasiōne darent,  
de suo aliis jure cōcederent? Nunquid  
senserunt, dixeruntve unquā, sua qui-  
bus maximē uterentur & niterētur, ar-  
ma, aut in militū collectione, aut in o-  
pibus viribusq; humanis consistere? Si  
igitur Sfondratus se nec lupū, nec con-  
jurationis ad nos funditus perdendos  
conflatæ caput esse, sed potius verū pa-  
storē & pium patrē re ipsa comproba-  
ret, nos omnium primi honorem illi &  
observantiā libentissimè deferremus.  
Sed patres suo nos exemplo docuerūt,  
ubi Dei mandatū proponitur, ubi pu-  
blica salus agitur, nulli cuiquā quamvis  
præstantissimo & potentissimo ceden-  
dum.

dum. Subjiciat quantum volet se in D. Petri cathedra sedere: successionē suā objiciat: se Apostolū etiam vēditet: veritas ipsa id omnino falso esse clamat. Tota illa, quā Episcopi vendicare sibi possunt, auctoritas, una est cult⁹ di-  
 vini, cui regēdo & administrādo à Deo constituti sunt, nō dominationis, nedū tyrānidis, auctoritas. Omniā vestra sunt (ait Apostol⁹) sive Paulus, sive Apollos,  
I. Cor. 3.  
 sive Cephas &c. omnia inq̄ vestra sunt: vos autem Christi: Christus verò Dei. Maximi quiq; in hoc Ecclesiæ servorū numero sunt, & in iis D. etiā Petrus, qui illic nominat Cephas. Atq; Academia Parisiensis in sua illa præclara ad Caro-  
 lū VI admonitione, hujus loci memi-  
 nit, eumq; ad eā, de qua tunc agebatur,  
 controversiā scitè & appositè accōmo-  
 davit. Si qua igitur Papa est auctoritate  
 prædictus, eam ad opprimēdam Eccle-  
 siam, vexādosq; Christianos adhibere  
 nō debet. Alioqui, si Apostolorum sta-  
 tum exuit, ut Monarchę exercitū con-  
 scribentis statum induat: totus adeò ad  
 regnū, quod in suis Monitoriis Bullis

præcipuū Ecclesiæ ad miniculū nomi-  
pare cogitur, penitus evertendū com-  
paratus: si, inq; talē se getit, nō item ser-  
vum, pastorem & patrē: nulla est jā il-  
lius auctoritas, merus est verusq; lupus,  
quem oves aversari & fugere debent.  
Quū patres nostri flagitosos ejusmodi  
Papas habebāt (qui tamē pravis affecti-  
bus, odiis, & sceleratis cōtra hoc regnū  
conspirationibus, ab istorū furoribus  
longissimo intervallo aberant) solenni  
judiciorū ritū proclamabant ac decer-  
nebant, sibi ab iis discedendum esse,  
Apostoli cōsilio freti, dum ait, Segre-  
gate vos ab omni fratre, qui se inordi-  
natē gerit. Quinetiam eos ipsos, si pro-  
vinciæ suæ finibus egressi, in regnū hoc  
infestis armis irruere tentarent, hostes  
edixerunt, statuerūtq; bellum cum iis  
justē geri posse. Hæc nobis esse debent  
sacrosancta, inviolatēq; servanda judi-  
dicia, si hoc regnum esse salvum veli-  
mus. Publicæ saluti omnis dignitas &  
auctoritas, etiā pontificia, quamquam  
dirumpatur & crepet Sfondratus, ce-  
dat necesse est. Cūm tot bonæ fidei re-  
etæque

Atque conscientiæ testimonia nobis non defint, errare jam & labi non possumus.

Nec verò mali quidquā nobis hinc metuendū est, modò armis, quæ Deus ipse nobis tradit, rectè utamur. Sfondratus mira pollicetur, si quod imperat præstemus: contrà dira minatur, si imperiū detrectemus. Lenis quidem & benignus pater est, sed continuò fulmen arripit, arma & copias, quæ consanguinei sui ductu & auspiciis regātur, insolēter jactat. Nunc sacri ad precandum vel imprecandum pontificis: Nunc armati ad bellum gerendū imperatoris, ut quondam Bonifacius, habitum & personam suscipit. Senectutē suam stomachatur & cōqueritur, per quam ipse rei gerendæ adesse non possit. Vitam etiam suam se profusurū promittit, sed procul admodum, & periculi securus. Alter est Julius 2, furoris & cædis plenus, qui libenter D. Petri claves in Tyberim projiceret, ensem & loriam arrepturus. Nempe ille Christi vicarius, ille Petri successor Sfrondra-

tus in suis Bullis tales se ostendit. Sed ea omnia meræ sunt minæ , & vana puerorum terricula. Patres nostri aliorum Paparum nec rabie, nec illis , per quas finitimi adversus regnum conjurabant, comminationibus ullo modo terrebantur. Nec Sfondrati copiis magis terribitur Gallica nobilitas, aliquique optimi viri patriæque studiosi cives, qui se animorum æquè ac nominis & facultatum avitarum successores verè præstabunt. Papæ fulmina, fumi umbra tantum sunt: Illius monitoriæ literæ nihil sunt aliud quam inanes, confractæ &c, ut ita dicam, exenteratae bulæ, quæ levem duntaxat & evanidum strepitum edant.

Quod si aut temeritate quadā , aut nonnulla imperii alieni invadendi cupiditate , aut aliquo alio pravo cōsilio, in gerendo hoc bello duceremur, næ metuendæ valde nobis essent non hominis cuiusdam , sed Dei ipsius combinationes, qui nec vult nec patitur, ut bella ita injustè gerantur. At nos  
hujus

hujus belli Deum ipsum comprobato-  
 rem habemus, cum illius mandati  
 auctoritas jubeat, cum Majorum ex-  
 emplum moneat, cum (acerrium ad  
 res gerendas telum) maxima, &  
 quam antea unquam longè major ne-  
 cessitas moveat, ut ad justam ac legi-  
 timam regis nostri regni que totius de-  
 fensionem aggrediamur: cum deni-  
 que regem, quem Deus tam multis  
 sui in nos amoris & benevolentiae ar-  
 gumentis nobis præfecit, ducem au-  
 spicemque habeamus. Ea est Dei vo-  
 catio, cui illius ipsius beneficio co-  
 mes erit successus & felicitas. Qui bel-  
 lum suo regi indicunt & inferunt, qui  
 patriam hosti produnt, qui universum  
 regnum incendio, sanguine, & con-  
 fusione compleant, his justum Dei ju-  
 dicium, & quod tardius, eò gravius  
 certò impendet. Certa enim hæc est  
 stabilisque & immutabilis Dei senten-  
 tia; Quicunque potestati resistit (Apo-  
 stolus ad Roman. 13. de principe à Deo  
 constituto ita loquitur) Dei ordinationi

resistit: qui verò illi resistunt, ipsi sibi condemnationem auferent. Hæ sunt autem Monitoriæ Dei vivi literæ, non hominis mēdaciæ Bullæ. Rebelliones atque nefariæ civium in principes suos conurationes, impunitæ nunquam & inultæ relinquuntur. Illæ demum minæ metuendæ sunt. Conjurati de suo Papa insolenter gloriantur, eum nobis superbè ostentant, subindéque obtrudunt: Putant illum Dei cuiusdam instar sibi esse, qui dextram ad nos pefundandos fulmine armatam habeat.

**No 4a** Ex vexillis Papæ ipsius ore manūque consecratis miranda sibi promittunt. At eæ bullæ sunt & nugæ. Promissio-  
nes & cōminationes, itemque elogia & imprecationes, in Dei unius necalius cujusquam manu & dispensatione sitæ sunt. Adversus Dei minas, istius furiosibenedictiones nulli planè auxilio & præsidio erunt: adversus verò vesani istius exsecrationes, quas in nos usque jaculari se putat, Dei studium & patrocinium, tutissimū nobis semper erit certissimumque propugnaculum.

Con-

Convertetur perversitas ejus in caput  
ejus (ut in Psalmo dicitur): & super ver- *Psal. 7.*  
ticem ejus, iniquitas ejus descendet:  
Carolī vi tempore in Parisiensi con-  
ventu, concionis cujusdam à Doctore  
Theologo, dicto Cruricurto in Bene-  
dictum Papā institutæ atq; habitæ ar-  
gumentum fuit: Illud etiam hodie no-  
bis adversus Sfondrati, ejusque simi-  
lium conspirationes & fulmina, sacro-  
sanctum divinæ justitiæ decretū esto.

## T. Berchetus Lectori S.

**Q**UUM post conscriptum & pœne jam edi-  
tum hunc libellum gravissimum supremi  
senatus adversus Papam ipsiusque Bullas decre-  
tum, quo libri argumentum ita confirmatur, ut  
alterum ex altero confectum descriptumque esse  
videatur, ad nos perlatum fuisset: illud quoque  
Lector, Latinè mihi vertendum, & in tuam gra-  
tiam huic libro apponendum putavi, ut de Bal-  
larum Papalium inanitate & errore, de caussæ  
regiae justitia & veritate, atque de admirabili se-  
natus integritate & fide tibi magis constaret.  
Nempe par erat ut Patricii a patrum suorum ac  
veterum illorum senatorum, qui tam magno for-  
tique animo decreta ejusmodi non semel adver-  
sus Paparum tyrannidem fecerant, constantia &

*animi magnitudine non degenerarent: sed potius  
in eadem causa eodem quoque animo essent, &  
virtutem illorum ac fidelitatem fortiter imita-  
rentur. Verè hoc profectò patrissare est. Sed jam  
senatus consultum lege, examina, & perpende:  
nullum quidē certè aut justius aut sanctius aut  
magnificentius ea de re factum unquam fuisse  
dixeris. Vale.*

*Supremi senatus Decretum.*

*§ 3. —  
decreto  
Kath. v.* **D**E C R E V I T senatus ut in postica complicatarum literarum parte hæc inscribātur, lecta, publicata, in tabulas relata.

**A U D I T O,** & hoc postulante generali regis procuratore, atq; habita reliquarum petitionū ab eo propositarum ratione, Monitorias Bullas primo die Martii Anno 1591 Romæ datas, irritas, fallaces, seditiosas, damnandas, impietatum & imposturarum plenas ac refertas, sacris Ecclesiæ Gallicanæ decreatis, juri, immunitatibus & libertatibus contrarias esse declaravit ac declarat. Constituit ut literarum Marcilii Landriani sigillo consignatarum ac Sextili Lampini nomine subsignatarū exempla

empla per † publicum supremæ Juris- + forenſes  
dictionis executorem dilacerentur, *viri noſtra*  
atque in ignem, qui hanc ob cauſam *tes carnifi-*  
ante præcipuam curiæ portam incen- *cē hoc ver-*  
detur, cremanda conjiciantur. O- *borū cir-*  
mnib<sup>9</sup> Antiftitibus, Curionibus, Vica- *cuitu fi-*  
riis & aliis Ecclesiasticis viris ne ulla *gnificant.*  
Bullarum istarum exempla promul-  
gent: itemque cæteris omnibus cujus-  
cunq; status, conditionis & fortis ho-  
minibus, ne illis pareant, ne illas et-  
iam omnino habeant & conservent,  
sub læſæ Majestatis criminis pœna in-  
terdixit. Gregorium Papam ſe vendi-  
tantem, hujus nominis **XIIII** publicæ  
pacis, Ecclesiæ Catholicæ Apostolicæ  
& Romanæ concordiaæ, regis Gallici-  
que regni hostem, Hispanæ conjura-  
tionis ſocium, rebellium & in regem  
contumacium fautorem: crudeliffimi,  
immaniffimi, & detestabiliffimi par-  
ricidii in Henricum **III** fideliffimæ  
memoriæ ac Christianiffimum & sum-  
mè Catholicum regem per proditio-  
nem patrati concium pronunciavit  
ac pronunciat. Omnibus mensariis

¶ vulgo ne ad Bullas & Canonum gratiam, at-  
 Dispensat. que ad aliam quamcunq; aliarū rerum  
 vocant. facultatem impetrandā vel spondeant,  
 fidemq; suam interponat, vel mensarię  
 negotiationis opera, aurum argētum-  
 ve Romam perferendum curent sub  
 eadem poena interminatus est atq; in-  
 terminatur. Siquid verò ejusmodi jam  
 transactum confectumq; fuerit, Magi-  
 stratibus ac Judicibus, ut in id diligen-  
 ter animadvertāt mandat. Idem sena-  
 tus sancit, ut Marcillus Landrianus di-  
 eti Gregorii Nuntius, qualem quidem  
 se profitetur, itemq; Bulligerulus, inje-  
 cta manu comprehendatur, & in cu-  
 riæ carcerē captivus pertrahatur, cau-  
 sa dicta disceptatāq; ex legibus pro me-  
 rito condemnandus. Quod si capi cō-  
 prehendiq; nullo modo possit, ut tri-  
 bus perendinis. è quām proximo suc-  
 sionibus, accessūq; facili loco, ad cau-  
 sam dicendā vadimoniū illi denuncie-  
 tur. Omnibus urbū gubernatoribus,  
 atque artium & propugnaculorum in-  
 regis ditione & imperio cōstitutorum  
 præfectis, ut supradicto decreto exe-  
 quen-

quendo opem atque auxilium ferant, jubet. Atque, ut justa sanctaque regis voluntas ipsius subditis testata & manifesta fiat, edicit ut exscriptatum regis codicillorum, tum hujus senatus consulti cum exemplari collata & recognita exempla, in hujuscce urbis copitis ac præcipuis templorū portis apponantur & affigantur: atque ad hujus Jurisdictionis præfecturas ac municipia mittantur: quò illic publicentur, in tabulas referantur, & ut jam dictum est, affigantur: necnon ad Archiepiscopos & Episcopos qui ea deinde Ecclesiasticis suarum Diœceseon hominibus patefaciant. Munus hoc † Juridis provinciarū præfectis, eorum tum generalibus tum specialibus subpræfectis injungit, ut illorum promulgationem current. Adhæc procuratoris generalis substitutis, ut omni studio & opera ad decretum hoc exequendum incumbant, in contumaces anquirant & animadvertant, sénatumque de adhibita à se in eam rem totam diligentia intra mensē certiorem fa-

*Balivos  
Seneschales  
hodie  
vocabuntur.*

ciant, alioqui Magistratibus suis abdi-  
candi. Turonibus in supremo senatu  
Anno millesimo quingentesimo no-  
nagesimo primo, quinto Augusti die,  
quo ad hujus Decreti executionem  
pomeridianis horis ventum fuit.

1591  
5 Augst.

## Idem Berchetus Lectori S.

**E**N alterum adhuc, Lector, senatus cōsultum  
altero post prius illud die allatum ē cōver-  
sum: idque superiori adeo germanum ē simile,  
ut si per paucā mutaveris, geminum quodam-  
modo, ē una pōne, aut potius planē anima in  
duobus corporibus inesse videatur. Facit vero id  
summa in tuenda regis maiestate ac propugnan-  
da patriæ libertate cōsenso, ē conspirans mem-  
brorum cum suo capite sympathia, ut, quot antea  
unicum suprēma curia corpus fuerat, nunc tem-  
porum iniquitate, longo licet a se locorum inter-  
vallo distractum, idem tamen prorsus ē sentiat  
ē sanciat, certatimque de fide ē officio conten-  
dat ac laboret. Verū, cum res ab his ē illis gra-  
vissimis senatoribus judicata ita bellè libelli hu-  
jus sententiæ congruat, ut altera ab altera omni-  
no probetur ē confirmetur: opera aliquod pre-  
tium facturum me sum arbitratus, si darem pro  
mea parte operam, ut qua tam appositi ē conve-  
nienter quadrant, ederentur simul, ē eodem  
quoque

quoque libello concluderentur: unde haberetis, in  
quo verè utiliterque conquiesceretis. Vos vero &  
gravissimi patres, quotquot jam & Turonibus &  
Catalauni superestis non minime, immo potius <sup>chalonijs;</sup> e  
potissima & splendidissima Danaum atque im- <sup>mitis quæq;</sup>  
mitis Achillei reliquia, cum pristinae avorum, <sup>placuisse.</sup>  
tum vestrae ipsorum pietatis ac virtutis memores,  
vos fortiter ut facitis colligitis, & ad Gallici regni  
conjuratorum scelere perfidiaque labantis sta-  
tum erigendum, & in antiquum splendorem re-  
stituendum summo consensu conspirate: atque,  
ut verbo dicam, ad divina & humana jura a  
Catilinariis istis ferè convulsa & eversa instau-  
randa stabiliendaque omni ope atque opera in-  
cumbite: ut publicæ rei conservatae ac restituta  
partem non mediocrem vobis ipsi nulla invidia  
vendicare: Nos autem & tota adeò posteritas,  
tantam istam, quam in difficillimis Reipub. tem-  
poribus opportunitissimè prestiteritis, virtutem ac  
fidem gratâ memoriam, honorificisque laudibus  
meritissimo prosequi ac celebrare possimus. Vale  
iterum Lector, & tantillo hoc nostro labore li- <sup>5/9.2.1</sup>  
benter fruere. 5 die Septemb. 1591. <sup>1591</sup>

SUPREMÆ CURIÆ CATA.  
*launi confidentis Decretum in provocatio-  
 nem per generalem regis procuratorem de  
 iniqua& fallaci quarundam Bullarum, qua  
 Roma emanarunt, congettione & execu-  
 tione interjectam, factum.*

*de la wuez  
 a chalon  
 29 auy 1591*

*1591 10  
 ...*

**O**B Monitorium Bullarū, excom-  
 municationū, & fulminationum  
 Romæ aduersus Henricum huius no-  
 minis III, & hunc qui iam regnat, de-  
 cretarum concessionem & execu-  
 nem: tum ob Bullarum de Cardinalis  
 Caietani legatione, ac de iis omnibus,  
 quæ inde sequuta sunt: atque aliarum  
 quoque Romæ primo Martii die 1591  
 datarum, actuumque & promulgatio-  
 num per Marcilium Landrianum  
 Papæ se nuntium profitentem facta-  
 rum, quia irritarum, frustratoriaturum,  
 bonis omnibus invisarū & odiosarum,  
 seditiosarum, atque adversus sacrosan-  
 cta Gallicanæ Ecclesiæ decreta, jura &  
 libertates confectarum editionē: Le-  
 gitimā inter generalem regis procura-  
 torem jure, quippe de re fallaci & ini-  
 qua

quia provocantim, criminisq; ac maleficii nomine a gentem: atq; inter ipsum Marcilium Landrianum Referendarium Papē se nuntium vulgò venditatem, in hoc regnum regis injussu clam ingressum, citatū reum, & ad nomen non respondentem actione instituta:

Curia ad provocationē à dicto generali procuratore factum judicium reddens, & de absente secundūm præsentē judicans, statuit ac pronūciat, quicquid cōtra defunctum Henricum III felicissimæ memoriae regem, & hunc qui regni gubernacula nūc tenet, ejusque clientes, & ditioni atque imperio subiectos cives constitutum, tentatum, actumque fuerit, id perperam, vanè & falsò constitutum, tentatum & aetum: ideoq; ab actore publico & regio rectè appellatum fuisse. Supradictas o-  
nes Bullas, acta, excommunicationes, & fulminations ut brutas & irritas, odiosas & inyisias, seditionis faces, imposturarū plenas, atq; adversus sacra decreta, canonicas cōstitutiones, approbatāq; concilia, nec non Gallicanę Ec-

clesiæ jura & privilegia contextas con-  
 fregit, revocavit, antiquavit: confringit  
 etiamnū, revocat & antiquat. Sanxit  
 & sancit, ut, si qui ejusmodi Bullarum,  
 & actuum virtute excōmunicati fue-  
 rint, hac pœna solvātūr: istaq; Bulle &  
 omnes inde profecte actiones, in pu-  
 blica hujuscē urbis platea per supremę  
 Jurisdictionis ministrum, carnificem,  
 concrementur. Edicit ut prædictus  
 Lādrianus, Nuntius vulgò habitus, qui  
 clandestina via in hoc regnum nullā à  
 rege impetratā veniā, irrep̄sit, manu in  
 ipsum injecta cōprehendatur, & in re-  
 giam Catalauni oppidi custodiā tra-  
 dutur, quò in eū ex legibus extra ordinē  
 statuatur. Qui si nulla cōprehendira-  
 tione poterit, in trinundinū dies illi cō-  
 sueto more dicatur: ei verò qui vivum  
 illum in curiæ potestatem tradiderit,  
decem aureorum millia persolvantur.

*Chalons**Nutra*

Omnes cujuscunq; sortis, dignitatis  
 & cōditionis homines sub capitib; pœ-  
 na vetuit & vetat dictum istum Nun-  
 tiū apud se tenere, celare, absconde-  
 re, aut hospitio excipere: Archiepisco-  
 pis

pisetia, Episcopis & Ecclesiasticis aliis viris graviter interminatur, ne ulla judicia aut acta à Nuntio illo emanantia promulgent, promulgative patiantur, ne in perduellionis pœnam incurant.

Declaravit ac declarat Cardinales qui Romæ agunt, itemq; Archiepiscopos, Episcopos aliosque Ecclesiasticos, qui Bullas istas & excommunicaciones suaserunt & cōsignarunt, quiq; immannissimū, perquām abominandum, & detestabilissimū in Christianissimū & Catholicum imprimis vita defunctum regē perfidiosissimè admissum parricidium cōprobarunt, sacerdotiorū, quibus in hoc regno potiūt, possessione exturbatos esse. Atque generali regis procuratori munus hoc imponit, ut regiam manum ejusmodi sacerdotiis injiciat, iis regis nomine vendicandis & dispensandis idoneos fidelissimosq; sequestros præficiat, deniq; curiam de collata à se ad eā rem diligentia cōmōnficiat. Hoc interim decreto edit, ne quis aurū vel argentum Romam aut ferat aut ferendum curet: né ve il-

lic de sacerdotiorū possessione sibi ca-  
venda & cōfirmanda ullo modo agat,  
rationemq; ineat, donec ea de re con-  
stitutum quid à rege decretūq; fuerit.  
Postremò cavet & sancit ut regius pro-  
curator à se interpositæ ad proxime fu-  
turum legitimè quidem ritēq; congrega-  
tum conciliū, provocationis aucto-  
ritatem de Cardinali Sfondrato Gre-  
gorium xiiii se mentiente, qui in san-  
ctam sedem Apostolicā grassatoris in-  
star invasit, cōsignatā penes se habeat.

Hoc verò Decretum in hujus Ju-  
risdictionis præfecturas & municipia  
perferendum curabitur, ut in iis ad  
tubæ sonū promulgetur, & in urbium  
compitis ac præcipuorum templorum  
foribus affigatur. Procuratoris itē ge-  
neralis substitutis mandatur, ut eam  
rem totam diligenter curent: Judici-  
bus verò, ut ad rei confiendæ ratio-  
nem aggrediantur, & curiam ea de re  
certiorem faciant.

Datum in curia Catalauni, 29 die  
Augusti, 1591, & pomeridianis ejusdem  
diei horis effectum.